

**Institutio astronomica juxta hypotheses tam veterum quam Copernici et Tychonis / [Pierre Gassendi].**

**Contributors**

Gassendi, Pierre, 1592-1655.

**Publication/Creation**

Cantabrigiae : Joann Hayes for S. Sympson, 1702.

**Persistent URL**

<https://wellcomecollection.org/works/mk74ws8y>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



65 24, 103/3


Lord W. Kerr, G.C.B.




*Library, Crocker Hall.*

*E Libris. Ric: Bradford.  
Cott: Emman: Cantab: At:  
1704*

*Bibliotheca  
Emman: Cott: At:*








Digitized by the Internet Archive  
in 2018 with funding from  
Wellcome Library

<https://archive.org/details/b30508447>

CARIBBEAN  
The Caribbean Travel Show. October 1988  
Exhibition  
Grand Station Hotel



PETRI GASSENDI  
INSTITUTIO  
ASTRONOMICA;  
JUXTA  
HYPOTHESES  
TAM  
VETERUM,  
QUAM  
COPERNICI & TYCHONIS.

Sexta Editio prioribus Correctior.

---

---

CANTABRIGIÆ,  
Ex Officina Joann. Hayes, Celeberrimæ Academiæ  
Typographi. 1702.

Impensis Samuelis Sympson Bibliopolæ Cantabr.

ΙΩΑΝΝΗΣ ΚΑΣΤΡΑΦ  
ΟΙΤΠΙΤΑΝΙ  
ΑΔΙΜΟΝΟΥΑΤΣΑ

ΑΤΧΠΙ

ΣΕΞΗΤΟΠΥΗ

Corriguntur in hâc Sextâ Editione paucula quædam  
Clarissimi Authoris  $\Sigma\varphi\alpha\lambda\mu\alpha\tau\alpha$  μαθηματικâ quæ Lectoribus  
negotium facessere solebant. Ea occurrunt p. 33 ubi agit de ascensione obliquâ initii  $\Theta$  & initii  $\wp$  *Lutetia Parisiorum*. p. 82 de Prostaphæresi Lunari. p. 90 de Peri  
odo Veneris & Mercurii, ubi *Copernicanum* calculum loco  
*Ptolemaici* tradit. p. 146 de Phænomenis quæ sequentur non supposito parallelismo axis Terræ cum axe  $\Delta$  quatoris. p. 159 de motu Globi Bombardici: quæ loc vel in textu vel notis adjectis corriguntur. Emendatio  
autem p. 146 petita est ex Editione Operum *Gassendi* in  
Fol. Ann. 1658 in quam ex Authoris paulò ante defuncti Schedis videtur transcripta.

Sexta Editio Bibliotheca Congregatio



LIBRORUM & CAPITUM

INDEX.

LIBER PRIMUS.

De Doctrina Sphærica.

Cap. I.	<b>Q</b> uid Sphæra sit, & ex quibus constet.	pag. 7
Cap. II.	De vocato Cœlesti Globo, quatenus idem cum Sphæra est.	10
Cap. III.	De repræsentata in medio Sphærae Terra.	12
Cap. IV.	De Axe & Polis, qui dicuntur Mundi.	13
Cap. V.	De Circulis Sphærae, ac primū de Hori- zonte.	15
Cap. VI.	De Meridiano.	17
Cap. VII.	De Äquatore.	19
Cap. VIII.	De Tropicis.	20
Cap. IX.	De Polaribus.	21
Cap. X.	De Coluris.	22
Cap. XI.	De Zodiaco & Ecliptica.	23
Cap. XII.	De Signis Zodiaci.	24
Cap. XIII.	De aliis quibusdam in Sphæra intellectis Cir- culis, ut qui dicuntur Verticales, Altitu- dinis, Distantiae, Positionis, seu Domorum cœlestium.	27
Cap. XIV.	De Circulis itidem aliis, ut Declinationis ac Latitudinis: ubi & de Ascensione ac Lon- gitudine Sidenum.	31
Cap. XV.	De triplici positu Sphærae, Recto, Obliqua, Parallello.	34
Cap. XVI.	De Zonis, ac ideo de Ventorum Plagis per Parallellos Sphærae circulos designatis.	37
Cap. XVII.	De Climatibus, deque varietate Incolarum Terraे propter Parallellos.	41

# INDEX.

Cap. XVIII.	<i>De Crepusculis quæ ad horizontem in quovis Sphæræ situ visuntur.</i>	43
Cap. XIX.	<i>De Radiorum Sidereorum Refractionibus, quæ ad horizontem maximè contingunt.</i>	45
Cap. XX.	<i>De Ortu Occasione Siderum horizontali.</i>	47
Cap. XXI.	<i>De Ortu Occasione Siderum Heliaco.</i>	49
Cap. XXII.	<i>De partibus Temporis (cujus mensura est Primus Motus revolutione Sphæræ designatus) ac primum de Die.</i>	51
Cap. XXIII.	<i>De Hora.</i>	53
Cap. XXIV.	<i>De Hebdomade.</i>	54
Cap. XXV.	<i>De Mense.</i>	56
Cap. XXVI.	<i>De Anno.</i>	58
Cap. XXVII.	<i>De Epochis Temporum.</i>	62

# LIBER SECUNDUS.

## De Doctrina Theorica.

Cap. I.	<b>D</b> e Phænomenis variis quæ Secundorum Mobilium Theoria occasionem fecerunt.	65
Cap. II.	<i>Varia genera Hypotheseon salvandis, sive explicandis hujusmodi Phænomenis.</i>	68
Cap. III.	<i>Hypothesis Ptolemaica, seu communis, quæ est per Excentricos &amp; Epicyclos.</i>	71
Cap. IV.	<i>De Theoria Solis.</i>	77
Cap. V.	<i>De Theoria Lunæ.</i>	80
Cap. VI.	<i>De Theoria trium Superiorum Planetarum, nempe Saturni, Jovis &amp; Martis.</i>	85
Cap. VII.	<i>De Theoria duorum inferiorum Planetarum, Veneris nempe &amp; Mercurii.</i>	88
Cap. VIII.	<i>De Theoria Firmamenti &amp; super-exstructi unius alteriusve Crystallini.</i>	91
Cap. IX.	<i>Quare Planeta nunc Majores, nunc Minorē appareant.</i>	95
Cap. X.		

# INDEX.

<b>Cap. X.</b>	<i>Quare nunc Veloces, nunc Tardi.</i>	<b>97</b>
<b>Cap. XI.</b>	<i>Quare nunc Directi, nunc Retrogradi, nunc Stationarii.</i>	<b>98</b>
<b>Cap. XII.</b>	<i>Quid Parallaxis, ob quam Planetæ altiores aut humiliores judicantur.</i>	<b>101</b>
<b>Cap. XIII.</b>	<i>Quæ sit proinde singulorum, &amp; Fixarum etiam, à Terris distantia, quisque adeò Cœlorum ordo.</i>	<b>103</b>
<b>Cap. XIV.</b>	<i>Quæ item eorundem &amp; fixarum sit (sed habitis simul apparentibus diametris) vera Magnitudo.</i>	<b>106</b>
<b>Cap. XV.</b>	<i>Qui Planetarum Adspectus sint.</i>	<b>108</b>
<b>Cap. XVI.</b>	<i>De variis Lunæ Phasibus, pro varietate Adspectuum Configurationumve ipsius cum Sole.</i>	<b>112</b>
<b>Cap. XVII.</b>	<i>De Eclipsi Lunæ,</i>	<b>116</b>
<b>Cap. XVIII.</b>	<i>De Eclipsi Solis.</i>	<b>122</b>

---

## LIBER TERTIUS.

De specialibus Copernici & Tychonis Systematibus.

<b>Cap. I.</b>	<i>Q</i> uos imitatus Copernicus in Systemate consingendo fuerit.	<b>126</b>
<b>Cap. II.</b>	<i>Quo proinde situ atque ordine Terram Sideraque babuerit.</i>	<b>128</b>
<b>Cap. III.</b>	<i>Cujusmodi triplicem motum Telluri attribuerit.</i>	<b>132</b>
<b>Cap. IV.</b>	<i>Quamobrem de motu quieteve Telluris, aut Siderum fidendum sensui non duxerit.</i>	<b>135</b>
<b>Cap. V.</b>	<i>Quæ visæ magis congruae rationes ad adstrnendum motum Telluris Diurnum.</i>	<b>137</b>
<b>Cap. VI.</b>	<i>Quæ visæ magis congruae ad afferendum Annuum.</i>	<b>140</b>
	<b>Cap. VII.</b>	

# INDEX.

- Cap. VII. *Quæ visa demum magis congrua ad motum  
Tertium inducendum.* 146
- Cap. VIII. *Quid Copernicani ad ea quæ objici solent ex  
Astronomia respondant.* 151
- Cap. IX. *Quid ad ea quæ ex Physica.* 155
- Cap. X. *Quid ad ea quæ ex S. Scriptura.* 161
- Cap. XI. *Quid de Siderum à Terris distantia & magnitu-  
dine definiant.* 164
- Cap. XII. *Quale Mundi Systema sit quod Tycho Braheus  
induxit.*
- Cap. XIII. *Quibus rationibus adductus illud excogita-  
verit.* 170
- Cap. XIV. *Quâ ratione id à Tychonis sectatoribus propug-  
netur.* 171
- Cap. XV. *Quæ sit juxta ipsum Distantia & Magnitudo  
Siderum.* 175

## Liber TERTIUS.

INSTI-

INSTITUTIONIS  
ASTRONOMICÆ  
PRO OLEMIALIA.

**Q**UAM Plato Astronomiam, alii plerique Veterum etiam Astrologiam dixerunt. Ex quo autem Chaldaei suas nugas in Doctrinam hanc invexerunt, est ferè Astrologiæ nomen tributum Genethliacæ (quæ & Judiciaria ferè appellatur) Astronomia verò nuncupata est, quæ in contemplandis dimetiendisque Astrorum motu, distantia, ordine, magnitudine, luce, adjunctisque cæteris consimilibus, occupatur.

Originem ipsi fecit admiratio; tum nimirum cum homines præter splendorem, varietatem, multitudinem, amplitudinem Siderum, observarunt in ipsis motum tam constantem, tam regularem, tam incessanter diei ac noctis, æstatisque & hemis vicissitudines inducentem.

Commendat illam summopere dignitas subjectæ materiæ, quæ non alia est quam amplissima, nobilissi-

bilissimâque totius Mundi regio, Cœlestis nempe ac Siderea, quam homines ut contemplentur, tum obtinere oculos, tum erectos habere vultus à Sapientioribus dicuntur.

Certant de ejus Inventione & antiquitate Babylonii, ob authorem Belum; Ægyptii, ob Mercurium; Mauri, ob Atlantem & Herculem; Græci, ob Jovem, Orpheum, & Atreum; Scythæ, ob Prometheus, &c.

Quorum supersunt Observationes, antiquissimi Babylonii sunt: Nimirum habet Ptolemæus aliquot Eclipses ab iis observatas annis paulò plus ante Christum septingentis. Quod de ulterioribus memorant, aut nullo probatur monumento, aut fabulam sapit.

Sunt verò observationes eorum quæ in Astris apparent (ac Phænomena idcirco vocantur) germana totius Astronomiæ fundamenta; quatenus factis comparatisque Observationibus plusculis, configuntur Hypotheses, supponuntur ve circuli & orbes, juxta quos moveri sidera probabile sit, ad hoc, ut ea quæ observantur, qualia observantur, appareant.

Prætereo autem subindè condi quas Tabulas vocant Astronomicas: Abacos nimirum exprimentes


mentes numeris notisve Arithmeticis ea Tempora  
quæ Sidera in absolventis, juxta assumptas Hypotheses, circuitionibus insunt.

Prætereo & ex Tabulis Ephemeridas seu Diaria parari, quæ videlicet certis motuum atque temporum constitutis initiis, exhibeant quibus in cœlo locis Sol, Luna, cæteraque Astra, diebus singulis sint ac inter se configurentur.

Porrò cum Astronomia pars sit præcipua Cosmographiæ, sive delineationis Mundi, sicque nihil possit congruè de Cœlo ac Sideribus dici aut intelligi, nisi habeatur Systema Mundi generale ob oculos; ideo subjiciendum hic Schema, quo dispositio partium mundi, qualis vulgo & concipi & tradi solet, repræsentetur.

In ipso, quem Orbiculum vides intimum, Terræ & Aquæ globum refert; succedentes duo circuli Aerem & Ignem (quæ duo Elementa superiora sunt) repræsentant.

520 C M I A L I A  
**COELVM EMPYREVVM  
IMMOBILE**



Circuli undecem sequentes Cælos undecim mobiles exhibent: septem scilicet Planetarum proprios, dictosque Lunæ, Mercurii, Veneris, Solis, Martis, Jovis, Saturni; unum Stellarum Inerrantium, quod idcirco Aplanes & Firmamentum dicitur; duos Crystallinos, ita dictos quod, cum sint avaspor, expertes Sideribus, speciali ratione pellucidi sunt, ac unum denique Supremum, ipsum quoque avaspor, & Primum Mobile appellatum.

Dico verò Mobiles Cælos; quia Theologi duodecimum, ipsumque Immobile, statuunt, cælum videlicet Empyreum, quod sit mentium beatarum sedes, & habeatur formæ exterius quadratæ, quod Civitas sancta in Apocalypsi descripta posita in quadro dicatur.

Numero ordinique Cælorum memoriâ tenendis conferre potest hoc distichon,

Luna, & Mercurius, Venus, & Sol,  
Mars, Jove, Satur,  
Firmamen, duo Crystalli, Primum,  
Empyreumque.

Cum in Mobilibus autem Cælis duplex generaliter observeatur motus, unus dictus Primus seu Diurnus, omnium communis, alter Secundus, & aliquorum aut singulorum proprius; & priori

explicando excogitata sit quam Sphæram materialem vocant, posteriori, quam Theoriam Planetarum appellant; hinc efficitur, ut due soleant Astronomiæ partes distingui, quarum una Doctrina Sphærica, alia Theorica nominetur.

Itaque & nos de utraque compendio dicturi, quoniam operæ pretium est rem imprimis cognoscere juxta receptam vulgo sententiam, quæ Systema Mundi, cuiusmodi est mox antè descriptum, supponit, ea propter id duobus exsequemur Libris; in quorum Primo trademus ea quæ ad Doctrinam Sphæricam, in Secundo ea quæ ad Theoricam spectant.

Subinde verò, quod per celebria jam evaserint duo alia Systemata, unum Copernici, alterum Brahei, quorum utrumque nobiles fautores adipiscitur, ideo Tertium Librum, quasi appendicem aliquam, hisce attexamus: ut cognoscere etiam liceat quænam illa sint, & qui à Sectatoribus defendantur.

INSTITUTIONIS  
ASTRONOMICÆ  
LIBER PRIMUS,  
SIVE  
DOCTRINA SPHÆRICA.

---


CAPUT I.

*Quid Sphæra sit, & ex quibus constet.*

**C**UM exordiendum igitur à doctrina Sphærica sit, supponendum est Sphæræ nomine intelligi hic Instrumentum illud vulgare, & mox (prout representari in plano potest) exhibendum, quod ex variis circulis armillisve constans, & axe, cum globulo in medio, trajeçtum, usurpari solet tum Machinæ Mundi tum cœlestibus Motibus, ac præsertim Primo seu diurno, repræsentandis.

Nam primùm quidem Globulus ille qui sustentatur in medio, Terram in centro Machinæ Mundanæ constitutam refert; & trajicientis axis extrema, super quibus fit coniunctio, duos referunt Polos, alterum quidem Boreum, alterum verò Austrinum vocatos, super quibus tota Machina cœlorum eo volvitur motu qui spatio horarum 24 peragitatur; & ut Latinis dicitur *diurnus*, ità Græcis νυχτικός, quasi *nocti-dialis*, quod diei & noctis spatium complectatur.

Ac non est quidem Sphæra contexta ex tot orbibus quot antè descripsimus cœlos: sed tota tamen cœlorum strues



intelligi potest ex hac simplici circulorum compagine, quatenus ut ista movetur super polis Sphæralibus, ita illa tota unico abreptu movetur super polis Mundi.

Nimirum tametsi inferiores cœli speciales motus obeant, quibus se in ortum veluti subducant, idque secundūm eum circulum qui mox dicitur Zodiacus; omnes tamen impetu uno à super-exstante Primo mobili versus occasum abripiuntur, circumducunturque intra idem tempus, horarum nempe 24. Unde & fit ut quæ in ipsis constituta sunt sidera, dietim oriri & occidere, seu ire redireque appareant; & qui ipsis imprimitur, motus Raptus appellitetur.

Supponit interim hic Raptus esse debere omnes cœlos non modo perspicuos, sed etiam contiguos, solidos ac duros, & sidera ipsis hærere, ut scilicet simul possint abripi. Quod utcunque verum reipsa non sit, admitti tamen ut Hypothesis explicandis motibus potest.

Ad circulos Sphæræ quod spectat, ii distinguuntur numero decem: & ex ipsis sex dicuntur Majores (sive Maximi) quatenus eorum quilibet Sphæram in duas partes æquales dispescit, Horizon putâ, ac Meridianus, intra quos immobiles reliqui volvuntur; ac præterea Æquator, Colurique duo, & Zodiacus, seu circulus latior, secundum cuius medium ea dicitur quæ & appellatur Ecliptica linea.

Quatuor autem dicuntur Minores, quatenus eorum qui libet Sphæram dividit in duas partes inæquales, duo Tropici nempe & duo Polares; qui etiam unâ cum Æquatore ideo Paralleli vocantur, quod à se invicem undique æquidistent.

Quod obiter Zodiacum circulum esse latum dixi, supponit esse reliquos indivisibiles concipiendos: utcunque in Sphæra tales non habeantur, quod tales parari compingique non valeant. Concipiendos autem addo, quatenus illi non oculis, sed mente solâ percipiuntur (Horizonte tamen excepto) cum eos in cœlo requirimus.

Et sunt alii quidem præterea in cœlo intelligendi circuli; sed de illis erit posterius dicendum.

Adnotandum hic, Quemvis circulum dividi solere in gradus,

gradus, seu partes æquales 360. & quemlibet gradum subdivisum intelligi in 60. particulas, quas prima Minuta, & Minuta etiam simpliciter, vocant: ac pari ratione, plerumq; quodlibet Minutum primum subdistinctum intelligi in 60. vocata Secunda; quodlibet secundum in 60. Tertia; & ita deinceps, si quid opus fuerit, in Quarta, Quinta, &c.

Quo modo etiam diviso die in horas 24. solet Hora subdividi in 60. Minuta prima; quodlibet primum in 60. secunda; quodlibet secundum in 60. tertia, &c.

## C A P. II.

*De vocato Cœlesti Globo, quatenus idem cum Sphæra est.*

**S**olent circuli Sphæræ memorati repræsentari etiam in eo qui manibus omnium vulgo teritur, appellatúrque Globus Cœlestis; idémque adeò cum Sphæra est, si quæ sunt in Sphæra inania circulorum mobilium interstitia, oppleta esse contornatáque, & illis Stellarum Imaginibus insignita intelligantur.

Scilicet aliunde superficies Globi repræsentat nobis Firmamenti faciem, prospectumve Stellarum fixarum redactarum pridem in certas Figuras, seu Imagines, quas *ἀστερους* seu Constellationes, & Signa cœlestia appellant; quásque quia Aratus, post Eudoxum, descripsit, non desunt qui Cœlestem Globum vocent Aratæam Sphæram.

Fuere porrò Constellationes à priscis usque temporibus distinctæ 48. comprehendentes stellas in Græcia totâque orbis terræ cognita tunc parte conspicuas. Sunt vero ex iis 12 descriptæ in Zodiaco, 21 ad Zodiaci Boream, 15 ad Austrum ejusdem: exprimique solent his carminibus.

*In sunt Signifero bis sex cœlestia Signa;*

*Suntque Aries, Taurus, Gemini, Cancer, Leo, Virgo,*

*Libra, Scorpius, Arcitenens, Caper, Amphora, Pisces.*

*Ad Boream vero ter septem conspiciuntur:*

*Ursa Minor, Major, Custos, Draco, Gemma, Genique*

*Prolapsus, Lyra, Olor, Cepheus, & Cassiopeia,*

*Persens,*

*Perseus, Andromede, Deltotum, Auriga, Caballus,  
Rictus Equi, Delphin, Telum, binc Aquila, Anguifer,  
Anguis.*

*Denique, converti ter quinque notantur ad Austrum:  
Cetus, & Eridanus, Lepus, & nimbosus Orion,  
Sirius & Procyon, Argo ratis, Hydrâque, Crater,  
Corvus, Centaurus, Lupus, Ara, Coronâque Piscis.*

Nuperis autem temporibus, & postquam navigando in Austrum detectæ sunt Stellæ quæ fuerant Priscis inconspicuæ, distinctæ sunt præterea Constellationes duodecim, quæ hocce disticho continentur,

*Phœnix, Grus, Indus, Xiphias, Pavo, Anser, & Hydrus,  
Passer, Apis, Triquetrum, Musca, Chamæque-leon.*

Prætereo verò quasdam minores Constellationes designatas in majoribus illis fuisse, uti Pleiadas & Hyadas in Tauro, Præsepe & Asellos in Cancro, Capellam ac Hædos in Auriga, &c.

Prætereo etiam aliquas stellas, in ipsarum Constellationum interstitiis quasi relictae, ideo informes appellari, quod extra Formas Imaginése ad quas cæteræ attinent visantur.

Prætereo demum, cum forent pridem Stellæ potissimum conspicuæ numeratæ mille & viginti duæ, suisse earum præcipuas dictas Magnitudinis esse Primæ, quales sunt Sirius (dictus Canis major, & Canicula) itemque Lyra, Capella, Arcturus, & aliæ; nonnihil minores, Secundæ, quales sunt Polaris vocata in extrema cauda Ursæ minoris, & quæ in Ursa majore appellantur Septentriones; nonnihil adhuc minores, Tertiæ; & rursus Quartæ, Quintæ, Sextæ; adjunctis etiam aliquibus, quas & Nebulosas, & Obscuras dixerunt.

An adnotabo Nebulosas, ut vocatum Præsepe Cancri, deprehensas Telescopio opticōve Tubo, nihil esse aliud quam aggeries aliquas minutissimarum stellarum, quarum conjunctæ luculæ speciem alboris, ac veluti nubeculæ cūjusdam, creent?

An, deprehensum quoque esse, Lacteum circulum in Globo

Globo descriptum & veteribus habitum pro undecimo (ipsique, Zodiaci instar, lato.) circulo, nihil esse aliud quam texturam quandam ejusmodi nubecularum, seu ineffabilem stellarum minutissimarum congeriem, qualem jampriedem Democritus apud Plutarchum conjecerat?

## C A P. III.

*De repræsentata in medio Sphæræ Terra.*

**J**A M, cùm globulus qui in medio Sphæræ repræsentare Terram sit dictus, ideo sciendum imprimis est, esse Terram formæ Globosæ: neque enim montes vallésque ipsius rotunditati magis officiunt (spectatâ nimirum ambitu amplitudine) quam malo arantio granulositas cutis.

Et probant quidem physici hanc rotunditatem ex coitione omnium partium, quæ ex æquo in centrum nitantur: sed Astronomi eam convincunt ex eo, quod tendonibus in Boream Austrumve, aliæ aliæque cœli partes hinc retegantur, indè occultentur, & Polus conspicuus evadat hinc elatior, indè depresso; quodque prout quisque est magis ad Orientem aut Occidentem, astra videat citius tardiūsve oriri & occidere; atque adeò, dum Luna v. c. patitur Eclipsin, qui est orientalior plures horas à meridie aut media nocte numeret, qui occidentalior pauciores.

Est verò nomine Globi Terræ comprehendenda simul Aquæ, quatenus Aquæ & Terræ partes versus idem centrum conspirant, & maris superficies sic cum Terrestri continuaatur, ut eadem quæ dicta mox sunt navigantibus in Boream Austrumve, & rursus ad ortum occasumve positis contingant: ac vel illud probat non esse maris superficiem planam, quod à portu solventibus Terra sensim sic occultetur (à gibbo maris videlicet) ut nulla denique appareat. Nè memorem umbram, quæ in disco Lunæ Eclipsin patientis à Terræ & Maris superficie creatur, esse perinde circularem.

Deinde, esse Terram in centro Mundi (atque ideo centrum ipsius cum centro Mundi idem esse) probari à Physicis,

ex recessu omnium gravium à Mundi superficie, confluxúque in ejus centrum, à quo recedere Ascendere sit; & in quo proinde Terra quasi suis ponderibus librata teneatur. Probari verò ab Astronomis ex eo, quod alioquin non appareret Mundus in duo Hemisphæria divisus, & amplius idcirco aut minus quam sex signa Zodiaci supra Terram conspicerentur; quodque Eclipses Lunæ non contingenterent in oppositione cum Sole ex diametro facta (Terrâ scilicet non intercipiente;) aliaque similia.

Adhæc, licet Terra ambitu suo contineat leucas mediocres (seu qualium una ex Italicis tribus milliaribus conficitur) octies mille & proximè octingentas, esse eam tamen, ad Firmamentum dum comparatur, quasi punctum; idque probari, quatenus ubicunque oculus in Terra sit, dimidium cœli conspicit, & undecunq; Stellas aspiciat, eas, neq; maiores neque minores deprehendit. Quinetiam dici posse punctum ad cœlum Solis comparatam; prout videmus umbras Solis circa instrumentorum & horologiorum centra non minus regulariter quam circa Terræ centrum moveri, planè ut si inter terræ superficiem & centrū nihil interesset.

Denique Terram in medio Mundi constitutam quiescere, ex eo probari solere, quod neque moveatur motu recto, quia exiret ex ipso centro, sicque ascenderet, quod gravitati ejus repugnat; neque circulari, quia id non potest, neque circa proprium neque circa alienum axem. Nam si moveretur quidem circa proprium axem versus ortum, existentia in aère omnia, ut nubes & volucres, apparerent ferri in occasum, nihilque præterea secundum perpendiculum caderet; secùs ac fieri observatur. Si circa alienum, variaretur nobis in Terræ superficie quiescentibus Poli altitudo; quod nusquam contingit.

## C A P. IV.

*De Axe & Polis, qui dicuntur Mundi.*

**H**Isce præmissis de Globulo Terram & Aquam representante, dicendum quidpiam videretur de Interstitio quod

quod inter illum compaginémque circulorum est, quasi referente Aërem & Ignem. Verùm quia seu Aér nihil aliud est quàm textura halituum, corpusculorūmve ex terra & aqua prodeuntium, & vix ad paucorum milliarum altitudinem assurgentium ; seu non exstat sub Luna Ignis ille cuius crassitudo sit leucarum plusquam septuaginta millium, sed ab aëre usque crasso terrenóque succedens est ad Lunam usque purissimus æther, auráve, ut jam dicunt, ætherea ; idcirco necesse non est ut quidpiam hic de Aëre Ignéve illo comminiscamur.

Adnotandum est potius circa Axem, quo Globulus ille in medio hujusce interstitii sustentatur, non sustentati quidem similiter terram Axe ullo visibili, qui ad ipsum cœlum terminetur : sed intelligi tamen lineam individuam per ipsius ac mundi centrum transeuntem, quæ hinc indè producta ad usque Primum mobile, in ea duo puncta definat quæ appellant Polos, seu Cardines Mundi ; adeò proinde ut Poli Mundi nihil sint quàm extrema Axis.

Diximus jam horum Polorum unum esse Boreum seu Septentrionalem, alium Austrinum seu Meridionalem : ille autem solet præterea dici Arcticus à vicinia Ursæ geminæ, quæ Græcis ἄρκτος, (quippe & jam diximus ab ejus vicinia reciprocè dici Polarem eam Stellam quæ in caudæ Ursæ minoris extremo est sita, ac ab ipso distat, hocce tempore, duos gradus cum tribus quintis ) iste vero Antarcticus quod sit Arctico è regione.

Appellantur autem Poli, seu Cardines Mundi, quod præcipua pars Mundi, cœlorum nempe Machina, super ipsis dietim vertatur ( $\pi\alpha\lambda\epsilon\tau\pi$  enim vertere est) & conversionem integrum ab ortu in occasum perficiat. Notum est fuisse quoque Polos vertices Latinè à vertendo dictos ; ac Poëtam propterea expressisse conspicuum nobis Arcticum, & Antarcticum inconspicuum.

*Hic Vertex nobis semper sublimis ; at illum*

*Sub pedibus Styx atra videt, Manesque profundi.*

Quinetiam Poli Mundi dicuntur (ac etiam Primi Mobilis) ut distinguantur à Zōdaici Polis, super quibus scilicet fiunt

funt conversiones propriæ Secundorum mobilium, sive cœlorum inferiorum, (eæque tendendo ab occasu in ortum obliquè) imprimis autem ipsius Solis, qui quòd continenter incedat per lineam dictam Eclipticam, idcirco Poli Eclipticæ & præcipui sunt, & frequentiùs nominitantur.

Heinc Mundi quoque Axis vocatur qui terminatur ad Polos Mundi, & circa quem verti tota cœlorum Machina diurno illo motu intelligitur ; cùm Axis Zodiaci ille sit qui etiam per terram trajici intellectus, ad inferiores cœlos terminatur, & circa quem fieri concipimus propriam cujusque conversionem. Unde & solent in quibusdam Sphærarum concludi tum circuli, tum portiones axium, quibus cœli & axes, Solis ac Lunæ potissimum, repræsentari quadrantenus possint.

Tametsi verò quilibet Axis per medium trajectus terram concipiatur; quia nullus est tamen præter mundanum fixus, idcirco hic solus, quâ parte ex terra hinc indè quasi egreditur, duo in terra designat puncta, quæ quòd directè subjiciantur cœlestibus Polis, dicuntur ipsa quoque Poli, (ipsius terræ videlicet) & alter quidem similiter Arcticus seu Boreus, alter Antarcticus seu Austrinus.

## C A P. V.

*De Horizonte.*

**A**D Circulos quod attinet, ille Horizon dicitur qui in Sphæra extimus est, & cæteros ambit.

Repræsentat verò in mundo illum circulum qui, dum in planicie versamur, oculosque circumducimus apparet nobis quasi quædam cœli terræque commissura ; ac idcirco Græcè ὁρίζων, & Latinè *Finiens*, *Finitōrque* dicitur, quòd quicquid videmus ex terra definiat ; & partem etiam cœli visam à non visa dirimat, duóque Hemisphæria, quæ vocant Superiorius Inferiùsque, distinguat.

Is est supra quem emergentia Astra *oriri* dicuntur, infra quem labentia dicuntur *occidere*.

Quamvis


Quamvis autem Horizon respectu cuiusque specialis terræ loci immobilis sit; universè tamen concipiendus mutabilis est, quatenus dum locum in terra mutamus, etiam Horizontem mutamus.

Potest verò Sphæræ Horizon hanc varietatem repræsentare, quatenus tametsi non moveatur ipse circa Sphærām reliquam, mobilis est tamen reliqua Sphæra intra ipsum; ac nihil interest utrius sit motus, ut eadem creari mutatio appareat.

Creatur porrò ista mutatio ob convexitatem superficiei terræ, ac illius speciatim portionis quam circumspicimus: Quippe etiam quæ libellata est, licet plana esse ad sensum appareat, est tamen reipsâ leviter devexa; atque idcirco dum movemur, aliquid ipsius ex una parte deperditur, aliquid ex opposita refarcitur.

Quod dico verò superficiem Terræ etiam libellatam non esse planam, sed devexam, intelligitur vel ex ipso mari, quod sponte se ad libellam componens, componit se simul in orbicularem figuram; utcumque illa in parvo spatio plana sive recta ad sensum videatur, ac ea propter usurpari soleat ad libellandum, probandumve num quæpiam area plana sit.

Ex hoc obiter intelligitur, nulla duo perpendicularia esse reipsâ parallela; atque idcirco neque duos etiam vicinos parietes ad perpendicularium erectos parallelos esse, utcunque esse ad sensum appareant; quatenus cum omnia perpendicularia in superficiem convexam cadant, coitura in centro sunt si producta intelligantur: ut perspicue vel ex figura apposita intelligi licet.




Quod hic attingendum de Recto, Obliquo, Parallelo, Horizonte foret, peragetur postea commodius.

Ad-

Adnotandum hic solum, distingui à quibusdam Horizontem duplarem, Sensibilem, ac Rationalem. Et Sensibilem quidem esse eum qui hactenus descriptus est, quatenus planities apparet; Rationalem vero eum qui appareret, si terrâ bisectâ, & altero dimidio evanido facto, è centro circumspiceretur.

Intelligi utrumque licet ex figura apposita, in qua circulo interiore referente terram, exteriore Cœlum, linea per centrum transiens representat Rationalem, & quæ superficiem contingit, Sensibilem. Ambæ autem parallelæ in cœlum usque producuntur, ut intelligamus acceptum in cœlo tantum intervallum quanta semidiameter terræ est, habitum iri quasi punctum, (lineis putâ coire visis ob immensam distantiam) sicque stellam in eodem loco visum iri, sive ex terræ superficie, sive ex ejus centro videatur.



## C A P. VI.

*De Meridiano.*

**A**lius in Sphæra circulus, intra quem immotum cæteri moventur, Meridianus est; is nempe qui & Horizontem ad rectos secat angulos, & axis extrema seu Polos sustentat.

Repræsentat autem in Mundo illum circulum quem transire concipimus per Polos mundi, pérque duo puncta, quorum unum vertici imminens Verticale dicitur, & voce

Arabicā frequenter Zenith; alterum ipsi sub pedibus oppositum appellatur Nadir: nē memorem hæc duo puncta quasi Horizontis polos reputari.

Is dividens mundum in duo Hemisphæria, quorum alterum Orientale, alterum Occidentale sit, ideo Meridianus vocatur, quod quoties Sol ad ipsum emergit, Meridies creetur; distans nempe tunc æquis intervallis ab ortu & occasu punctis: ut proinde quantum ab ortu transactum fuerit temporis, tantum transigendum ad occasum restet.

Prætereo autem ut pars Meridiani superior diurnum tempus in duas æquales partes dividit, ita inferiorem in duas æquales nocturnum secare.

Quod sit porrò in Sphæra Meridianus immotus, repræsentat quidem specialis cujusque loci Meridianum, qui ipse quoque est invariatus; verum quia quoties seu in ortum seu in occasum deflectimus, sub novis novisque Meridianis sumus, idcirco plures ac varios Meridianos non repræsentat, nisi quatenus Sphæræ reliquæ emotione fit instar plurium.

In ortum verò seu occasum dico; nam si quis directè in Boream Austrumve iter fecerit, erit illi semper idem Meridianus.

Notum est proinde, cur iis qui sub eodem sunt Meridiano meridies contingat eodem tempore, cùm iis qui sunt sub orientaliore contingat maturius, iis qui sub magis occiduo tardius; quod Sol nimurum illis prius, istis posterius Meridianum attingat.

Notandum autem, cùm Sidera ad meridianum usque ascendant, & ex eo deinceps descendant, ideo & maximum cujusque altitudinem dici Meridianam, & punctum illud meridiani per quod transit dici medium cœli, respectu ipsius; uti & Imum dicitur quod illi è regione oppositum sub terra est.

Notandum etiam Elevationem sive Altitudinem Poli in unaquaque regione nihil esse aliud quàm Meridiani arcum, qui inter Horizontem Polumque elatum intercipitur,

tur, cujusque complementum ad usque Zenith, sive ad quadrantem circuli, est semper æquale altitudini Äquatoris.

Sic nimirum, cum in hac urbe Parisina, exempli causâ, Altitudo poli sit 48. graduum & 50. minutorum; illius complementum, sive altitudo Äquatoris, 41. graduum, & minutorum 10. erit.

## C A P. VII.

*De Äquatore.*

**P**orrò Äquator, circulorum in Sphæra mobilium præcipuus, is est qui ab utroque Mundi Polo æquis undique distat intervallis.

Quare & repræsentat in cœlo illum circulum quem concipimus ab utroque polo ex æquo distare, ac Mundum in duo Hemisphæria, alterum Boreale, alterum Australē, parti.

Dicitur verò etiam Äquinoctialis (dicunt Græci potius *ionœcœlōn*, sive Äquidiale) quod Sol bis in anno, hoc est sub diem 20. Martii, & 23. Septembris, eum secans (nempe quā principia signorum Arietis & Libræ sunt) duo creet Äquinoctia, exæquaque noctes diebus, ob æqualem moram supra infrāque horizontem; quatenus sectus ab horizonte Äquator in duas abit partes, alteram superiorem, alteram inferiorem, constanter æquales.

Vides obiter, nomine Diei heic intelligi moram Solis supra horizontem, nomine Noctis moram infra: nempe quod vocant tam matutinum quam vespertinum Crepusculum, computari in noctem solet.

Reticendum autem non est, esse Äquatorem præcipuam Temporis mensuram, quatenus ipse præcipue est penè quem primi mobilis revolutio attenditur: adeò ut si integræ, seu 360 graduum (cum addita particula, de qua infra) revolutio sit, duratio sit unius diei (sumpto jam nempe

die alio sensu; ) sin partis solùm vigesimæ quartæ, sive gradum 15. duratio sit unius horæ; atque ita de cæteris.

## C A P. VIII.

## De Tropicis.

**E**X quatuor circulis Æquatorî parallelis, duo, qui hinc indè in Sphæra propiores sunt, Tropici sunt.

Repræsentant illi in cœlo duos circulos à Sole descriptos; unum cùm accessit maximè ad Boream, alterum cùm discessit maximè ad Austrum: unde & propter *τερπας conversiones*, dicuntur *τερποι*, quasi *Conversorii*, quòd Sol, ubi ab Æquatore ad ipsos usque promotus est, non progrediatur ulteriùs, sed redeat versus Æquatorem.

Et circulus quidem qui ad Boream dicitur vulgò *Tropicus Cancri*, quòd Cancri signum in eo incipiat; qui verò ad Austrum, *Tropicus Capricorni*, quòd ab eo incipiat signum Capricorni.

Dicitur ille præterea circulus *Æstatis*, quòd Sole in ipso versante *Æstas* incipiat; iste circulus *Hyemis*, quòd Sole in ipso existente incipiat *Hyems*: intellige respectu nostrî qui ad Boream degimus.

Quinetiam ille vocari solet circulus *Solstitii alti*, quòd Sole ipsum occupante, summèque, nostrî respectu, alto, creetur *Solstitium diei maximi*; hic circulus *Solstitii imi*, quòd constituto in illo Sole, & nobis quidem summè depresso, diei minimi *Solstitium* creetur.

Notum verò est *Solstitium* vocatum, quòd die ( hoc est morâ Solis supra horizontem ) neque increcente neque decrescente sensibiliter, Sol stare, hoc est neque in Boream Austrumve procedere, neque versus Æquatorem recedere sensibiliter, per aliquot dies videatur.

Distantia autem Tropici utriusque ab Æquatore est graduum 23. minutor. 31. tantundem enim, & non amplius potest Sol ab Æquatore recedere declinaré; unde

unde & eadem dicitur maxima Solis Declinatio.

Et quia eademmet distantia est mensura Obliquitatis, quâ Zodiacus Eclipticâ linea sese habet ad Äquatorem; hinc fit ut etiam Obliquitas Zodiaci seu Eclipticæ 23. graduum & 31. minutorum esse dicatur.

---

## C A P. IX.

### *De Polaribus.*

**C**Æteri duo Paralleli, qui hinc indè ab Äquatore remotiores sunt, Polares idcirco dicuntur (ac alter quidem Boreus Arcticusque, alter Austrinus & Antarcticus) quod vicini sint ipsis Polis.

Repræsentant autem in cœlo duos circulos, quos utrumque à Polo vicino tantundem distare quantum Tropicos ab Äquatore concipimus, hoc est gradibus 23. & minutis 31.

Id nempe, quia Zodiacus ad Äquatorem obliquus ita attingit Tropicos, ut ipsius Poli tantum necessariò à Polis Äquatoris distent quantum Tropici ipsi ab Äquatore; & aliunde concipimus circulos polares à Polis Zodiaci circa polos Äquatoris, seu Mundi, describi: atque ita quidem juxta recentiores.

Juxta veteres, circuli Polares (seu, ut illis solùm appellabantur, Arcticus & Antarcticus) paralleli quidem Äquatori erant: verùm cùm possent paralleli innumeri intelligi inter Äquatorem & utrumque Polorum ducti, alii quidem semper apparentes circa polum elevatum, alii semper occulti circa polum depresso, cæteri unâ sui parte apparentes, aliâ occulti ob horizontis interceptionem; ideo circulorum Polarium alter habebatur maximus semper apparentium, alter maximus semper occultorum; variique adeo pro varietate altitudinis Poli erant, tanquam alterâ parte sui præterridentes horizontem.

Hac ratione Parissis circuli Polares, hoc est, tam maximus semper apparentium circa polum Boreum, quam ma-

ximus semper occultorum circa polum Austrinum, distarent à suo uterque polo 48. gradibus & 50. minutis.

## C A P. X.

*De Coluris.*

**S**equuntur Coluri, seu duo majores ex mobilibus Sphæræ circulis, qui se invicem ad angulos rectos in polis Mundi intersecantes, mobiles alios intersecant, & in quaternas partes æquales distinguunt.

Repræsentant verò in cœlo duos circulos, quos concipi-mus pari modo sese & alios intersecare ; ac ideo putantur *κόλυεις*, quasi *mutili*, appellati, quod nunquam neque integræ neque uniformiter supra horizontem ( intellige obliquum, seu in sphæra obliqua, de qua dicetur postea ) appareant.

Alter porrò *Æquinoctiorum*, alter *Solstitiorum* Colurus vocatur, quod prior per puncta æquinoctialia transeat, principia nimirum Arietis ac Libræ ; & posterior per solstitialia, principia nimirum Cancri & Capricorni.

Designant verò Coluri in Zodiaco quatuor appellata puncta Cardinalia : Principium nempe Arietis, in quo dum Sol est nox diei æquatur, & Ver incipit ; principium Cancri, in quo dum est Sol maximus est dies, & incipit Æstas ; principium Libræ, in quo dum est Sol æquatur iterum nox diei, & Autumnus incipit ; principium Capricorni, in quo dum est Sol dies est minimus, & incipit Hyems. Huc spectant vulgata illa carmina,

*Hæc duo Solstitium faciunt, Cancer, Capricornus ;  
Sed noctes æquant Aries & Libra diebus.*

Notandum autem illud proprium Coluri Solstitiorum esse, ut Zodiaci Poli in eo designentur ; scilicet ad duo opposita puncta in quibus Polares fecat circulos, quæque undique à Zodiaco æqualiter distant.

## C A P. XI.

## De Zodiaco &amp; Ecliptica.

**Z**odiacus demum est latus ille & mobilibus cæteris superductus circulus, qui Tropicos heinc indè attingens, Æquatorem obliquè secans, duodecim Figuris notatur, ac mediâ in longum interstinguitur linea quæ Ecliptica dicitur, Sphæramque in Boream Austrinamque parteis discernit.

Repræsentat autem in cœlo parem circulum, latum scilicet obliquūmque, & pari modo sese habentem ad Æquatorem & Tropicos, ac similiter interstinctum linea vocata Eclipticā, insignitūmque 12 Asterismis, & distinguentem similiter cœlum in duo Hemisphæria, alterum Boreale, alterum Australē.

Dicitur verò Zodiacus, quod hujusmodi Asterismi *Zodiaco Animalium* formis majori ex parte pingantur; uti & quod tales Asterismi signa dicantur, appellatur Signifer; cum & à sitū obliquitate non raro vocetur circulus Obliquus.

Cæterū latus decernitur, quod cum Planetæ per eum moveantur, non omnes eandem teneant viam, sed Sole quidem incedente medio, per lineam putā Eclipticam, cæteri obliquos ad hanc lineam cursus instituant, & ob vias ab ipsa duobus in locis oppositis intersectas, nunc in Boream, nunc in Austrum deflectant, isti quidem plus, illi autem minus; ac ideo sit congruum isti circulo tribuere latitudinem, quæ deflexiones has complectatur, existentes putā heinc indè sex, septem, octo, plus minus, graduum.

Sed de motibus quidem Planetarum dicendum erit expressius in succedente Theorica parte; heic, propter illa quæ dicenda supersunt circa Sphæricam, anticipandum est aliquid necessariò de motu Solis.

Itaque cum Sol abreptus à Mobili primo circuitum di-  
etim ab ortu in occasum perficiat, ipse tamen interea pro-

prio lentoque motu regreditur, tenditque in ortum (& obliquè quidem, secundum Zodiaci ductum) eo modo quo nauta à navi abreptus incedere contrario motu, à prora nempe in puppim, potest.

Lentum dico; siquidem Sol nonnisi unum proxime gradum hocce suo motu intra unum diem, seu horas 24. conficit; neque circuitum integrum, nisi intra annum, absolvit. Unde & sicut potest Formica, dum à rota abripitur, & centies pluriēsque integre circumagit, potest, inquam, ipsa interim opposito motu incedens unam integrum circuitionem peragere: ita Sol abreptus à mobili primo, trecenties sexages & quinques circumagit in occasum, dum interim ipse semel proprio motu versus ortum revolveritur.

Hic porro est motus quo per medium Zodiaci describitur circulus seu orbita Solis, quam idcirco vocant Eclipticam lineam, quod Luna ipsam pertransiens, dum Soli conjungitur aut opponitur, sui Solisve Eclipsin pariat; ut dicendum inferius est.

## C A P. XII.

### *De Signis Zodiaci.*

**D**ictum est jam ante Zodiaci Signa esse numero duodecim; en verò quibus repræsentari characteribus soleant. Aries  $\text{\texttt{v}}$ , Taurus  $\text{\texttt{x}}$ , Gemini  $\text{\texttt{ii}}$ , Cancer  $\text{\texttt{s}}$ , Leo  $\text{\texttt{l}}$ , Virgo  $\text{\texttt{w}}$ , Libra  $\text{\texttt{m}}$ , Scorpius  $\text{\texttt{n}}$ , Sagittarius  $\text{\texttt{z}}$ , Capricornus  $\text{\texttt{y}}$ , Aquarius  $\text{\texttt{a}}$ , Pisces  $\text{\texttt{x}}$ .

Mos est ut unicuique signo attribuantur 30. gradus (tametsi ipsi Asterismi inæquales inter se sint, seu alii breviores, alii prolixiores) totidem enim gradus prodeunt, ubi 360. dividuntur per 12.

Initium autem dicitur ab Ariete, hoc est à sectione verni Äquinoctii prope quam Arietis Asterismus fuit, cùm ante bis mille annos circiter excoli in Græcia Astronomia cœpit.

Tametsi

Tametsi enim hic Asterismus ob lendum Firmamenti mortum, de quo dicetur postea, exinde jam recesserit, & totus penè transierit in locum in quo erat Asterismus Tauri, ipsi tamen 30. primi gradus retinent semper nomen Arietis, ut & sequentes 30. nomen Tauri, licet pariter Asterismus Tauri locum Geminorum occupaverit; & ita de aliis.

Ex hoc autem fit, ut distinctionis gratia hinc deni gradus non Asterismi quidem, sed signa tamen Arietis, Tauri, Geminorum, &c. vocentur; & dicantur præterea Dodecatemoria, quod sint duodenæ Zodiaci partes.

Dicitur verò Sol, aut alias Planeta, esse in aliquo signo, cùm est sub ipso, seu cùm inter oculum nostrum ac tale signum intercipitur; Stellæ autem fixæ quæ extra Zodiacum sunt, esse in eo signo, seu potius referri ad id signum, dicuntur, inter quod & proximum Zodiaci Polum continet ipsas intercipi.

Ex his Signis, V, S, II, F, Q, M, dicuntur Borealia; A, M, T, W, W, X, Australia: At verò W, W, X, V, S, II, Ascendentia; F, Q, M, A, M, T, Descendentia.

Rursus V, S, II, dicuntur Verna; F, Q, M, Aestiva; A, M, T, Autumnalia; W, W, X, Hyemalia.

Prima autem quæque horum terminorum, V, S, A, W, dicuntur Cardinalia, quod Sole in eas ingrediente anni Tempestates Quadrantésve incipiunt; itemque Mobilia, quod tunc fiat qualitatum mutatio: Media verò S, Q, M, W, dicuntur Immobilia, quod tunc tempestates quasi fixæ sunt: Extrema II, M, T, X, Communia, comparatè scilicet ad Mobilia & Immobilia; itemque Bicorporea, quod II & X duplia manifestò sint, T ex equo & homine constet, M Spicam manu gestet.

Sunt & variæ præterea denominationes Signis attributæ, maximèque ab Astrologis: nam (cætera inter) accipiendo illa ab V, tribus quibusque intermissis, V, Q, T, dicuntur Signa Ignea, Calida, Cholerica; S, M, W, Terrea, Sicca, Melancholica; II, A, M, Aërea, Humida, Sanguinea; F, Q, X, Aquea, Frigida, Phlegmatica: ac dicuntur adeò V, Q, T, constituere Trigonum Igneum; S, M, W, Terreum; II, A, M, Aërium; F, Q, X, Aqueum. Sic

Sic alia dicunt Masculina, alia Fœminina; alia Humana, alia Bruta; alia Fœcunda, alia Sterilia; alia Pulchra, alia Deformia; alia Diurna, alia Nocturna; alia Planetarum Domos, alia Exsilia; alia eorundem Exaltationes, alia Casus, & alia id genus complura, quæ attingere nihil est necesse.

Adnotare præstat Solem ingressi mense quolibet in speciale signum, ut putà Martio in **V**, Aprili in **I**, Maio in **II**, atque ità porrò, quo usque Februario ingrediatur in **X**.

Ut noscatur autem quo circiter die hic ingressus fiat mense quolibet, notari carmina hæc possunt,

*Livor mente latens insultat honoribus, horret*

*Grandia gesta, horrens insigni laude notatos.*

Nimitum, si has 12. dictiones in 12. menseis sic tribuas, ut prima Martio, secunda Aprili, tertia Maio, cæteræ cæteris ex ordine respondeant, & attendens quota in Alphabeto sit prima cujusque litera, totidem ex 30. unitates detrahias, numerus residuus indicabit diem ingressus in signum.

Exempli enim causâ, quia Martio dictio *Livor* respondeat, & prima ejus litera **L** in Alphabeto decima est, substrahe 10. ex 30. & remanentia 20. indicabunt Solem ingressi in signum **V** die 20. mensis Martii. Ac pari ratione litera **M** vocis secundæ respondentis Aprili monstrabit, 11. ex 30. detractis, Solem ingressi in **I** die Aprilis 19. Et non secùs litera **N** vocis ultimæ respondentis Februario suggeret, detractis 12. ex 30. Solem in **X** ingressi die Februarii 18. Atque ità de cæteris.

Si quæratur autem in quo proximè Zodiaci gradu sit Sol quolibet mensis cujusque die, nihil aliud oportet quam addere ad propositum diem numerum literæ designatum.

Nam si numerus quidem prodiens excedat 30. excessus (unitate additâ) indicabit gradum signi in quod illo mense ingreditur Sol; sin verò deficiat, ipse met indicabit gradum ejus signi in quod fuerit ingressus Sol à mense usq; antecedente.

Exempli causâ, si quæratur ubi sit Sol die Septembri 28. ad 28. adde 7. ob literam **G** vocis *Grandia* respondentis Septembri, in Alphabeto septimam; prodibunt 35: detrahe 30. & excessus 5. cum unitate, hoc est 6. indicabit Solem

Solem versari in gradu 6.  $\cong$ , in quam illo mense ingreditur Sol. Et si quæratur ubi sit sol die ejusdem mensis 12. ad 12. adde iterum 7. consurgunt 19. & hic numerus indicabit versari solem in 19. gradu  $\varpi$ , in quam ingressus fuerit à mense usque superiore.

---

## C A P. XIII.

*De aliis quibusdam in Sphæra intellectis circulis, ut qui dicuntur Verticales, Altitudinis, Distantia, Positionis, seu Domorum cœlestium.*

**P**Ræter circulos hactenus descriptos, intelligi possunt in Sphæra aut cœlesti globo (atque adeò etiam in cœlo) alii circuli, quorum crebra est apud Astronomos mentio; adeò proinde ut non sint aliqui præcipui ex iis reticendi.


Verticales itaque circuli dicuntur qui per Zenith, seu verticale punctum, & per Nadir ipsi oppositum transeunt, rectâque proinde horizontem secant. Solent autem hi circuli Arabicâ voce Azimutha dici.

Cùm hujusmodi verò circuli secare horizontem innumeri possint, ex quo à Meridiano (qui pro uno verticalium habetur) in ortum occasumve disceditur, primarius tamen Verticalis habetur is qui transit per intersectiones Horizontis & Äquatoris.

Altitudinis circuli ii sunt qui supra horizontem ac ipsi horizonti parallelī sumuntur, sensimque decrescunt, seu semper minores minorésque sunt, quousque desinant in verticis punctum. Vocari autem & ipsi solent Arabicâ voce Almicantarath.

Mos est utrosque hos circulos in ipsis, ut vocant, Astrolabiis Planisphæriisve repræsentari: cùm & possint intelligi ex subiecto hic scheme Sphæræ dimidium (prout in plano perspici potest) repræsentante. Scilicet A B est Horizon, C Zenith, D Nadir, C A D B Meridianus: Cæteri circuli à Zenith in Nadir per denos horizontis gradus ducti,

ducti, ipsi Verticales, ac in illis C E D Verticalis primarius; at F G, H I, & alii ad horizontem paralleli, & per denos gradus meridiani ducti, circuli sunt Altitudinis.



Distantiæ Circuli appellantur qui, ex majoribus cùm sint, transeunt per duo Sidera, quorum proinde mutua distantia nihil aliud est quàm interceptus inter ipsa arcus aliquujus hujuscemodi circulorum.

Tale in schemate præmisso possumus intelligere circum magnum K L, transeuntem per M stellam Pollucis, & N Spicam Virginis. Arcus nimirum M N, qui 90. gradu um cum dodrante est, ipsa est stellarum istarum distantia.

Positio-


Positionis sive Domorum cœlestium circulos appellant  
tam Horizontem ac Meridianum, quām alios quatuor cir-  
culos qui se invicem & cum ipsis ad communes eorundem  
meridiani ac horizontis sectiones intersecant, & sex cūm  
sint, ut totam Sphæram, sic universum cœlum distribuunt  
in duodecim partes, quas Domos cœlestes appellant, qua-  
rūmque sex infra, sex supra horizontem sunt.

Prima autem habetur quæ est proximè infra horizontem  
ad ortum, diciturque & Horoscopus, & domus Vitæ; suc-  
cedens inferiùs dicitur domus Divitiarum; Tertia conse-  
quens domus Fratrum; Quarta in imo cœli domus Paren-  
tum; cæteræque ex ordine, prout hisce duobus carmini-  
bus indigitantur,

*Vita, Lucrum, Fratres, Genitor, Natiq[ue], Valetud['],  
Uxor, Mors, Pietas, & Munia, Amici, Inimici.*

Notandum autem hos Positionis sive Domorum circu-  
los dividere in partes æquales, juxta aliquos quidem Æ-  
quatorem, juxta alios Zodiacum, juxta alios Verticalem  
primarium.

Intelligere rem licebit ex apposito schemate: in quo he-  
misphærium orientale repræsentante A B est Horizon,  
C A D B Meridianus, A E B, A F B, A G B, A H B, Po-  
sitionum circuli; I K vel Æquator, vel Ecliptica; C D  
Verticalis primarius; designatus autem domorum ordo,  
infra horizontem quidem I. II. III. supra verò X. XI.  
XII. cūm & residuarum numerum ac seriem oporteat in-  
telligere in hemisphærio occidentali.



Prætereo placere quibusdam, Positionum circulos se  
intersecare non quâ dictum est, sed in Polis Mundi; quo  
casu rejecto horizonte, adhibetur ad Meridianum quin-  
tus. Quibusdam in polis Zodiaci; quo casu rejecto eti-  
am Meridiano, adhibetur sextus: ut domus semper sint  
duodecim.

## C A P. XIV.

*De Circulis itidem aliis, ut Declinationis ac Latitudinis: ubi & de Ascensione ac Longitudine siderum.*


**P**Ræcipue verò cognitu necessarii sunt, qui circuli Declinationis & Latitudinis appellantur.

Et Declinationis quidem circuli ii sunt, qui per polos Mundi ducti secant Æquatorem ad angulos rectos. Cùm enim siderum Declinatio computetur ab Æquatore tendendo in polum Mundi alterutrum, perspicuum est Declinationem cujusque sideris, alteriusve cœli puncti, nihil esse aliud quàm cujusque horum circulorum arcum, qui inter Æquatorem & tale sidus aliudve punctum intercipitur.

Constat autem Declinationem esse proinde duplicem, aliam Borealem, aliam Australem; prout scilicet id punctum, aut sidus, ad Boream Austrumve Æquatoris est.

Sic in subjuncto schemate, cùm AB sit Æquator, C polus Mundi Boreus, D Austrinus, CA DB Colurus Solstitionum, CE D Colurus Æquinoctiorum; erunt tam ipsi Coluri quàm Circuli CFD, CGD, CHD, CID, Declinationum circuli; ac stellæ K Declinatio (& Borea quidem) erit arcus HK, stellæ L Declinatio (& Australis quidem) arcus IL. Parique modo punctorum Solstitia- lium M & N Declinatio erit, Borea quidem BM, Austrina vero AN.

Notan-



Notandum verò copulari cum Declinatione Ascensionem rectam: Ità scilicet nominant arcum Æquatoris, qui à principio ν ad punctum usque quo circulus Declinationis designatus Æquatorem secat intercipitur, quatenus hujusmodi punctum oritur ascenditve simul cum designato cœli punto, aut Sidere in horizonte recto. Quis autem sit rectus, quis obliquus horizon, intelligetur statim uberior ex insequente capite.

Sic ascensio recta Stellæ K erit arcus Æquatoris EH; Stellæ L arcus EI; Initii Cancri M arcus EB, quadrans scilicet, seu 90 gradus; Initii Capricorni arcus EB, cum toto

toto reliquo hemisphærio ad usque A; dodrans scilicet, seu gradus 270.

Dicitur autem Ascensio Recta, quoniam ubi est Horizon obliquus, Ascensio quoque Obliqua est; neque illud idem Äquatoris Punctum cum designato cœli puncto Sidercve oritur amplius, sed aliquid aliud prius aut posterius. Ex quo efficitur ut Äquatoris arcus hisce duobus punctis interceptus Ascensionalis differentia vocetur.

Sic in hac urbe, exempli gratia, differentia Ascensionalis initiorum  $\alpha$  &  $\nu$  est 30 graduum; & quia initium  $\alpha$  prius, initium  $\nu$  posterius quam punctum Ascensionis rectæ oritur, fit ut Ascensio obliqua initii  $\alpha$  sit Parisiis 60 graduum, & initii  $\nu$  30: quod idem proportione intelligendum in stellis est.

Latitudinis circuli ii sunt qui per Polos Zodiaci seu Eclipticæ ducti Eclipticam secant ad angulos rectos. Cum enim siderum Latitudo ab Ecliptica computetur, perspicuum est Latitudinem nihil esse aliud quam cujusque horum circulorum arcum, qui inter Eclipticam & designatum Sidus (aliudve cœli punctum) intercipitur.

Constat vero similiter Latitudinem esse duplicem, aliam Boream, aliam Austrinam, prout Sidus ad Boream Australiæ Eclipticæ est.

Sic in præmisso schemate, cum NM sit Ecliptica, O polus Eclipticæ Boreus, P Austrinus, Q N P M idem Solsticiorum Colurus; erunt tam ipse Colurus, quam punctati circuli OQP, ORP, OSP, OTP, OVP, Latitudinis circuli: ac Stellæ K Latitudo (& Boreæ quidem) erit arcus VK; Stellæ L Latitudo & (Australis quidem) arcus TL.

Notandum autem copulari hic quoque cum Latitudine Longitudinem; ita enim appellant Eclipticæ arcum qui ab initio  $\nu$  ad punctum usque quod circulus Latitudinis Eclipticam secat, intercipitur.

Sic Longitudo Stellæ K erit arcus Eclipticæ SV: Stellæ L arcus ST. Ac pari modo Solis existentis in principio  $\alpha$  Longitudo erit arcus SM, quadrans scilicet, seu gradus

90; existentis in principio  $\varphi$  idem arcus, cum toto hemisphærio residuo adusque N, dodrans, scilicet, seu gradus 270.

Prætereo porrò perspicuum esse, Sidus quod est in Æquatore carere omni declinatione, & quod est in Ecliptica carere omni Latitudine; ac præterea, tam Declinationem quam Latitudinem non posse excedere gradus 90, sive quadrantem circuli, quod utraque terminetur heinc inde ad oppositos Polos; cum tamen tam Ascensio recta quam Longitudo excurrant usque 360, videlicet secundum totum tam Æquatoris quam Eclipticæ ductum, quo usque discessione factâ ab initio v ad idem re-deatur.

Prætereo item facile caveri æquivocationem quam Geographi voces Longitudinis Latitudinisque usurpant; quippe advertendum solummodo est, dum ipsi quoque in Terra Æquatorem & Meridianos, seu circulos transeuntes per Polos, designant, Longitudinem ab iis dici quam hic Ascensionem rectam dicimus, Latitudinem, quam Declinationem.

## C A P. XV.

### *De triplici positu Sphæræ, Recto, Obliquo, Parallelō.*

**E**xpositis hactenus Sphæræ circulis, sequitur paucis attingamus (quod jam semel ac iterum circa Horizontem insinuavimus) cujusmodi sint positus juxta quos Sphæra Recta, Obliqua, Parallelæ statuitur; ac potest idem proportione intelligi in ipso Mundo.


Itaque Recta dicitur Sphæra, in qua utroque polo horizonti insidente, Sidera oriuntur & occidunt rectâ, sive ascendunt descenduntque factis angulis ad horizontem rectis: unde & in tali situ Horizon Rectus dicitur.

Obliqua, in qua altero polorum supra horizontem elato,

to, altero infrà depresso, Sidera oriuntur occiduntque obliquè, sive ascendunt descenduntque factis angulis ad horizontem obliquis: unde & in tali situ Horizon dicitur Obliquus.

Parallelæ, in qua altero polorum constituto ad Zenith, altero ad Nadir, sidera neque oriuntur neque occidunt, seu neque ascendunt neque descendunt, sed moventur motu ad horizontem parallelo: unde & in tali situ Horizon Parallelus vocatur.

Potest triplex situs sic repræsentari.



In Sphæra Recta omnia Astra oriuntur & occidunt. In Obliqua aliqua oriuntur & occidunt; aliqua nunquam oriuntur, sed sub horizonte semper delitescunt; aliqua nunquam occidunt, sed perpetuò sunt supra horizontem. In Parallelæ, ut jam dictum, nulla neque oriuntur neque occidunt; sed pars semper supra, pars semper infra horizontem sunt: nisi quòd Æquatore coēunte in eundem cum horizonte circulum, & dimidio Zodiaci semper elato, dimidio semper depresso, ea quæ percurrunt Zodiacum dimidio decursūs conspicua, dimidio inconspicua fiunt.

In Recta sunt Sphæra qui directè sub Æquatore habitant; in Parallelæ, qui directè sub Polis; in Obliqua, qui degunt in locis inter Æquatorem & alterutrum polum intermediis.

In Recta perpetuum æquinoctium est, seu tam dies quam nox est semper 12. horarum; quòd Sol, ubicunque in Zodiaco sit, tantum temporis supra quantum infra horizontem moretur; utpote omnibus ejus circuitibus (sive parallelis quasi circulis) ab horizonte constanter bisectis.

In Parallelæ dies perseverat totos sex menses continuos, & nox etiam continuos sex; quòd Sol, ut supra Æquatorem, ità & supra horizontem totos sex menses maneat (idque dum per tres gyrando ascendit, & per tres descendit) ac infrà consimiliter.

In Obliqua, inæqualitas est dierum & noctium; quòd ab usque Æquatore versus polum elevatum arcus diurni Solaris motūs (ii nempe qui sunt supra horizontem) sint semicirculo majores, & nocturni versus depresso minores. Atque ita quidem, ut citra (v. c.) Æquatorem maximus dies, qui contingit Sole existente in principio  $\odot$ , evadat sensim, tendendo nos versūm, horarum 13, 14, 15. sitque hic Parisius 16. ac porrò pergit fieri 17, 18, &c. quo usque degentibus sub polari circulo (ubi ipse Tropicus  $\odot$  est apparentium maximus, horizontēmque adeò stringit) sit horarum 24. cùm & exinde procedendo mora Solis supra horizontem plurium pluriūmque dierum evadat, & fiat etiam mensis unius, & duorum, & trium, & quatuor, & quinque,

quinque, & sub polo denique sex. Quod eodem proportionis modo concipiendum est circa noctem, existente Sole ultra Äquatorem.

Ubi illud est consideratu dignum, nullum esse in terra locum cui intra annum integrum non sit ut diurnum, sic nocturnum tempus sex mensium : quatenus in Sphæra quidem Parallelæ utrumque tempus est continens ; in Recta, dietim per alternas vices æquales distribuitur ; in Obliqua, prolixitas dierum & brevitas noctium per æstatem compensatur cum brevitate dierum & prolixitate noctium per hyemem. Et quot per æstatem sunt continentes ultra Polarem dies, tot per hyemem sunt continentes noctes.

## C A P. XVI.

*De Zonis, ac ideo de Ventorum Plagis per Parallelos Sphæræ circulos designatis.*

**H**isce cohærens est ut dicamus de Zonis, seu ingentibus quasi fasciis, quas per descriptos Sphæræ circulos Parallelos descriptas antiquissimum est in cœlo agnoscī, juxta illud Virgilii,

*Quinque tenent cælum Zonæ, quarum una corusco  
Semper Sole rubens, &c.*

Fuere autem semper quinque habitæ : una, scilicet media, appellata Torrida, inter duos Tropicos contenta ; duæ extremæ, Frigidæ vocatæ, ac inter Polares vicinösque Polos comprehensæ ; duæ hinc indè Temperatæ dictæ, & Tropicos inter Polarésque interjectæ. Ac Polybius quidem Torridam in duas, Äquatore medio, distinxit ; verū sectatoribus caruit.


Notandum verò, cùm ab usque Thalete Temperatæ & Frigidæ separarentur per Polares quales sunt superiùs descripti juxta Veteres, primum memorari Posidonium qui separarit per Polares quales in Sphæris jam habentur ; sive que eas fecerit constantes, cùm priùs, prout varia erat Poli altitudo, aut dilatarentur aut contraherentur.

Cùm ipse porrò Terræ globus cœlo subjaceat undique, idcirco sunt eadem Zonæ ipsi Terræ attributæ, juxta illud Ovidii,

*Utque duæ dextrâ cœlum, toridèmque sinistrâ  
Parte secant Zonæ, quinta est ardenter illis;  
Sic onus inclusum, &c.*

Quinetiam Zonæ terrenæ sunt, quibus propriè competit ut Torrida, ac Frigidæ, Temperatæque nominentur; cùm & terrestris Torrida sit, quæ credita olim inhabitalis fuit ob nimium fervorem ex radiis Solis ad perpendicularum immisis creatum, & Frigidæ similiter ob algorem nimium ex obliquè nimium appellentibus radiis. Tametsi fuere non itâ pridem tam in Torrida quam in Frigidis ( sed in Torrida maximè ) numerosissimi incolæ reperti.

Quomodo autem terrestres Zonæ respondeant ipsis cœlestibus, videtur non incommodè intelligi ex sequente Figura.



Cæterum, si quem interiorem circulum repræsentare Terram vides, quasi Horizontem cuiuslibet regionis habeas, & præter punctum B, quo intersecatur à Meridiano ad Boream, & punctum A, quo ad Austrum, adnotes decem alia puncta, quinque videlicet ad ortum & quinque ad occasum, ut putà CD, EF, GH, IK, LM, quibus intersecatur ab Æquinoctiali, Tropicis & Polaribus, ac tum ex his duodecim punctis flare concipias totidem ventos versus Punctum N, horizontis umbilicum, ipsiusve spectatoris locum; intelligere exinde licebit quomodo Antiqui plagas cœli determinârint; ex quibus venti adventarent (nisi quod

puncta designata à circulis Polaribus fuere primitus propter causam jam declaratam inconstantia.)

Nimirum à puncto B flantem dixerunt *Απαρτίαν*, *Septentrionem*; à puncto A, *Νότον*, *Austrum*; à puncto C, *Απηλώτην*, *Subsolanum*; à puncto D, *Ζέφυρον*, *Favonium*; à puncto E, *Βορέαν*, *Kauxian*, *Aquilonem*; à puncto F, *Αγγέσιν*, *Σκιάθων*, *Ολυμπίαν*, *Ελλησσονίαν*, *Caurum*, seu *Corum*; à puncto G, *Εὐεργόν*, *Vulturnum*; à puncto H, *Λίβα*, *Africum*; à puncto I, *Μέσων*, quibusdam *Boream*, quibusdam *Aquilonem*, quibusdam *Cæciam*; à puncto K, *Θερονίαν*, aliquibus *Corum*; à puncto L, *Φοινικίαν*, *Eupòrotov*, aliquibus *Vulturnum*; à puncto M, *Λιθόνοτον*, *Altanum*.

Prætereo autem ut recentiores, ac Nautæ præsertim, distinguere soliti ventos numero 32 (horizonte nempe in partes 32 æquales diviso) non alia current ex his punctis quam quatuor Cardinalia, B, A, C, D, nominando Ventos qui ab ipsis flant, in mari quidem Mediterraneo, *Tramontana*, *Ostro*, *Levante*, *Ponente*; in Oceano verò, *Nord*, *Sud*, *Est*, *Ouest*: & flantes à punctis inter ipsa mediis, in Mediterraneo quidem, *Græco*, *Maestro*, *Sirocco*, *Garbino* (alias *Lebechio*;) in Oceano verò, *Nord-est*, *Nord-ouest*, *Sud-est*, *Sud-ouest*: ac flantes rarsus à punctis intermediis, compositis vocibus, *Tramontano-Græco*, *Tramontano-Maestro*, &c. *Nord-nord est*, *Nord-nord-ouest*, &c. incipiendo semper ab iis qui flant à punctis Cardinalibus: flantes denique à punctis iterum intermediis, per quadrantes octantum, hoc modo, *Quarta di Tramontana-Græco*, *Quarta di Tramontana-maestro*, *quarta de Græco-tramontana*, &c. *Nord-gen-esten*, *Nord gen-ouesten*, *Nord-est-gen-norden*, &c. incipiendo semper ab iis qui flant ab octo primariis punctis.

## C A P. XVII.

*De Climatibus, deque varietate Incolarum Terræ  
propter Parallelos.*

CUM Zonarum porrò distinctio antiquis non sufficeret ut varietatem sitūs regionum citra Äquatorem notarent, idcirco adhibendos esse plures parallelos censuerunt, quibus quædam veluti Zonæ minores subdistinguerentur, eaque vocatæ Clima, quasi dicas Inclinamenta, sive deflexiones à Sphæræ rectæ situ.

Cùm unumquodque autem Clima ità limitarent duobus parallelis, initio ab Äquatore ducto, ut in remoto ab Äquatore maximus anni dies esset horæ dimidio quam in propiore prolixior, non habuere tamen rationem primi Climatis, in cuius altero extremo maximus dies esset horarum 12. cum semiſſe, quasi illud foret prorsus inhabitable; verùm habuere quasi primum illum in cuius altero extremo dies maximus foret tredecim horarum, quasi illic Torrida Zona proprius accedens ad Temperatam habitari inciperet.

Non fuere verò soliti distinguere plura Clima quam septem, quòd ea abunde regiones omnes tum notas comprehenderent: indigitârunt autem illa nuncupationibus locorum quorundam celebrium, quæ in singulis comprehen-debantur; appellâruntque adeò ipsa, *διὰ Μεγάς*, *διὰ Συλίνς*, &c. hoc est, quasi transeuntia per Meroen, per Syenem, per Alexandriam, per Rhodum, per Romam, per Pontum, per Borysthenem.

At recentiores, ob Terram jam longè latèque cognitam, distinguunt illa 24. ob 24. horarum semisses, seu 12. horas, quibus dies maximus increscit ab usque Äquatore ad usque circulum Polarem, in quo climata desinunt, die maximo excedente modum.

Prætereo autem unumquodque Clima ità distingui soli-tum, interducto alio parallelo, in duas partes, sive Zonas adhuc

adhuc minores, ut in alterius cujusque extremis discrimen diei maximæ sit unius quadrantis horæ. Tales porrò Zonulas, sive semisses Climatum nuncupavere (speciali vocis usurpatione) Parallelos; quos proinde constat distingui jam posse 48.

Hac ratione, cum in hac urbe v. c. dies maximus sit horarum 16 patet quorū dici possit constituta urbs in fine octavi Climatis, ac simul in fine Paralleli decimi-sexti.

Quanquam non designant jam amplius Astronomi loca per Climata & Parallelos, sed per polares Elevationes; aut etiam (Geographorum more) per ipsas locorum Latitudines, distantiasve ab Aequatore.

Addendum verò, si Parallelos quotlibet distinctos in Sphæra concipiās, tum concipi quemadmodum singuli Incolarum terræ suos habeant quos dicunt Περικές, quasi dictas Circumcolas, Ἀντικές, quasi Adversicolas, & Ἀντίποδας, quasi opposita habentes vestigia, seu Ἀντίχθονας, quasi Incolas oppositæ terræ; nisi quod degentes directè sub polis (quod in parallelo nullo sint) Antipodas solum seu Antichthonas habent.

Nam alioquin Periœci quidem invicem dicuntur qui sub eodem sunt Parallelō; sed speciatim tamen qui ad partes meridiani oppositas, hoc est in diversis à Polo ad polum semissibus. Antœci, qui sub parallelis cis ac ultra æquatorem æquè dissitis, sed ad eandem partem meridiani acceptis. Antipodes Antichthonēsve, qui sub æquidistantibus quidem utrimque ab Aequatore, sed ad partes tamen meridiani oppositas sitis.

Notum verò est pro hac sitūs incolarum diversitate, eam varietatem dierum noctiumque & tempestatum contingere, ut Periœcis quidem sint diversis temporibus dies & nox, sed iisdem æstas ac hyems; Antœcis verò dies & nox iidem, sed æstas ac hyems diversi: Antipodibus denique diversis omnino tam dies & nox, quam æstas & hyems.

Addendum quoque Incolas Parallelorum omnium intra Tropicos contentorum appellari solitos Αμφισκίς, quasi  
utram-

*utramque umbram habentes* (meridianam videlicet) quatenus Sole existente ad Boream, umbram habent versam ad Austrum, & existente ad Austrum, habent versam ad Boream. Incolas vero à Tropicis inclusivè ad usque Polares *Ἐπερσίας*, quasi *habentes alteram solum umbram* (ut nos habemus ad Boream;) hucque adeò spectare quod habet Lucanus de Arabibus intra Torridam degentibus, & ad Temperatam appulsis,

*Ignatum vobis, Arabes, venistis in orbem,  
Umbras mirati nemorum non ire sinistras.*

Incolas demum à Polaribus adusque Polos inclusivè *Πειραιάς*, quasi, Sole non occidente, *umbram habentes circumactam* per omnes plagas horizontis. Dico Sole non occidente, quoniam cùm, exceptis iis qui sub polis sunt, Sol interdum cæteris & oriatur & occidat, ii possunt illo tempore in Heterosciis haberí.

## C A P. XVIII.

*De Crepusculis quæ ad Horizontem in quovis Sphæræ situ visuntur.*

**Q**uoniam Primi mobilis motus, qui circumductione Sphæræ declaratur, Siderum ortum & occasum prout ad Horizontem refertur inducit, ideo de ortu occasuque consequenter dicturis præmittendum est aliquid de Crepusculis & Refractionibus ad Horizontem observatis.

Imprimis vero Crepusculum nihil est aliud quam crepera illa, seu quasi dubia vel media lux, quæ tam ante Solis exortum in regione orientis appareat, ac Aurora specia im vocatur, quam post Solis occasum in regione occidentis, & Crepusculi nomen retinet.

Causa illius est Atmosphæra, seu regio vaporum quam Terra quasi circumvestitur; ea quippe productior quam extremum terræ conspicuum, tum citius manè recepit, tum seriùs vespere amittit, degentis infra horizontem Solis radios,

dios, ac illos reflectens ad nos, præstat ut lucida videatur.

Nempe si nulli essent vapores, sed purissimus solùm aér, nihil planè lucis sive ante exortum sive post occasum Solem cerneremus; verùm transitus fieret ex tenebris meris ad diurnam lucem, ex diurna luce ad tenebras meras.

Observandum est autem, initium matutini & finem vespertini Crepusculi tum contingere, cùm Sol est infra horizontem octodecim plus minus gradibus, secundùm verticalem circulum perpendiculariter acceptis. Et quia quanto minus Sol ab horizonte abest, tanto amplius ex Atmosphæra supra horizontem existente illustratur, ideo tanto quoque fit crepusculum clarus.

Prætereo deductum hinc fuisse, Altitudinem Atmosphæræ supra terram esse 30 circiter Italicorum milliarium: tametsi videtur esse longè minor; quoniam prima illa ultimaque lux esse non directè à Sole, sed per reflexionem ex partibus ejusdem Atmosphæræ inferioribus factum, potest.

Adnoto potius Crepusculum ideo in Sphæra recta brevissimum esse, quod in quocunque parallelo sit Sol, ascensus descensusque ejus perpendicularis sit; & gradus illi octodecim ut in verticali, sic in parallelo proximè absumentur.

In Sphæra autem obliqua esse Crepusculum prolixius, quod arcus paralleli inter punctum orituri occasive Solis in uno verticali, & punctum gradus decimi octavi in alio verticali interceptus, obliquè se habeat, sitque adeò octodecim gradibus prolixior. Unde & quia per æstatem prolixior quam per hyemem est, fit ut crepusculum æstivum prolixius quam hyemale sit; & in hac Urbe, exempli gratiâ, cùm per hyemem non accedat ad horas duas, accedat tamen per æstatem proximè ad quatuor.

Quinetiam observari potest, continuari in hac Urbe vespertinum crepusculum cum matutino per dies octo ante, & totidem post æstivum Solstitium; sicque nè in media quidem nocte crepusculum deficere, quod tunc non demergatur Sol totis gradibus 18. infra Horizontem, sed in ipso quidem Solstitio deficiant minuta 20.

Nihil autem est opus admonere Crepusculum iri continuatum per dies tanto plures, & evasurum etiam in media nocte tanto clarus quanto Sphæra fuerit obliquior, quod Sol sit tanto proprius ab horizonte adfuturus, quo usque supra horizontem circuitum perficiens (sub Polari nempe circulo, & ultrâ) diem ut continentem, ita sine ullo crepusculo, creet.

Prætermittendum porro non est, obliquitatem horizonis & parallelorum inæqualitatem causam fieri, ut cum maximum Crepusculum per æstivum Solstadium sit longissimum, non sit tamen brevissimum per Solstadium hypernum; sed in hac quidem Urbe brevissimum sit sub diem primum Martii, & sub duodecimum Octobris.

In Sphæra demum Parallelæ esse continuum Crepusculum per dies proximè 52. quod Sol aut descendens non citius, aut ascendens non tardius ab horizonte absit 18. gradibus secundum verticalem acceptis.

## C A P. XIX.

*De Radiorum Sidereorum Refractionibus, quæ ad horizontem maximè contingunt.*

**A**D Refraktiones quod attinet, cum notum sit radios transeuntes obliquè ex medio rariore in densius refringi, & versus eum radium qui perpendicularis habetur deflecti, (veluti ex opposito transeuntes ex densiore in rarius refringuntur, & abeunt ab eodem perpendiculari) ea propter & Solis & cæterorum siderum radii, dum ex purissimo æthere in jam memoratam Atmosphærā incident obliquè, ac transituri per ipsam sunt, refringuntur versus perpendiculararem, seu versus illum radium qui dirigitur ex Sole versus centrum terræ, quod idem cum centro Atmosphæræ est.

Et quia tendentes versum nos radii sunt tum maximè versus perpendiculararem obliqui, cum Sidus est in horizonte;

te; idcirco tum fit maxima refractio: eaque evadit in Stellis quidem minutorum 30. in Sole autem & Luna 33 aut 34. ac deprehenditur tanto minor, quanto Sidus eventius est, adeo ut Stella ultra vigesimum, Sol & Luna ultra 35. aut 38. gradum altitudinis, sensibilem nullam refractionem patientur.

Ex illa porro horizontali refractione efficitur ut Sol v.c. in horizonte constitutus, & per radium refractum visus, appareat nobis 34. aut proxime minutis altior quam revera sit, & quam appareret si sublatis vaporibus directo radio conficeretur; & cum ipsius diameter dimidii gradus, seu minutorum 30, sit, ideo possit videri totus, cum est tamen totus revera infra horizontem.

Id perinde fit ac dum posito in fundo pelvis calculo, caput ita firmas ut labium pelvis obstet ne calculum videoas, quem sis tamen aqua infusa visurus, calculo licet oculoque immotis: Nimirum, qui radius directus desinebat prius in frontem, ita refringitur transeundo ex aqua in aerem, ut allabatur oculo, calculumque ipsi visibilem faciat.

Ex hac interim causa est, cur interdum Lunam Eclipsin paciente propter terram ipsi Solique interpositam, utrumque tamen Luminare supra horizontem extans observetur; scilicet utrumque est revera infra, licet propter radios refractos super-extare appareat.

Ex eadem etiam, cur in Nova Zembla post noctem continuam duorum mensium ac semissim, Hollandi Solem recuperarent aliquot diebus maturius quam merito expectaretur; Atmosphera videlicet speciem illius evehente.

Prætereo autem obliquitatem quam species Solis in Atmosphaeram respectu nostri allabitur, causam esse quamobrem Sol horizonti vicinus, non præcisè orbicularis, sed ellipticus ovatâve specie appareat; perpendicularem nempe diametrum transversâ contractiorem habens.

## C A P. XX.

*De Ortu Occasūque Siderum Horizontali.*

**U**T jam de Ortu Occasūque Siderum aliquid dicamus; his distingui solet universè duplex, Astronomicus & Poëticus. Non quòd istum quoque Astronomi non current; sed quòd Poetæ ipsum, reliquo neglecto, potissimum usurpent.

Et Astronomicus quidem Ortus Occasūque cùm nihil aliud sit quàm recta obliquāve Ascensio & Descensio penes Æquatorem spectata, ideo cùm jam dictum de recta obliquāque Ascensione sit, non est quorsum hic nos quicquam moretur.

Poëticus autem attenditur vel penes Horizontem, supra quem emergunt aut infra quem demerguntur Sidera; vel penes Solem, à cuius radiis reliqua Sidera aut liberantur aut occultantur.

Qui porrò penes Horizontem attenditur, distinguitur duplex: alter scilicet Cosmicus, alter Acronychus vocatur.

Cosmicus, seu quasi Mundanus, tam ortus quàm occasus est, qui spectatur propriè circa ipsum tempus exorientis Solis (nempe quasi tunc Mundus seu Naturæ facies instauretur.) Nam si quod Astrum oritur quo tempore Sol oritur Sol, id dicunt Cosmicè oriri. Et si rursus quo tempore Sol oritur (hoc enim inculco, ut caveatur confusio) aliquod Astrum occidit, illud Cosmicè occidere dicunt.

Cosmico Ortu intelligitur oriri Taurus mense Aprili, quo Soli in ipso existenti cooritur, juxta illud Virgilii,

*Candidus auratis aperit cum cornibus annum*

*Taurus*—

Cosmico occasu intelliguntur occidere Pleiades per ipsum Autumnum, cùm oriente Sole unà cum Scorpione in quo est, ipsæ in Tauro sitæ horizontem ad adverso subeunt, juxta illud ejusdem,

*Ante*

*Ante tibi Eoæ Atlantides abscondantur,  
Debita quām sulcis committas semina—*

Dico autem propriè ; quoniam volunt etiam Cosmicè oriri & occidere ( tametsi minus propriè ) quod Astrum oritur occiditve interdiu, seu donec Sol est supra horizontem.

Acronychus autem tam ortus quam occasus est qui spectatur propriè circa ipsum tempus occidentis Solis, seu initii noctis ; unde factum nomen (depravatè nempe Chronicum appellant.) Nam si quod Astrum unà cum Sole occidente occidit, occasus est Acronychus ; & si quod iterum occidente Sole (hoc enim etiam hic inculco) ex adverso oritur, Acronychus habetur ortus.

Acronycho ortu intelliguntur oriri per Autumnum Pleiades, coorientes scilicet Tauro in quo, ut dictum est, sunt sitæ, donec Sol in Scorpione degens ex adverso occidit. juxta illud Ovidii,

*Ut careo vobis, Scythicas detrusus in oras,  
Quatuor Autumnos Pleias orta facit.*

Quo loco vides obiter eundem Autumnum exprimi, à Virgilio quidem per occasum, ab Ovidio verò per ortum earundem Pleiadum. Sed videlicet prout ille occasum Cosmicum intelligit, Pleiades enim per illud tempus manè occidunt ; iste ortum Acronychum, eadem enim tunc vespere oriuntur.

Achronychi occasus rariora sunt exempla : nam quod volunt quidem Sagittarium intelligi occasu hoc occidere, cum Lucanus expressurus crepusculum proximè aestivum Solstitium ait,

*nam Sol Læda tenebat  
Sidera, vicino cùm lux altissima Cancro est,*

*Nox tum Thessalicas urgebat parva Sagittas ;*  
constat non posse Sagittarium occidere tunc, nisi Cosmicè, oriente putà Sole cum Geminis, ac fortiri duntaxat posse occasum Acronychum dum Sol est in ipso, ac unà cum eo occidit.

Dico verò etiam hic propriè ; nam minus propriè appellant

pellant etiam Acronychum ortum & occasum illum qui per noctem fit, seu Sole versante infra horizontem.

Nota proinde, posse tam ortum quam occasum Cosmicum appellari Matutinum, & tam ortum quam occasum Acronychum dici Vespertinum.

## C A P. XXI.

*De Ortu Occasique Siderum Heliaco.*

**Q**UI penes Solem attenditur reliquorum Siderum Ortus & Occasus, is ab ipso Sole, qui Græcis est <sup>Hλ.Θ.</sup>, Heliacus vocitari solet.

Occidere porrò Heliacè illud Astrum dicitur quod, cum priùs manè vespere conspiceretur, ob sui à Sole infra horizontem versante distantiam, conspici deinceps posse desinit ob Solis viciniam, ipsiusque Astri immersionem in Solares radios, utpote quorum splendore quicquid circum-  
quaque est obducitur, &, ut sic dicam, evanescit.

Oriri verò illud quod, cum priùs foret ob Solis viciniam ejusque radios inconspicuum, conspici deinceps manè vespere posse incipit, ob factam à Sole distantiam, emersionemque ex ejus splendore.

Causa autem cur aliqua Sidera occidunt manè & oriantur vespere est, quod suo per Zodiacum seu in ortum motu velociora sint quam Sol, sive eum manè assequantur, & vespere deserant.

Hujusmodi verò est Luna, quam constat suo in ortum motu & manè subire, & vespere exire ex radiis Solis.

Causa cur aliqua occidunt vespere & oriantur manè est, quod Sol suo motu per Zodiacum sit ipsis velocior, sive sua suo splendore assequatur vespere, & deserat manè.

Hujusmodi verò sunt tam Stellæ Fixæ, quam tres superiores Planetæ, Saturnus, Jupiter & Mars. Celebrant autem Poëtæ præsertim occasum ortumque Fixarum. Sic innuit Ovidius occasum Delphini, dum Sol Capricornum percurrit, illo disticho,

*Quem modò cœlatum stellis Delphina videbas,  
Is fugiet visus nocte sequente tuos.*

Sic Virgilius occasum Canis (suppie majoris, quem Caniculam quoque & Sirium appellari jam diximus,) dum Sol versatur sub finem Tauri, illis versibus,

*Candidus auratis aperit cùm cornibus annum*

*Taurus, & adverso cedens Canis occidit Astro.*

Uti & occasum Heliacum Coronæ Septentrionalis, dum Cosmicus est Pleiadum, cuius jam meminimus, illis,

*Antè tibi Eoæ Atlantides abscondantur,*

*Gnosiaque ardantis decebat Stella Coronæ,*

*Debita quām sulcis, &c.*

Sic innuit Ovidius Aquarii ortum, dum Sol est Pisces subiturus, illo disticho,

*Fam levis obliquâ subsedit Aquarius urnâ;*

*Proximus aetherios excipe Piscis equos.*

Et nemo penè Authorum est qui non celebrârit Caniculæ ortum, uti & consequentes ipsum 30. 40. aut 50. dies (Authores nempe varii sunt) Caniculares ex eo vocatos.

Prætereo autem, num tales dies, qui numerabantur pridem à die Julii circiter 17. quo ortus Canis contingebat, numerari debeant etiamnum ab eodem, ut solet vulgo fieri; cùm jam ortus Canis contingat duntaxat sub medium Augusti.

Cæterūm Planetas dixi superiores; nam duo inferiores, Venus & Mercurius, aliquando oriuntur manè & occidunt vespere, aliquando oriuntur vespere & occidunt manè.

Causa est, quia cùm Solem circumueunt, & non semper in ortum cursum dirigant, sed aliquando etiam versus occasum regrediuntur, ut dicendum suo loco est, efficitur ut cùm aliunde sint velociores ipso Sole, tum assequantur illum manè, dum ad occidentem adveniunt, & vespere eum deserant, dum procedere in orientem pergunt; tum vespere in Solem incurvant, dum ex oriente regrediuntur, & manè ipsum deserant, dum ire pergunt in occidentem.

## C A P. XXII.

*De partibus Temporis (cujus mensura est Primus Mo-*  
*tus revolutione Sphæræ designatus:) ac primūm*  
*de Die.*

**D**ictum est antè Revolutionem, seu motum Primi Mo-  
 bilis, qui explicari per Sphærām solet ac penes Æ-  
 quatorem præsertim spectatur, mensuram esse Temporis;  
 quamobrem incongruum non est ut hīc pauca quædam de  
 partibüs Temporis, quatenus in ejusmodi mensuram ca-  
 dunt, attexamus.

Cū verò Dies primūm occurrat, ut quo tempus notius  
 non sit, notandum est diem accipi bifariam, sicuti jam  
 antè insinuatum est; primò nempe pro duratione integræ  
 circumductionis Solis circa Terram, & secundò pro dura-  
 tione sive mora Solis supra horizontem. Priore sensu Diem  
 Naturalem, posteriore Artificialē appellari vulgare est.

Dies Naturalis, qui etiam Νυχθυετος, quasi Noctidia-  
 lis, vocatur, quod tam diem artificialē quam etiam no-  
 ētem comprehendat, aut Astronomicus est, aut Civilis.

Astronomicus est temporis spatium quo revolutio inte-  
 gra Æquatoris peragitur, unā cum portione ejusdem Æ-  
 quatoris respondente illi Eclipticæ portioni quam interim  
 percurrit Sol.

Nam si Sol quidem non moveretur per Eclipticam, &  
 cum eodem Æquatoris puncto quo à Meridiano v. c. dis-  
 cedit ad Meridianum rediret, tum integra una Æquatoris  
 revolutio præcisè mensuraret diem: At quia Sol continuo  
 promovetur, & dietim quidem uno proximè versus ortum  
 gradu, hinc fit ut puncto Æquatoris cum quo Sol discessit  
 ad Meridianum redeunte, Sol adhuc non redeat, sed cum  
 uno gradu proximè posterius.

Proximè, inquam: nam partim quidem propter Zodiaci  
 obliquitatem, partim ob Excentricitatem, de qua dicendum  
 inferius est, nunc aliquid amplius, nunc aliquid minus uno

gradu addendum occurrit; ac ex eo proinde aliqua creatur inæqualitas dierum. Nota verò obiter, cùm Sol motu mediocri percurrat diebus singulis minuta  $59 \frac{1}{6}$  ex Zodiaco, seu Ecliptica, percurrere interdum duo proximè minuta amplius interdum duo proximè minus.

Civilis est, qui pro communi civitatis nationisve lege aut usu, quod ad sui principium finemve spectat, determinatur. Sic enim olim Babylonii diem auspicabantur ab exortu Solis, (quod etiamnum Norimbergenses faciunt;) Judæi & Athenienses ab occasu, (quod etiamnum faciunt Itali, Austriae, Bohemi, Silesii) Ægyptii à media nocte, (quod etiamnum Mysienses, imò & nos quoque; nisi quòd vide-mur, uti & Germani, duplex initium facere, quatenus exactis in Meridie horis 12. ab unitate iterum inchoamus 12 residuas;) Umbri à meridie, (quod etiamnum Arabes & plerique alii.) Nè memorem Astronomos inchoare quoque diem à meridie; nisi quòd Tabulæ Prutenicæ dictæ principium statuunt in media nocte.

Quæ insuper varietas sit dierum Festorum, Profestorum, Comitialium, cæterorūmque hujusmodi, infinitum sit dicere; cùm gens unaquæque suos speciatim habeat.

Circa diem Artificialem, acceptūmve pro mora Solis supra horizontem, illa debent sufficere quæ dicta sunt circa positum multiplicem Sphæræ.

Addendum hic solum dies Artificiales inæqualiter crescere ac decrescere, ob Zodiaci obliquitatem. Siquidem circa æquinoctia crescunt ac decrescent admodum sensibili-  
liter, quòd arcus diurni amplificantur contrahunturque admodum; circa Solstitia verò valde insensibiliter, quod arcus diurni ferè augeantur aut minuantur nihil.

## C A P. XXIII.

*De Hora.*

**S**Olet dies proximâ divisione resolvi in Horas, & proximâ compositione evadere in Hebdomadas.

Horæ vox antiqua est quidem, sed sumpta nempe pro tempestate; nam usurpata posterius est pro parte diei vigesima quarta: cùm priscis vix aliâ ratione dividetur dies, quam in matutinum, meridianum, & vespertinum tempus.

Est autem genus Horarum duplex: nam aliæ æquales, aliæ inæquales dicuntur.

Hora æqualis (quæ etiam æquinoctialis dici solet) est pars diei naturalis vigesima quarta; seu id tempus quo gradus Äquatoris 15 Meridianum prætercurrunt (nisi quod exiguum fit additamentum ob causam non multò antè memoratam.) At tale est genus Horarum quo semper usi Astronomi, quoque omnes ferè gentes jam utuntur.

Prætereo autem Astronomos talem Horam dividere in 60 scrupula, seu minuta prima, & quodlibet primum subdividere in 60 secunda, quodlibet secundum in 60 tercia, &c. ut suprà insinuatum est; Computatores verò Annales dividere horam in 4 quadrantes, seu, ut vocant, puncta, & quodlibet punctum variè subdividere in ostenta, momenta, &c.

Hora inæqualis (quæ etiam temporaria) est pars duodecima diei artificialis, & pars item duodecima noctis; qualibet nimirum die artificiali in duodecim partes æquales divisâ, & nocte consimiliter. Adeò proinde ut hora inæqualis dicatur, non comparata ad alias horas ejusdem diei, sed ad horas aliorum dierum, cùm constet horas diurnas per hyemem esse longè breviores horis diurnis per æstatem, & horas nocturnas per hyemem æstatemque ex opposito.

Isto horarum genere usi sunt Judæi, ut ex variis Scripturæ locis intelligitur: in quibus cùm hora prima sit ea quæ immediate ortum Solis consequitur; tertia est ea

quam nos dicimus nonam matutinam, (intellige verò præfertim circiter ipsum Aequinoctium) sexta quam meridiem, nona quam tertiam pomeridianam, undecima, à qua supereft unica ante occasum Solis.

Eodem genere usos esse Græcos vel ex illo intelligitur, quod Achilles Tatius quærit explicatque, cur in ea regione diceretur Sol in æstivo Solstitio creare diem 15. horarum, in hyberno novem; cùm in mechanicis horologiis hydrologiisque dies videretur perpetuò constare ex 12. horis.

Eodem quoque usos Romanos innumera loca Authorum convincunt: cujusmodi sunt v. c. illa,

*Prima salutantes atque altera continet hora;*

*Exercet raukos tertia causidicos, &c.*

*Et, Stertimus, indomitum quod despumare Falernum;*

*Sufficiat, quinâ dum linea tangitur umbrâ.*

Ubi constat intelligi horam undecimam matutinam, seu unam horam ante meridiem.

## C A P. XXIV.

### *De Hebdomade.*

**H**EBDOMADEM esse dierum collectionem omnium antiquissimam, ex sacro textu Geneseos patet.


Illâ usos fuisse ab omni memoria omnes Orientales propriodem constat; Occidentales autem duntaxat à Christiana Fide recepta. Nam Græci quidem Decade, Romani Enneade potius utebantur.

Indigitavere Ethnici singulos Hebdomadis dies nominibus Planetarum singulis, ac retinentur etiamnum vulgo appellationes apud nos; nisi quod loco diei Solis diem Domini seu Dominicam dicimus, ob reverentiam ejus diei quâ Christus Dominus surrexit à mortuis; & loco diei Saturni diem Sabbati, quasi diem Quietis, ob memoriam ejus quâ Deus initio legitur quieville ab omni opere quod patrârat.

At

At cur post diem Solis sequitur dies Lunæ, post hunc dies Martis, &c. nusquam servato ordine quo se Planetæ habent in cœlo?

Id intelligendum est ex circulo, cuius circumferentiâ in septem partes æquales divisâ, & ab utroque fine cujusque partis ductis lineis in punctum oppositum, triangula septem æquicrura creentur, in quorum cuspidibus Planetæ ex ordine collocentur: ut videre licet in apposito schemate.



Videlicet, si ex 'h' sequaris ductum lineæ quæ est ad lævam, incides in Solem; si ex Sole sequaris ductum alterius, incides in Lunam; si ex Luna alterius, in Martem; atque ita porrò eo ordine quo dies Hebdomadis nuncupantur.

Exinde etiam intelliges quî fiat quòd putant hunc ordinem sequi ex eo dominio quod tribuunt Planetis singulis in singulas horas. Cùm enim velint primâ diei horâ (incipiendo à meridie) dominari Planetam qui diei nomen dat, & horâ secundâ Planetam sequentem, juxta ordinem quem descendendo habent in cœlo, ac tertiâ alium, & sic deinceps, etiam redeundo ad supremum cùm ventum fuerit ad infimum, juxta vulgaria hæc carmina,

*Luna, & Mercurius, Venus, & Sol, Mars, Jove, Satur,  
Ordine retrogrado sibi quivis vendicat horam :*

Cùm id, inquam, velint, eveniet ut attribuendo singulos Planetas horis singulis, postquam perveneris ad vigesimam quartam, sequatur pro hora vigesima quinta, hoc est prima diei insequentis, Planeta ille qui diei illi nuncupationem tribuit ; ut circumeundo circulum descriptum fiet manifestum.

Cæterū in usu Ecclesiastico dies indigitamus nomine ordinēque Feriarum, (nisi quòd loco Feriæ primæ dicimus rursus Dominicam, loco septimæ Sabbatum) quoniam initium veteris anni Ecclesiastici à Paschate fuit, & dies omnes Hebdomadis primæ Feriati fuerunt, (utcunque jam sint non amplius quàm tres) factumque est indè ut sequentium quoque Hebdomadum dies, auspicio ac imitatione primariæ illius, sint Feriæ vocatæ.

## C A P. XXV.

### *De Mense.*

**M**ensis est quidem propriè tempus decursus Lunaris per Zodiacum ; sed hoc nomine venit etiam tempus quo à Sole decurritur duodecima Zodiaci pars : unde alias mensis Lunaris, alias Solaris appellatur.

Lunaris autem mensis aut Periodicus, aut Synodicus est ; ac sunt qui distinguant præterea mensem quem appellant Illuminationis.



Periodi-

Periodicus est temporis spatiū quo Luna digressa ab uno Zodiaci punto ad idemmet redit : estque dierum 27. cum diei proximè triente.

Synodicus, quo Luna à coniunctione cum Sole digressa ad coniunctionem aliam redit : estque dierum 29. cum diei proximè dimidio.

Nempe debet Luna, postquam ad punctum redierit in quo fuerit Soli conjuncta, duos & amplius dies adhuc progredi, ut Solem, qui interea motum non intermisserit, assequatur.

Illuminationis mensem vocant illud tempus quod fluit ex quo primū Luna apparet recens vesperi, quo usque jam vetus manè occultetur : estque præter propter 26. dierum.

Solaris mensis, si assumatur medius inter excessum defecūmque aliquantulum, est dierum 30. & horarum 10. cum proximè semisse.

Cùm mensis porrò alijs Astronomicus, alijs Civilis distinguatur, Astronomicus est propriè Lunaris, tam periodicus quam synodicus, synodicus verò præsertim.

Civiles autem menses sunt quibus Civitates Nationesque variæ pro institutis quæque suis utuntur ; nam quibusdam quidem Lunares, quibusdam verò Solares placent.

Lunaribus usi sunt olim Judæi, Græci, Romani, alii, (utuntur & jam Mohammedani) sed illis nempe synodicis. Quanquam quia semisses illi & alia id genus fragmenta dierum ex usu civili non sunt, idcirco familiare fuit ut menses alternis 30 & 29 dierum haberentur, ac dicerentur Pleni & Cavi.

Solaribus usi sunt Ægyptii ; sed qui tamen essent omnes dierum 30. Nam confectos quidem dies quinque ex fragmentis illis denarum horarum rejiciebant in finem anni ; & confectas sex propè horas ex illis semissibus nullo quasi habebant loco.

Dici & nos possumus uti, tametsi duodenas circuitus Solaris partes inæqualiter in eos distribuamus ; & sex illas horas quarto quoque anno solum colligamus, habeamusque pro uno die, qui inter 23 & 24, mensis Februarii inseratur.

Præterea

Prætereo Julianum Cæsarem fuisse qui annum Lunarem, à Romulo usque Numáque acceptum, in Solarem commutans, hanc mensium inæqualitatémque partim retinuerit, partim fecerit, uti à Macrobio aliisque narratur.

Prætereo & varia apud varios Mensium nomina: cùm sit vulgare, nostrum quidem Martium sequentésque fuisse à Romulo institutos ac nominatos, (nisi quod post Cæsaris mortem Julius dictus est pro Quintili, Augustus pro Sextili) Januarium autem Februariūmque fuisse additos sive que nuncupatos à Numa: ac notum sit Græcorum menses dici Hecatombaonem, Anthesterionem, Elaphebolionem, &c. Judæorum Tisri, Marchesuan, Casleu, &c. Ægyptiorum Thoth, Paophi, Athyr, &c. nè quid de cæteris attingam.

Prætereo demum varias dierum partiūmque mensis nuncupationes: quod genus fuere apud Romanos Kalendæ, Nonæ, Idus; apud Græcos Neomenia, Decas, Eicas, &c.

## C A P. XXVI.

### *De Anno.*

**T**Ametsi Annus accipiatur interdum pro tempore revolutionis cuiusque Planetæ per Zodiacum (imò & interdum pro integra revolutione Firmamenti secundùm eundem Zodiacum, quippe eam nonnulli Magnum Annū vocant;) nihilominus Annus propriè est id tempus quo Sol integre Zodiacum perlustrat.

Distingui autem solet annus in Astronomicum, ac Civilem; & Astronomicus alias Vertens, alias Sidereus appellari.

Vertens est, quo digressus Sol ab uno Zodiaci punto (ut Æquinoctii aut Solstitii) ad idemmet revertitur; Sidereus, quo digressus à sidere aliquo ad idemmet redit.

Et cùm Sidereus sit Vertente insensibiliter prolixior, ob motum Fixarum in ortum, quem mox insinuavimus, & de quo

quo inferiùs dicetur, continet Vertens dies 365. cum horis 5. & minutis proximè 49.

Civilis est, quo Civitates nationésve pro arbitrio utuntur: & vel spectando quidem solum motum Solis, vel adscendendo etiam motum Lunæ; ex quo annus alias Solaris, alias Lunaris dicitur.

Solaris aut constat perpetuò diebus 365. qualem jam n̄ sinuavimus fuisse usui apud Aegyptios, constantem nimurum ex duodecim tricenūm dierum, mensibus ac diebus quinque, qui dicti sunt ἑπτάκυρροι, quasi superadjecti.

Quo loco notandum, cùm illi nihil morarentur abundantes illas quotannis horas propè sex, ideo solitum fuisse evenire ut intra annos 1640. Aequinoctia & Solstitia per omnes anni menses mensiūmque dies decurrerent; quatenus si hoc anno v. g. Aequinoctium contingat in meridie diei 20. Martii, contingat post annum horā 6. vespertinā ejusdem diei, & rursus post annum in media nocte in sequente, & iterum post annum horā 6. matutinā diei 21. & post annum denique quartum in meridie ejusdem diei 21. ac pari modo procedendo, post quatuor alios annos, in meridie diei 22. atque ità de cæteris.

Aut annus quisque ordine quartus constat diebus 366. intercalato scilicet die, quem innuimus jam confici ex illis sex propè horis asservatis. Notum autem est intercalationem fieri ut Aequinoctia & Solstitia inter eosdem menses mensiūnique dies contineantur, neque excurrant, ut dictum est apud Aegyptios fieri.

Notum etiam est annum illum quartum idcirco Bissextilem dici, quòd cùm intercalatio fiat, die illo inter 23. & 24. Februarii interpositâ, dicatur illo anno bis Sexto Kalendas Martii.

Horas autem propè sex dico; quandoquidem defunt 11. proximè minuta. Ex quo proinde intelligitur nimium esse quod additur quolibet anno Bissextili; ac posse idcirco Aequinoctia & Solstitia excurrere sensim non procedendo, sed regrediendo; atque exinde evenisse, ut cùm tempore Concilij Nicæni Aequinoctium vernum continget circiter di-

em Martii 21. deprehensum fuerit contingere Patrum nostrorum memoriā circiter diem 11 ejusdem. Adeò proinde ut anno Christi 1582. suppressi fuerint 10. dies, ut rediret ad 21.

Prætereo verò, quia hæc vocata Kalendarii reformatio facta est à Gregorio XIII. Pontifice Max. ideo anni formam quæ jam utimur dici Gregorianam ac novam; cùm vetus illa quam Provinciæ reformationem non amplexæ adhuc retinent (numerantes proinde Æquinoctia, Solstitia, aliisque anni tempora totis decem diebus posterius quam nos) Juliana vocetur, quasi existens eadem met, seu sine ulla interruptione, quæ fuerit à Julio Cæsare instituta.

Lunaris annus est qui constat ex 12. mensibus Lunaribus synodicis, seu diebus 354, cum proximè triente, sive octo horis: sicque Solari minor est diebus ferè 11. quos quia quotannis adjicimus, ut Lunarem cursum ad Solarem accommodemus, ideo Epactales Epactasve vocamus.

Veteres, cùm Lunarem annum dierum præcisè 354. haberent, ideo reputantes deesse ad Solarem dies 11. cum quadrante, qui intra octo annos evaderent dies 90. ideo assumebant hos dies & conficiebant ex ipsis mensis (*επολίμους* appellatos) sive tres, dierum tricenūm, quos post tertium, quintum, octavum annos intercalarent, quemadmodum Græci; sive quatuor, qui essent alternis 22. & 23. dierum, quos alternis intercalarent annis, secundo, quarto, sexto, octavo, ut Romani.

Intercalabant porrò eos Romani post diem Februarii 23. seu post Terminalia (ut minùs sit mirum fuisse idem tempus delectum ad intercalandum Bissextilem diem;) Cùm Græci potius intercalarent inter 5. & 6. menses: unde quia sextus mensis erat illis Posideon, mensis intercalatus vocabatur Posideon prior. Quo modo quoque apud Judæos intercalatus ante 6, qui Adar, prior Adar appellabatur.

Nihil hic addendum de principio anni, quod constat exceptissime semper apud varias nationes varium. Nam cum Ægyptii

gyptii haberent vagum per totam anni seriem, cœpere Ju-dæi Ecclesiasticum annum à mense Nisan, seu à novilunio quod fuit proximum verno Æquinoctio; & Civilem à mense Tisri, seu à novilunio quod fuit proximum Æquinoctio au-tumnali. Sic cœpere Græci ab eo quod proximum Solstitio æstivo; Romani à Bruma, seu ab ipso hyberno Solstitio: nisi quòd propter exspectatum à Cæsare, annum instituente, se-quens proximè novilunium, ut in eo die Kalendas Januarii principiūmve anni defigeret, evasit hocce anni principi-um (quo nos etiamnum utimur) aliquot diebus Brumâ po-sterius. Sic alii aliis temporibus.

Nihil quoque addendum de divisione Anni in tempesta-tes quatuor, aut tres, quas Ægyptii pridem habuisse legun-  
tur (imò etiam menses interdum) pro totidem annis: ut minùs sit mirum quòd hominum vitam adeò longævam,  
seu annorum tam numerosorum, perhibuerint.

Nihil rursus de temporibus quæ per repetitos annos men-surantur: ut Olympiade annorum 5. Lustro annorum nunc 4, nunc 5. Indictione 15. Periodo Metonis, seu Cyclo Lunari, Numerōve aureo 19. Cyclo Solari, literarūmve Dominicalium 28. Jubilæo 49, aut 50. Periodo Calippi 76. Seculo 100. Periodo Hipparchi 304. Periodo Diony-sii 532. Periodo Juliana nuper excogitata à Scaligero 7980. Anno Magno, qui non modò pro Revolutione jam memorata Firmamenti, sed etiam pro Restitutione omni-um rerum in eundem statum quem initio habuerint, usur-patus, habitusque non modò ab Astrologis 25, 36, 49. Millium annorum, sed ab aliis etiam ut pauciorum, ità quam longissimè plurium.

## C A P. XXVII.

*De Epochis Temporum.*

**N**Ecessa est Astronomis, dum cœlestes supputant motus, non modò certa cœli puncta, à quibus motus siderum ducantur, supponere, verùm etiam illa quasi alligare certis momentis temporis, à quibus usque, tanquam principiis & capitibus, supputatio incipiat. Hujusmodi porrò principia seu capita sunt quas Epochas vocant, quasi sint quædam veluti fixa determinatáque & cohibita, non vaga, momenta. Dicuntur verò etiam vulgò Æræ, non tam fortè ex usu Hispanorum vetere, quām ex abusu quo singularis foemineaque vox facta est ex plurali neutrâque æra : sic enim vocabantur pridem ærei illi claviculi quibus Abaci supputatorii erant instructi. Dicuntur & Radices, quod ut plantæ radicibus, sic temporum series Epochis increscant.

Illustrissima porrò omnium familiarissimaque nobis Epoche est Nativitatis Christi, seu Kalendæ ejus Januarii quem supponimus proximè insequutum Nativitatem Christi Domini, & à quibus ad usque Kalendas Januarias anni hujus labentis dicimus fluxisse annos completos 1645.

Etenim tametsi nonnulli contendant natum esse Christum non statim à bruma, sed sub autumnale & quinoctium, & sint Chronologi eruditi qui defendant natum non modò uno, sed etiam duobus, sed tribus, sed quatuor, sed quinque annis priùs quām hæc incipiat Epoche ; ea nihilominus & probari & retineri non desinit, tum propter usum, tum quia nihil refert ad veritatem supputationis circumstantia actionis aut rei, quæ Epoche nomen aut occasionem dat, si constet modò de quo abhinc anno & de quo illus momento sit sermo, cùm in ipso supponimus Astrum occupasse id punctum à quo ejus motum seu antecedenter seu consequenter deducimus.

Constat interim cur hanc æram vocent vulgarem ac Dionysianam.

onysonianam. Vulgarem scilicet appellant, ad discriumen ejus quam reputant veram, & juxta quam nobis numerandus foret hic annus non supra millesimum sexcentesimum quadragesimus sextus, sed aut 47. aut 48. aut 49. aut 50. aut 51. Dionysianam verò ob Dionysium Abbatem, cognomento Exiguum, qui Author illius exstitisse creditur annis post Christum paulò plūs quingentis: à quo usque tempore cœperunt anni ab ipsa Christi Nativitate numerari; cùm priùs solùm per Consules, per Olympiadas, ab Urbe condita, putarentur.

Cæterū ut aliquas alias, quibus partim in Chronologia partim in Astronomia usus est, attingamus, prima inter Sacras meritò celebratur Epoche Orbis conditi; de qua utcunque sit insignis controversia, videntur tamen illi propriùs ad veritatem accedere, qui conditum mundum deducunt annis ante Christum (seu vulgarem Christi Epochen) 3950.

Prima autem inter profanas meritò habetur Epoche Olympiadum; quarum initium ob instauratos ab Iphito Olympicos Ludos pertinet ad æstatem anni ante Christum 777.

Proxima illi est Epoche Urbis conditæ, quam communior opinio est spectare ad annum ante Christum 752.

Apud Astronomos potissima fuit semper Epoche Nabonassari, Babyloniorum, ut putant, Regis, spectans ad annum ante Christum 747, & ad diem quidem Februarii (tunc suppositi) 26. à quo usque, coincidente cum prīma die mensis Thoth, supputatio fit per annos Ægyptios, quibus Ptolemæus & alii plerique Astronomorum, etiam Copernicus, usi sunt.

Sequitur Epoche Obitūs Alexandri Magni, ad quam est consimiliter annorum Ægyptiorum usus; pertinet autem ad annum ante Christum 324, & diem Novembris 12.

Celebris est etiam ante Christum Epoche Julii Cæsaris, præcedens Christi Epochen annis præcisè 45.

Pot Christum autem celebris fuit æra Diocletiani, sive Martyrum

Martyrum (qui nimis sub eo sunt passi in Regione Coptitarum prope Nilum.) Dicitur vero etiam æra Abyssinorum & Æthiopum, pertinens ad annum Christi 283.

Itémque Epoche Arabum, alias Hegiræ, seu Fugæ Mohammedis, pertinens ad annum Christi 622. & diem Julii 15.

Ac rursus Epoche Persarum, sive Jesdagird ultimi Persarum Regis, quem devicit interfecitque Othman, pertinens ad annum Christi 631. & diem Junii 16.

Addi his potest Epoche Reformationis Kalendarii, de qua jam ante diximus, pertinens ad annum Christi 1582. & diem 5. mensis Octobris, à quo usque habito pro decimo quinto desunt deinceps ad annorum Julianorum formam dies 10.

Prætereo id moris jam esse, ut tam ipsa Christi quam cæteræ Epochæ (imò & reliqua tempora) referantur ad seriem annorum Periodi idcirco vocatæ Julianæ, quod anni ex quibus componitur Juliani sint.

Illi modum ut percipias, cum memoratus Dionysius Exiguus ducto cyclo Solari 28 in Lunarem 19. obtinuissest Periodum annorum 532. quibus exactis isti cycli qui simul cœpissent simul rursus inciperent, Scaliger hæc Periodo in cyclum Inductionum, videlicet 15. ductâ, Periodum (quæ est ipsa dicta Julianæ) obtinuit annorum 7980, quibus exactis tres hi Cycli qui simul inceperint, simul iterum incipere possint.

Et quia, ut jam in usu sunt hujusmodi cycli, (prout scilicet v. g. numeramus hoc anno ex Solari 3 ex Lunari 13. ex Indictionali 14.) fieri non potest ut inceperint incipere potuerint (nempe si singamus nostri anni formam retro ante Christum productam) nisi ante annos 6360, efficitur ut cœpisse hæc Periodus intelligatur ante conditum mundum.

Quare & extensâ Periodo, deprehendemus Epochen Mundi incidere in annum Periodi Julianæ 764. Epochen Nabonassari in 3967. Epochen Christi in 4714. atque ita de cæteris.

INSTITUTIONIS  
**ASTRONOMICÆ**  
*LIBER SECUNDUS,*  
     SIVE  
**DOCTRINA THEORICA.**

---

CAPUT I.

*De Phænomenis variis, quæ Secundorum Mobilium  
Theoriæ occasionem fecerunt.*

**U**T pars Astronomiæ de qua hactenus Sphærica doctrina dicitur à Sphæra, cuius beneficio Motus Primus explicatur; sic ista quam aggredimur appellatur Theorica, quod per quasdam Machinulas, aut orbiculares figuræ, quas Theorias vocare solent, (fortè quod quadam scrupulosiore contemplatione indigeant) Secundi Motus declarentur.

Cum principio porrò prænoscenda sint Phænomena quædam præcipua, quibus observatis homines cœperunt tum cogitare motus alios præter primum, tum excogitare Hypotheses juxta quas ii fieri intelligerentur, ideo adnotati hæc possunt.

I. Universè circa omnes Planetas observarunt imprimis, ipsos nunc istis nunc illis horizontis locis oriri & occidere, & sub meridianum nunc altius in Boream, nunc umilius in Austrum attolli; ac utrumque quidem certas

inter metas. II. Incedere omnes nunc ocyùs, nunc segniús. III. Aliquando majores, aliquando minores (etiam citra negotium refractionum) apparere. IV. Configurari varietum inter se, tum etiam cum Fixis : & donec quidem conjunguntur, interdum Fixas ab iis tegi, interdum ipsos à se mutuò, sive alios ab aliis ; & non tamen pariter omnes respectu omnium Terræ incolarum.

Deinde speciatim circa ipsum Solem, I. Ubi occasum subiit, habere ipsum stellas conspicuas post se occasuras, quæ aliquot post dies amplius non appareant ; & oriturum habere ante se inconspicuas, quæ aliquot post dies appareant & præexoriantur. II. Tendentem Solem ab Æquinoctio Verno in Autumnale insumere dies 187, & ab Autumnali in Vernum nonnisi 178, adeò ut versetur totos novem dies in signis Boreis plus quam in Austrinis. III. Pati Solem Eclipsin interdum totalem, plerumque partialem ; & in Novilunio quidem duntaxat, neque tamen omni. IV. Visum esse maximam Solis Declinationem tam in Boream quam in Austrum decrescere, neque enim tantam jam quantam olim haberi.

Circa Lunam, I. Ex quo nova apparet, ipsum sic diem removeri à Sole, ut magis magisque versus stellas orientiores semper accedat, quo usque circuitum perficiat. II. Ipsam interim variis apparere Phasibus, nempe in crescendo corniculatam, semisectam, utrimque gibbosam ; & post plenum orbem decrescendo, iterum gibbosam, biseptam, corniculatam evadere. III. Eclipsin interdum pati, nunc totalem, nunc partialem, & Plenilunio quidem duntaxat ; non omni, verum contingentib[us] post sex menses. IV. Digredi aliquando tam in Austrum quam in Boream, nunc nonnihil magis, nunc nonnihil minus quam Solem.

Circa Mercurium ac Venerem, I. Ejusmodi Planetas esse quasi asseclas Solis, neque enim ab eo discedere procul ; sed Venerem quidem vix quicquam amplius quam sesqui-signo, Mercurium nè signo quidem integro. II. Ipsos aliquando antecedere, aliquando subsequi Solem. III. Esse eos interdum

Dire-

Directos, hoc est, moveri in consequentia, sive secundum seriem successionem Signorum, ut ab  $\gamma$  in  $\delta$ , à  $\delta$  in  $\pi$ ; interdum Retrogrados, hoc est, moveri in præcedentia, sive contra Signorum seriem, ut ab  $\gamma$  in  $\alpha$ , à  $\alpha$  in  $\omega$ ; interdum Stationarios, hoc est apparere per aliquod tempus neque in antecedentia neque in consequentia moveri. IV. Ipsos quoque in Austrum ac Boream digredi, nunc magis, nunc minus quam Solem.

Circa Martem, Jovem, Saturnum, I. Non esse ipsos perinde ac reliquos duos alligatos Soli, sed ita ab eo digredi ut interdum quoque oppoliti sint, seu ab eo totis sex Signis distent. II. Fieri quidem ipsos quotannis promotiores versus stellas orientiores; verum fieri quoque aliquando Directos, aliquando Retrogrados, aliquando Stationarios. III. Tum constanter Retrogrados esse, ac simul celerrimos & adspectu maximos, cum ipsi Soli opponuntur; & spatium retrogradationis competere amplius Marti quam Jovi, Jovi quam Saturno; tempisque è contrà retrogradationis competere amplius Saturno quam Jovi, Jovi quam Marti. IV. Et ipsos denique nunc magis, nunc minus quam Solem digredi in Austrum ac Boream.

Circa Fixas denique, Non tueri eas semper eandem à punctis Äquinoctialibus distantiam, sed tendere quoque lentissime in consequentia, & (ut visum quidem aliquibus est) inæqualiter, hoc est, nunc velocius, nunc segniùs. Nam Spicam  $\psi$ , v. c. quam Timocharis non longe ab obitu Alexandri observavit præcedere punctum Äquinoctii Autumnalis octo gradibus, observataam esse ducentis post annis ab Hipparcho præcedere tantum sex; & 260 post à Ptolemæo, non multò amplius gradibus tribus: nè adjiciam hoc tempore, seu annis 1500. post, observari subsequi ipsum idein punctum gradibus propè 19. Quo modo quoque Stella prima Arietis, quæ Timocharidis tempore distabat solum ab Äquinoctio Verno duobus gradibus, deprehenditur jam distare ultra gradus 28. & dictum antè obiter est stellam in extrema cauda Cynosuræ, Polarem vocatam, distare solum jam à Polo duobus gradibus cum

paulò amplius semisse, quæ tempore tamen Hipparchi distabat ultra 12. atque ita de cæteris.

## C A P. III.

*Varia genera Hypotheseon salvandis sive explicandis  
hujusmodi Phænomenis.*

**H**ÆC igitur sunt, aliisque id genus, quæ qui fieri possent apparerentve, ut explicaretur, varii varia commenti sunt.

Universè supposuerunt omnes (Pythagoras verò ac Plato imprimis) tametsi nobis cœlestes motus inæquabiles irregularésque appareant, debere tamen æquabiles regularesque secundum se esse (neque enim deformitatem aliquam competere posse corporibus cœlestibus, immortalibus ac divinis.) Quare & quæsiere quomodo per motus circulares æquabilésque salvari apparentia possent.

Et quia generale fuit ut id conarentur vel ex supposita quiete vel ex supposito motu Terræ, sicque haberi potest duplex universè Hypothesis, idcirco, cum sequente libro de posteriore (seu juxta quam Terra movetur) dicendum sit, cognoscendum paucis hic est quam multiplex facta sit prior.

Suppositâ ergò Telluris quiete, Hypothesis prima fuit Anaxagoræ, Democriti, & quorundam aliorum, qui censuerunt Astra moveri liberrimis spatiis, ac nullas proinde esse Sphæræ solidas quibus alligentur, nullum Primum Mobile à quo abripiantur, nullum Motum secundum quo re ipsa ferantur in ortum : sed competere solùm ipsis motum simplicem in occasum, ac illa apparere moveri in ortum quæ feruntur segniùs in occasum ; sicque cum Stellæ Fixæ ferantur omnium velocissimè in occasum, circuitumque absolvant intra horas 24, Lunam v. c. ferri omnium segnissimè, non absolventem putà circuitum nisi intra horas proximè 25, atque adeò non ipsam proprio motu moveri verius

sus stellas orientaliores, sed deserit potius à stellis magis occidentalibus: Neque rem carere exemplo in iis qui ad eandem metam inæquali cursu contendunt.

Hisce adstipulati sunt recentiorum quidam, qui & addiderunt fieri motus Siderum, ac Errantium præsertim, non directè, seu per circulos parallelos versus occasum, sed obliquè, sive per Spiras; & ex hoc esse cur ex Austro in Boream, ex Borea in Austrum sensim promoveantur.

Debuerunt autem etiam addere, Planetas cum retrogradi v. c. apparent, debere cursum intendere, moveri vece leriùs quam Fixas; & tunc apparere maiores, quod cursum demittant, sive proprius Terram ferantur: aliisque id genus similia.

Altera Hypothesis eorum fuit qui censuere Astra illigata, seu quasi implantata esse Sphæris solidis, ad quarum motum circumferrentur, & una cum ipsis abriperentur ( si in inferioribus quidem forent ) à Mobili supremo seu primo.

Atqui hi quidem propriè fuere qui invexere Secundos motus, supponentes nempe non posse uni & eidem mobili duos per se motus competere; sed solum, cum unus per se fuerit, competere posse alium ex accidenti, sive ab extrinseco: ut dum Nauta à prora in puppim, idque v. c. in Austrum, movetur per se; nam interim ex accidenti, seu ad motum navis, movetur in partem contrariam, videlicet in septentrionem.

Cum ipsis porrò Sphæras totales singulorum Planetarum in plures Sphæras orbēsve partiales subdistinxerint, aliqui tamen fecere omnes istos orbes *concentricos*, hoc est, idem cum ipsa Terra sive Mundo centrum habentes; aliqui verò aut ex toto aut ex parte *excēntricos*, hoc est, centrum extra seu aliud habentes quam Terram aut Mundum.

Hypothesis Concentricorum inducta fuit ab Eudoxo; à Calippo autem & Aristotele amplificata.

Nam Eudoxus primū, præter Sphærā Inerrantium singularem, attribuit Soli Sphæras partiales tres, Lunæ

totidem, singulis aliorum Planetarum quatuor; & ea quidem lege, ut suprema quæque in omnibus Planetis sequeretur motum Sphæræ Innerrantium sive primi Mobilis, (neque enim aliud ab ea agnoscebat) succedens ferretur in ortum secundum longitudinem, tertia ficeret varietatem latitudinis, quarta quibus adesset ficeret libratione quadam directionem & retrogradationem. Ille proinde Sphæras Planetarum 26. numero statuit.

Calippus autem nullam quidem Sphæraram adjunxit in Saturno ac Jove; sed in ipsis Marte, Venere ac Mercurio singulas, in Sole atque Luna binas. Quo consilio, reticent omnes. Ille proinde Sphæras Planetarum 33. numero fecit.

Aristoteles denique singulis Planetarum Sphæris, quæ non sequerentur motum Innerrantium, adjecit alias totidem, quas & Revolventes vocavit, quod cæteras revoluerent, easque Innerrantium motui conformarent (nisi quod Lunæ, ut infinitæ, nullos Revolventes necessarios censuit.) Quare & Calippicis superaddens 22. constituit Planetarum Sphæras numero 55. & universè cœlestes Sphæras (adjuncto primo Mobili, seu Sphærâ Innerrantium) numero 56.

Cum dici inter cætera ex hac hypothesi non posset, quorum Planetæ nunc majores nunc minores conficerentur, (neque enim motu ipsorum existente concentrico explicari res potuit per minorem majorēmque à Terra distantiam) censuit qui superiore seculo revocavit Concentricos, ipsosque Circunduentes, Circuitores, Anticircitores, Contravectos appellavit, Fracastorius censuit, inquam, posse id salvare dicendo, Planetas majores minoresque apparere pro conditione partium cœli quas pervadunt, quæque refractionem, instar vitrorum variè figuratorum, sic variant, ut talem magnitudinis apparentis varietatem induant.

Omitto autem ipsum multiplicasse Sphæras Planetarum ad usque 63. attribuentem nempe Soli 4. Lunæ 7. Marti 9. Saturno 10. Mercurio, Veneri ac Jovi, singulis 11. & præter Sphæram Innerrantium, adjecisse 5. ad variandum ipsius motus, ac insuper Mobile primum; adeò ut ex ejus sententia sint cœlestes Sphæræ numero 70.

Hypo-


Hypothesis Excentricorum videretur quidem referenda esse ad Pythagoreos: sed quia illi eâ usi sunt ad motum Terræ explicandum, idcirco quod spectat ad communem sententiam, videtur omnino authores habere tum Hipparchum, quatenus illam Homocentricorum farraginem ferre non potuit, tum Ptolemæum maximè, quatenus Planetarym Theoriam per Excentricos declaravit.

## C A P. III.

*Hypothesis Ptolemaica seu communis, quæ est per Excentricos & Epicyclos.*

**A**C fuit quidem Ptolemæus cā moderatione, ut contentus fuerit describere Planetarum vias per circulos Excentricos: at quia invalescente opinione de soliditate Sphærarum cœlestium, requirebatur solicite qui stare earum soliditas cum excentricitate posset, ideo à 200. jam annis cœpit Georgius Peurbachius tales Spheras excogitare.

Esto hic Sphæra quæpiam totalis, v. c. ipsius Solis, quæ centro Mundi Terræve existenti A concentrica sit tam secundum extimam convexam superficiem B C D E, quæ ambitur à Sphæra Martis, quam secundum intimam sive concavam F G H I, quam ambit Sphæram Veneris. Assumatur punctum K, & ex ipso, ut centro, conceptoque aliunde Sole prope extimam superficiem in L, ducantur duo circuli qui eum complectantur: constat profectò orbem totalem sic discretum iri in partiales tres, ut extimus & intimus futuri sint crassitudinis inæqualis, & medius ille inter ipsos quasi excavatus, æqualis.



Et quia iste medius est descriptus totus (hoc est tam secundum convexam quam secundum concavam sui superficiem) ex centro alio quam ipsius Mundi, idcirco ipse est qui propriè ac simpliciter appellatur Excentricus; ceteri autem duo appellantur Excentrici secundum quid, quatenus non nisi secundum alteram sui superficiem Excentrici sunt, extimus putà secundum concavam, intimus secundum convexam.


Junctis porro centris per lineam traductam BD, & ductâ ipsi ad normam ac per centrum Terræ A lineâ CE, tum distantia inter duo centra AK dici Excentricitas solet; punctum L, quod in Excentrico remotissimum à Terra est, Apogenum, itemque Aux & summa Apsis; punctum M, quod

quod proximum, Perigeum, itemque Augis oppositum, & remota Apsis; linea ipsa BD, vel LM, linea Apsidum; & ipsa CE, vel NO, linea Mediarum longitudinum; quasi cum Sol motus per Excentricum LMNO, summè à terra elongetur in L, minimum in M, elongatio in N & O sit mediocris.


Scilicet volunt Excentricum, cum solidus sit, revolvi ipsum intra illos duos orbes inæquales; ac Solem ipsi illuminatum implantatumve unà convolvi. Vocatur autem medius ille qui à centro Solis describi concipitur circulus, Diferens Solem; uti & crassorum orbium exterior, Diferens Apogeum; interior, Diferens Perigeum.

Adnota verò, solum circulum Diferentem Solem retineri ex tota ista compagine à Ptolemæo, ac ipsum propriè esse qui intelligatur & vocetur Excentricus; nempe quatenus ipsa est Solis via, quam pari ratione habes in sequente schemate cum Excentricitate, & Apsidum Mediarumque longitudinum lineis. Circulus autem ille exterior & concentricus intelligendus est repræsentare Firmamentum, aut extimum cœlum.

desq; propositum, pergitque A. quia; oppositum, interducere. Id est, quod A. quia; ipsa A. quia; inde ipsa B. Id est, inde A. quia; inde ipsa C. Id est, inde N. O. inde M. N. O. tamen a linea cum soli motu per Excentrum F. M. N. O. exponatur in K. O. ut




Esto & alia Sphæra totalis, v. c. Jovis, quā, superioris instar, distinctā in orbes tres, describatur intra crassitudinem Excentrici simpliciter circellus P Q R S. Is circellus est quem Epicyclum vocant, & quem moveri quidem volunt unā cum Excentrico secundūm ductum L N M O ; sed interim tamen revolvi circa proprium centrum L, ac existentem in sui superficie Planetam circumvolvere secundūm ductum P Q R S.



Quinetiam appellant punctum supremum P, Apogaeum Epicycli; R infimum, Perigeum ejusdem; puncta Q & S, Elongationes maximas; & circulum illum LMNO, quem centrum Epicycli describere concipitur, Deferentem Epicycli.

Adnota hic rursus hunc circulum esse quem solum Ptolemæus retinet, unà cum Epicyclo Planetam vehente; ut intelligis ex hoc schemate, in quo iterum circulus exterior refert Firmamentum, cœlumve supremum.



Prætereo autem, quod ille censet, posse per Concentricum cum Epicyclo idem explicari quod per solum Excentricum, ac rursus per Concentricum cum dupli Epicyclo, idem quod per Excentricum cum Epicyclo uno, facile esse intellectu; quatenus ipsum corpus Planetæ apparet semper eandem viam circa centrum Mundi (à quo perinde nunc remotius, nunc proprius, nunc mediocriter distans efficitur) tenere.


Enimvero ut Hypothesis juxta speciales Planetarum Firmamentique Theorias declaretur paulò uberiùs, & quæ recitata Phænomena sunt explicitur distinctius, age singulas paucis attingamus.

## C A P. IV.

*De Theoria Solis.*

**T** exordium verò ducamus à Sole, tanquam Principe ac Moderatore cæterorum Luminum, repetatur pri-  
num hujusmodi schema.

Sit A centrum Terræ seu Mundi, ex quo describatur C D E, repræsentans Eclipticam in primo cœlo, (aut, si velis, in Firmamento) sub qua, & signis in ea descriptis, an-  
uo motu moveatur Sol. Sit autem Excentricus qui hoc



motu,

motu, & ipso quidem existente æquali, describitur, circulus F G H I, ejusque centrum K. Ducatur linea Apsidum quæ centra connectat, B D; sitque Excentricitas A K, Apogeum F, Perigeum H, & linea mediarum longitudinum ducatur C E, transiens per centrum Mundi A.

Hoc posito, cum Sol moveatur æquabili motu per Excentricum, si oculus quidem noster existeret in centro K, observaret haud dubie illum moveri sub Ecliptica æquabiliter; at quia videt illum ex A, ideo apparet ipsi Sol inæquabiliter moveri.

Discedat Sol (ex.gr.) ex Apogeò F, & perveniat ad L: tunc oculus ex K videret illum quasi occupantem in Ecliptica locum M; at ex ipsa Terra apparet quasi occupans N. Discedat ex Perigeo H, & perveniat in O: ex K videretur in P; at ex A videtur in Q. & ita de cæteris locis.

Linea porrò K M, & quælibet alia procedens à centro K (ut K R, K S, &c.) in Eclipticam, vocatur linea Medii motûs; linea autem A N, & quælibet alia à centro A ducta (ut A C, A T &c.) in eandem Eclipticam, linea Apparentis sive Veri motûs.

Nempe Medius motus appellari solet progressio Solis à principio V, seu Verno Æquinoctio, ad usque illam priorem lineam, ut putà arcus V B M. Apparens autem seu Verus, eadem progressio ad usque posteriorem hanc, ut putà arcus V B N. Et tametsi proclive foret, ut motus Verus diceretur idem qui Medius; solent tamen Astronomi eundem dicere Apparentem ac Verum: Ex eoque fit ut etiam Punctum N appelletur locus Solis Verus; & punctum M, locus Solis Medius.

Differentia illa inter motum Medium ac Verum, arcus scilicet M N, appellari solet Æquatio, & facit etiam jam familiari voce, Prostaphæresis, quâ Additio simul & Subtractione significatur, quoniam habito per observationes motu Vero, talis differentia ipsi nunc addenda nunc detrahenda est, ut eliciatur motus Medius: addenda quidem Sole descendente ab Apogeo in Perigeum, quoniam Verus motus

tus Medium sequitur; subtrahenda vero Sole ascendentem à Perigeo in Apogenum, quoniam Verus motus Medium antecedit. Oppositum autem faciendum est cum, motu Medio habito, inquiritur Verus.

Vides interim Sole existente in Apogeo aut Perigeo nullam esse Prosaphæresin, quia tunc ambæ lineæ Veri ac Medii motū concurrunt; & Prosaphæresin aliunde esse maximam, Sole existente in alterutra Mediarum longitudinum G aut I, ac tanto semper esse minorem, quanto propior est Apogeo aut Perigeo.

Prætereo vero arcum interceptum inter Apogenum & locum Medium Solis, id ipsum esse quod vulgo vocant Anomaliam Solis Medium (Argumentum etiam appellant;) interceptum autem inter Apogenum & locum Solis Verum, Anomaliam Veram.

Prætereo quoque tum Apogenum Solis (quod reperitur hoc tempore non longè ab initio septimi gradū S) progressi motu admodum lento in consequentia, (annis scilicet singulis dodecante duntaxat unius minuti) tum ipsam Excentricitatem reputari varietati obnoxiam; adeò ut cum jam comperiatur esse Pars semidiametri Excentrici proximè vigesima octava, reputetur lente & aliquò usque increscere decresceréque.


Hic Nota, cum Ecliptica contineat 360 gradus, & Sol non percurrat illum integre nisi diebus 365 & horis 5 ac minutis proximè 49. idcirco Solem singulis diebus non confidere motu Medio gradum integrum, sed solum minuta 59 & 8 secunda; cum aliunde motu apparente seu Vero conficiat in Apogeo quidem 57 minuta duntaxat, & in Perigeo gradum unum cum minuto uno pauculisque secundis.

## C A P. V.

## De Theoria Lunæ.

**S**equitur dicamus de Theoria Lunæ, in qua, & cæteris qui supersunt Planetis, attendendus est non modò Longitudinis sed etiam Latitudinis motus.

De priore autem ut priùs dicamus, & crassiores illos orbes nihil moremur; Esto in sequente Figura A centrum Mundi, B C D E Ecliptica, F centrum Excentrici, (quod mobile sit circa centrum Terræ) G N M O Excentricus ipse, A F Excentricitas, F L Excentricitas dupla, G Apogeum Excentrici, M Perigeum, G M linea Apsidum, C E vel N O linea Mediarum longitudinum, P Q R S Epicyclus Lunæ, cuius est G centrum, Q aut R Luna in superficie Epicycli.



Triplex

Triplex hic attendendus motus. Primo Apogei in antecedentia (hoc est, à G in T V, &c.) regulariter super centro Mundi, diebus singulis graduum 11. min. 12. ita ut periodus ejus absolvatur intra dies 32. hor. 3. min. ferè 5.

Secundo centri Epicycli in consequentia (hoc est, à G in X Y, &c.) regulariter quoque circa centrum Mundi, diebus singulis graduum 13. min. 11. ita ut periodus ejus absolvatur diebus 27. hor. 7. min. 43. & hic propriè sit quem superius diximus Periodicum mensem.

Tertio ipsius Lunæ in Epicyclo, supernè quidem in antecedentia (h. e. à P versus Q R) infernè verò in consequentia (h. e. ab R. versus S P) regulariter circa punctum L, quod opponitur Excentrici centro, diebus singulis grad. 13. min. ferè 4. ita ut periodus ejus absolvatur diebus 27. hor. 13. min. ferè 9.

Exsistente centro Epicycli in ipso Excentrici Apogeo G, dum utrumque subest, v. c. initio  $\infty$ , in quo etiam supponatur versari Sol, quia linea Medii motus Lunæ est ea quæ dicitur à centro Mundi per centrum Epicycli, idcirco coibunt in unam linea motus Apogei ac linea motus Medii  $\infty$  & linea quoque motus Veri, si Luna quidem fuerit in Q. cum linea Veri motus ea sit quæ ducta à centro Mundi per ipsum corpus Lunæ transit) ac denique etiam linea Medii motus Solis, quasi existentis in B. Suppono autem locum tam Medii quam Veri motus Lunæ supputari, sicut in Sole, à principio V.

Perveniat Apogeum ex G in T, facto Excentrici centro Z; pervenerit centrum Epicycli in X; sicque erit A T linea Apogei, A  $\alpha$  linea Medii motus, A  $\beta$  linea Veri motus: linea autem Medii motus Solis A B erit omnino media inter lineas Apogei & Medii motus Lunæ, quod licet Apogeum procedat segnius dietim duobus circiter gradibus quam centrum Epicycli, Sol tamen unum circiter gradum in consequentia dietim percurrentes, illum detrahatur motui centri Epicycli, apponat motui Apogei.

Nota verò gradum quo Sol insequendo Lunam dietim removetur causam esse cur Luna ad eandem rediens perio-

dum non amplius ibi reperiat Solem, sed debeat adhuc duos & amplius dies incedere ut eum assequatur, ipsi⁹ rursus congregatur; sicque cum mensis Periodicus sit dierum 27 ac ferè trientis, Synodicus fiat dierum 29 ac dimidii cum horæ proximè dodrante, ut superius jam adnotatum fuit.

Perveniat porrò etiam Apogaeum in V, in γ, in δ, centro Excentrici facto ε, η, L; pervenerit & centrum Epicycli in Y, Ζ, Α; & Luna perveniens ad totum circumierit Epicyclum, ac linea Medii motus Solis A B intermedia semper incesserit, &c.

Quod de hac autem Schematis medietate dico, idem & de alia pari proportione est intelligendum, utcunque Epicycli ducti in ipsa non sint, neque item lineæ occultique circuli designantes varios Excentrici situs; nè nimia intricatio confusioque inde crearetur.

Exinde interim colligere licet centrum Epicycli occupare semper Apogaeum Excentrici in omni Conjunctione & Oppositione media cum Sole, & Perigeum in Quadraturis, & reliqua loca intermediis proportione temporibus; adeo proinde ut bis in mense totum Excentricum percurrat.

Exsistente rursus Epicyclo in X, Elongatio lunæ à Sole est G X, & duplum illius seu distantia Lunæ ab Apogeo TX; quæ cum diceretur in Sole Anomalia seu Argumentum, dici hic solet Centrum Lunæ.

Argumentum autem hoc loco vocatur distantia ipsius corporis Lunæ exsistentis v.c. in x ab Apogeo Epicycli, aut Vero, quod hic est λ, aut Medio, quod hic est μ, (hoc autem designatur per lineam educatam ex puncto K, quod centro Excentrici opponitur) unde & illud Argumentum Verum, hoc autem Medium appellatur.

Cumque arcus λ μ dicatur Prosaphæresis seu Aequatio centri, tum α ε dicitur Aequatio Argumenti. Et cum illa addatur ad Argumentum medium, ut habeatur Verum, si centrum Lunæ fuerit minus sex Signis, subtrahatur, si majus; ista ex opposito \* subtrahitur, si minus, additur, si majus.

\* Subtrahitur medio motui ut habeatur verus, si argumentum verum minus sit sex signis, additur si majus.

Ut taceam illam esse nullam, si centrum Epicycli fuerit in Apogeo vel Perigeo Excentrici; hanc nullam, si Luna fuerit in Apogeo Perigeo Epicycli: ac rursus illam maximam esse paulò infra medias longitudines, ut  $\xi$ , Epicyclo existente in  $\vartheta$ ; istam maximam, cum centrum Epicycli est in Perigeo Excentrici, ac Luna in contactu Peripheriæ Epicycli, & lineæ ductæ ex centro Mundi, ut  $C\pi$ , Epicyclo in  $Y$ .


Taceo &, cùm ipse diameter Epicycli exsistentis in Perigeo Excentrici appareat major quām in Apogeo, ut vel arguit ipsum discrimen inter arcum Zodiaci  $\pi\sigma$ , quem diameter occupat in Perigeo, & arcum  $\sigma\tau$ , quem in Apogeo, ac proportione aliunde servata in locis intermediis; idcirco totam diversitatem distribui solere in particulas  $60$ , quas appellant scrupula, seu minuta proportionalia; ut proportione diversitatis adjiciatur quod congruum est ad æquationem argumenti.

Taceo denique ipsum corpus Lunæ, ubi descendendo ex Q per  $\alpha, \phi, \psi$ , pervenerit ad  $\iota$ , & exinde pari ratione per medietatem aliam redierit ad Q, intelligi descripsisse non circulum, sed speciem quandam ellipseos, seu ovatam linéam. Atque hæc sunt quidem capita præcipua Longitudinis motum attinentia.

Quod ad Latitudinis motum spectat, notandum est ut via Solis seu Ecliptica Äquatorem obliquè intersecat in duobus oppositis Äquinoctialibus punctis, sic Orbitam Lunæ, seu descriptum Excentricum, non jacere directè sub Ecliptica, sed eam obliquè intersecare in duobus oppositis punctis, quos Nodos appellant; & Ascendentem quidem, quo ex Austro in Boream, Descendentem, quo ex Borea in Austrum transitur.

Et cùm id sit commune Lunæ cum Planetis cæteris, tum ejus est proprium ut Nodus Ascendens hâc forma  $\delta$  pingatur, & Descendens hâc  $\psi$ ; & ille Caput, iste Cauda Draconis vulgò appelletur. Fortè quod ut Draco serpensve tenuatur in caput & caudam, tumescit in ventrem; ita spatium dimidio Orbitæ Lunæ ac Eclipticæ comprehen-

sum tenuetur ad Nodos, tumescat ad medium, quâ limes est, maximâve digressio; ut ex hac figura intelligitur.




Notanda verò hīc solum duo. Unum, cùm Luna à Nodo discedens acquirat paulatim latitudinem, quoisque ad limitem Boreum Austrinūmve p̄venerit, maximam latitudinem distantiāmve quam in utrovis limite obtinet esse graduum quinque.

Alterum, Nodos non esse Fixos in certis Eclipticæ punctis, sed progredi sensim in antecedentia, & dietim quidem paulò amplius quām tribus minutis; adeò ut circumutum absolvat intra 19. ferè annos: unde existit quem superiùs & Cyclum Lunarem, & Numerum aureum, & Periodum Metonis appellavimus. Solet autem propterea fingi seu orbis, seu circulus concentricus Mundo, qui dicitur Deferens Nodos.

## C A P. VI.

*De Theoria trium Superiorum Planetarum, nempe  
Saturni, Jovis, & Martis.*

Quod horum trium motus non formâ, sed quantitate  
solâ discrepent inter se, ideo sufficiat universè pro  
illis hujusmodi schema.



In ipso, A est centrum Mundi, B C D E Ecliptica, F centrum Excentrici, G H I K Excentricus, L centrum circuli Æquantis vocati, tantum distans à centro Excentrici quantum hoc à centro Mundi, M N O P Æquans ipse, Excentrico æqualis, & in plano eodem cum ipso. Æquans autem hic sive orbis sive circulus inducitur, quod hujusmodi Planetarum motus in Excentricis & Epicyclis æquabiles regularè sint, non super suis centris, sed super alieno, hujus nempe Æquantis centro. G Apogéum Excentrici, I Perigeum, M Apogeum Æquantis, O Perigeum, B D linea Apsidum, C E linea Longitudinum mediarum, Q R S T Epicyclus, G illius centrum, R Planeta in superficie Epicycli.

Triplex autem hic attenditur motus. Primus Apogei in consequentia. Hic autem fit non semper sub Ecliptica, quemadmodum in Sole; non accedendo recedendo ab illa, quemadmodum in Luna: sed secundum parallelum Eclipticæ circulum, adeò ut habeat quidem diversum centrum, sed eundem tamen axem; neque aliam periodum aut irregularitatem quam tribuendam Eclipticæ, cum de Firmamento agetur, obtineat.

Secundus Excentrici, seu mavis centri Epicycli G, in consequentia; h. e. à B in C, D, E. Hic autem fit obliquè ad Eclipticam, & ad circulum motus Apogei; ac secat illorum axem non in centro, sed versus Excentrici Perigeum: unde & major Excentrici pars remanet versus Apogeum.

Est vero diurnus Motus in Saturno minutorum 2. in Jove minut. 5. in Marte minut. 31  $\frac{1}{2}$ . Et circuitus totus peragitur in Saturno annis Ægyptiis 29. diebus 169. in Jove, ann. Ægypt. 11. diebus proximè 316. in Marte, ann. 1. diebus proximè 322.

Tertius Epicycli, seu mavis Planetæ in superficie Epicycli: & superiore quidem ejus parte (secùs ac in Luna) in consequentia, ut puta in Q, R, S; inferiore in antecedentia, ut puta in S, T, Q.

Estque dietim in Saturno minut. 67. in Jove, 54. in Marte,

Marte, ferè 28. Et periodus ejus absolvitur in Saturno anno 1. & diebus 13  $\frac{1}{4}$ . in Jove, an. 1. & diebus ferè 34. in Marte, annis 2. & diebus ferè 60.

Esto Epicycli centrum in V, Apogaeum Epicycli medium X, designatum putà per lineam ex centro Mundi ; erit tum linea Medii motûs LZ. linea Veri A $\alpha$ , & arcus V BZ motus medius, arcus V B $\alpha$  Verus. Et cùm linea Veri loci Planetæ existentis in  $\beta$  sit A $\gamma$ , ideo Verus Planetæ motus erit V B $\gamma$ .

Cùm autem distantia ab Apogeo Excentrici appellari hic quoque soleat non tam Anomalia aut Argumentum quàm Centrum Epicycli, illúdque aut medium, ut BZ, aut Verum, ut B $\alpha$ , tum hic etiam specialiter Argumentum dicitur distantia Planetæ ab Apogæo Epicycli ; medium à medio, ut arcus X  $\beta$ ; Verum à Vero, ut arcus Y  $\beta$ .

Ut præteream hic eodem modo accipi Prosaphæresin, seu Æquationem Centri, arcum videlicet  $\alpha\gamma$ , & minuta proportionalia ex diversitate apparente diametri Epicycli, & tempus quo Æquationes sunt aut nullæ, aut maximæ, & quo addendæ aut subtrahendæ, & si qua sunt hujusmodi ; eodem, inquam, modo hic accipi quo dictum in Luna, ut vel ex ipsa Schematis inspectione intelligi potest.

Quanquam non est existimandum cùm Epicyclus illius centrum ex G pervenit ad V, Planetam esse solum promotum per superficiem Epicycli ex R aut Y in  $\beta$ , & cùm ad H, in  $\alpha$ , & cùm ad I, in  $\epsilon$  ; siquidem priusquam Epicyclus Saturni v. g. pervenerit ex G ad I, ipse Planeta Epicyclum totum percurrit proximè quindecies. Quamobrem Planeta eo fine duntaxat in iis locis depictus est, ac præterea in  $\zeta$ , cùm Epicyclus pervenit ad  $\pi$ , ut mox dicta intelligantur ; utque præterea videoas quomodo, cùm Epicyclus pervenit ad I, Planeta esse possit in Perigeo Excentrici & Epicycli simul.

Quod mirabile interim hic est, ipsa est consensio revolutionis Planetæ per Epicycli superficiem cum ipso Sole ; siquidem talis revolutio completur præcisè tanto tempore quantum est ex una Conjunctione aut Oppositione media

cum Sole ad aliam : adeò ut in omni Conjunctione media Planeta existat in Apogeo medio Epicycli, & in omni Oppositione sit in Perigeo ; sicque tantum semper distet Planeta ab Apogeo medio Epicycli quantum linea medii loci Solis à linea medii motū Planetæ ; ac subtrahendo proinde medium motum Planetæ ex medio motu Solis, Argumentum medium Planetæ remaneat.

Ex quo licet intelligi, quanto centrum Epicycli circuit tardius Excentricum, veluti in Saturno, tanto Epicyclum Planetamve in ipso revolvi celerius ; Sol nempe Planetam assequitur citius. Ac licet rursus intelligi, medium Planetæ motum junctum motui ejus in Epicyclo æquari medio motui Solis.

Ad Latitudinem quod spectat, dependet ea quidem ex obliquitate qua se habet Planetæ Orbita seu Excentricus ad Eclipticam ; sed contingit nihilominus ipsam augeri vel minui ex inclinatione obliquationeque Epicycli non fixa, sed mutabili libratalique.

Vix autem potest Latitudo maxima pervenire, in Saturno quidem ad gradus 2. & min. 5. aut 6. in Jove ad grad. 1. & min. itidem 5. aut 6. in Marte demum ad gradus 7.

## C A P. VII.


### *De Theoria duorum Inferiorum Planetarum, Veneris nempe & Mercurii.*

**H**OSEE duos quoque conjunctiones spectamus, propter formam motū communem quā à memoratis tribus discrepant.

Et primum quidem istis quoque duobus tam Excentricus quam Epicyclus competunt : verum linea medii motū ipsorum non discedit unquam à linea medii motū Solis, sed ita est una eademque cum ipsa, ut Epicyclorum centra linea medii motū Solis veluti illigata sint, neque possint proinde Planetæ longius evagari à Sole quam ipsi illorum Epicycli

Epicycli patiuntur; secùs profectò ac Superiores, qui, propter diversas medii motūs lineas, etiam ad usque ipsam cum Sole oppositionem à Sole discedunt.

Exinde interim fieri constat, ut non aliud medium longitudinis motum quam Sol habeant, utque ratione hujuscē motūs sint semper cum Sole conjuncti, ac eādem proinde Periodo, unius anni scilicet, Excentricum suum uterque percurrant. Quæ omnia intelligi vel ex sola hujus figuræ inspectione possunt.



Et convenient quidem rursus cum Superioribus, ut in superiori Epicycli parte secundūm, in inferiore contra successionem Signorum moveantur; ac rursus, ut habeant in ipso Epicyclo Apogeum tam Medium quam Verum, à quo ad ipsorum

ipsorum usque corpora accipiatur numereturque Argumentum tam medium quam verum: & pari proinde ratione prosaphæresis, æquatiove tam centri quam Argumenti, adhibitis quoque minutis proportionalibus, usurpetur. Verum differunt, quod donec versantur non modo in Apogeo sed etiam in Perigeo, sint cum ipso Sole conjuncti: uti vel ex eadem figura mox adhibita intelligitur.

Quod supereft autem, Veneris Theoria non alia est à Theoria trium Superiorum; quippe ex iisdem orbibus constat, Excentrico nempe, ac Epicyclo & Äquante. Quare & eadem uti Figurâ quæ pro illis est usurpata licet; si modò lineam medii motû Solis unâ transferri & transfire semper per Epicycli centrum concipiamus.

Mercurii vero Theoria eo solùm differt, quod inter duos orbes crassos Excentricosve secundum quid concipient alios duos itidem inæquales, & inter duos illos collocent Äquatem, inter duos istos Deferentem Epicyclum, seu Excentricum propriè appellatum, cuius centrum mobile sit in superficie circelli attingentis Diametro suâ centrum Äquantis & centrum Mundi; eo penè modo quo de centro Excentrici Lunæ in superficie circelli circumducto declaratum est, unde neque nova Figura hic videtur opus.

\* Prætero porrò motum Veneris in Epicyclo esse dietim grad. 1. min. 36. ac totam proinde ipsius Periodum absolvî intra dies proximè 225. seu menses 7. cum semiisse: utcunque ob Solem interim progressum non appareat nobis conjuncta iteratò in Apogeo, aut iteratò in Perigeo, nisi post 19. menses.

† Mercurii autem motum in Epicyclo esse dietim grad. 4. min. 5.  $\frac{1}{2}$  ac Periodum ipsius absolvî intra dies proximè 88, seu tres propè menses; utcunque ab una coniunctione Apogea cum Sole ad Apogeam aliam, aut à Perigea ad Perigeam, nonnisi post 4. ferè menses redeat.

\* Tota periodus Veneris absolvitur intra dies 583. 22<sup>h</sup>. 12'. motus autem ejus dietim est 37'.

† Mercurii autem periodus absolvitur intra dies 115. 21<sup>h</sup>. 5'. motus autem ejus est dietim grad. 3. min. 6.

Quod ad Latitudinis motum spectat, oritur is etiam partim ex obliquitate Excentrici, partim ex inclinatione Epicycli; & ea quidem utriusque contemperatione, ut in Venere major sit Latitudo ad Boream, in Mercurio major ad Austrum; & in Venere quidem Latitudo interdum ad 9. gradus perveniat, in Mercurio autem non amplius quam ad quinque.

## C A P. VIII.

*De Theoria Firmamenti, & super-exstructi unius alteriusve Chrystallini.*


**D**enique, ut & pauca quædam de Firmamento attingamus, ac simul quæ allata de ipso Phænomena sunt explicentur; Sciendum est imprimis quamdiu nullus fuit circa stellas Fixas præter diurnum observatus motus, tamdiu Firmamentum cui illæ inhærent fuisse habitum pro extimo Cœlo, seu Mobili primo; uti Aristotelis ævo, & sequentibus seculis ad Hipparchum & Ptolemæum usque. Ex quo autem ipsæ quoque Fixæ deprehensæ sunt in consequentia promoveri, tum Nonum cœlum cœpisse addi, quod esset Primum mobile, cuiusve diurnus motus esset proprius; & Firmamentum habitum pro Secundo mobili, cuius motus ille in consequentia specialis foret. Nimirum quod duo per se motus uni mobili non competere crederentur; veluti suprà attigimus.

Porrò quia hic motus adnotatus fuit inæquabiliter peragi, ac etiam, juxta aliquos, interdum retrogradus esse, ac observatum aliunde est, Eclipticam unâ cum Fixis sic mutare situm, ut illius Obliquitas, atque adeò Declinatio Solis maxima, evaderet nunc major, nunc minor, (quippe quæ tempore Ptolemæi, aut paulò antè, fuit maxima, ut puta grad. 23. minut. 52. ea deinceps ita decrevit, ut superiore seculo credita minima, exstiterit grad. 23. min. 28.) idcirco cœpit superaddi cœlum Decimum, quod esset Primum mobile,

mobile, ac retineri simul cœlum nonum, dictum plerisque Chrystallinum, cui ille in longum seu in consequentia motus tribueretur; ipsi autem Firmamento assignatus est motus quem Accesūs & Recessūs, ac Trepidationis, Alphon-sini præsertim dixerunt.

Nempe assignatâ ut mobili Primo, ita Nonæ sphæræ Eclipticâ immobili, fecere ipsam firmamenti Eclipticam variabilem; seu ita luxatam in superficie duorum circello-rum circa puncta Æquinoctialia descriptorum, ut exinde duplex hujusmodi irregularitas crearetur. Res operosè declaratur; sed nè tot implicemur tricis, ac in re præser-tim quæ fortè non admodum firmo fundamento innititur, conemur duntaxat eam percipere ex translatiis circellis, fa-cilitatis gratiâ, circa ipsa Solstitialia puncta.

Sunto in sequente Figura A B C D Colurus Solstitiorum in Nona Sphæra; A & C initia ☽ & ☿ in eadem; E F G H & I K L M circelli ipsis circumducti; E & I



initia

initia  $\Sigma$  &  $\wp$  in Octava sphæra, dum Ecliptica utriusque Sphæræ coincidit, & obliquitas minima est. Intelligatur punctum E procedere versus F ad Boream, & punctum I versus M ad Austrum ; tum & crescat obliquitas, quousque sit maxima ad F ac M, & Ecliptica Octavæ sphæræ facta promotior versus ortum evadat F M. Intelligantur eadem puncta procedere ab F in G, ab M in L ; tum & decrescat obliquitas, quousque sit minima, & Ecliptica Octavæ facta adhuc promotior in ortum coeat cum Ecliptica Nonæ. Intelligantur eadem pergere à G in H, ab L in K ; tum & crescat iterum obliquitas, quousque fiat maxima in H & K, & Ecliptica Octavæ in occasum regressa evadat H K. Intelligantur denique eadem pergere ex H in E, ex K in I ; tum & decrescat iterum obliquitas, quousque fiat minima, & Ecliptica Octavæ adhuc magis in occasum regressa coeat iterum cum Ecliptica Nonæ.

Atque hæc omnia quidem eâ ratione, ut cùm Nona sphæra moveat Eclipticam Octavæ continenter & æquabiliter versus ortum, ipsa tamen Ecliptica Octavæ luxatione hâc suâ hujusmodi motum irregularē reddat, ac velociorem faciat, cùm uterque motus conspirat in ortum, memoratis nimirum punctis procedentibus per medietates circellorum EFG, & IML; segniorem autem, cùm alter motuum in occasum est; iisdem videlicet punctis procedentibus per medietates oppositas GHE, & LKI.

Denique autem visum est ex Nono illo cœlo duos facere, & ipsum Primum mobile in Undecimum locum relegare : ac ipsi quidem Firmamento motum Longitudinis, tanquam ipsi proprium restituere; motum vero Trepidationis partiri in duas Librationes, quarum una ab occasu in ortum, ab ortu in occasum, attribueretur Nonæ sphæræ, altera à Borea in Austum, ab Austro in Boream, attribueretur Decimæ : Sicque prior ficeret illum Longitudinis motum nunc velociorem, nunc tardiorem ; & posterior nunc majorem, nunc minorem Obliquitatem.

Itaque solet jam Firmamento motus ille in consequentia Longitudinis attribui, qui ab usque Copernico Præcessio seu

seu Anticipatio Äquinoctiorum appellatur ; quod ille, ob motum Terræ attributum, existimariit non tam stellas Äquinoctia immota prætergredi, tendendo versus consequentia, quam ipsa Äquinoctia stellas immotas deserere, tendendo versus præcedentia. Solet & Nonæ sphæræ tribui illa Libratio, quæ ideo vocatur Anomalia Processionis Äquinoctiorum, quod motum Præcessionis Äquinoctiorum inæqualem faciat ; ac solet demum Decimæ attribui Libratio, quæ Anomalia obliquitatis Eclipticæ ideo dicitur, quod Obliquitatem Eclipticæ non semper eandem esse patitur.

Et motus quidem Firmamenti, seu Octavæ sphæræ, peragitur lentissimè super polis Eclipticæ ; siquidem, juxta Ptolemæum, circuitum unum non peragit nisi intra annorum 36 millia ; ut puta unum tantum gradum intra annos centum conficiens : tametsi successio temporis nos docuit peragere potius intra annorum proximè 25. millia ; ut puta unum intra annos 70. gradum absolvens ; utcunque aliunde Alphonsini statuerint circuitum non peragere nisi intra mille Jubilæa, seu millia annorum 49.

Motus vero Nonæ sphæræ fit quidem super iisdem Polis ; at non circuitum perficiendo, sed leviter solùm librando. Nam postquam Sphæra progressa est versus ortum per duos gradus cum triente, hoc est gradum 1. min. 10. citra, & grad. 1. min. 10. ultra Äquinoctialia puncta, redditus ab ortu in occasum fit : atque id quidem etiam perquam lente ; nam una Libratio eundo redeundoque peragitur solùm intra annos 1700.

Motus denique Sphæræ Decimæ, habens pro suis quasi Polis ipsa Äquinoctialia puncta, secundum colurum Solstitialium peragitur, libratione adhuc minore ; nempe per minutæ non plura quam 24. quorum sint 12 citra, 12 ultra Solstitialia puncta, habita quasi fixa in ipso Primo mobili : ac præterea duplo lentiore, cum una Libratio percurratur solùm intra ter mille & 400 annos.

Ac circelli quidem hic etiam describuntur, ad explicandum quomodo Librationes sub medium celeriores, sub principe

principium ac finem lentiōres appareant: sed, ut tunc adnotabitur, cum quemadmodum rem Copernicus declaraverit attingetur, videtur res esse magis commentitia quānū ut scrupulosius illam prosequamur.

## C A P. IX.

*Quare Planetæ nunc majores, nunc minores appareant.*

**N**unc quemadmodum ea Phænomena quæ sunt initio commemorata, quæque magna ex parte passiones Planetarum vulgò dicuntur, ex Hypothesi Theorijsque jam recentis explicitur, difficile dictu admodum non est.

Ac illa quidem primùm prætereo quæ ex deductis superiore libro abunde satis intelliguntur; cujusmodi sunt, Observari solem alijsque Planetas nunc hic nunc illuc oriri & occidere, nunc altius nunc humilius in Meridianum eveni. Cæteros à Solis splendore nunc occultari nunc revealari, aliisque simillia.

Cætera ut attingam; Videtur imprimis nihil esse mirum si Planetæ interdum majores, interdum minores appareant. Siquidem cùm in Apogeis sint longè à terra quām in Perigeis distantiores, necesse est illic sub minore specie, hic sub majore, repræsententur.

Nihil necesse est admonere, non esse hic quæstionem de specie quæ propter vapores juxta horizontem increscit, quæque decrescit, prout Sidera sublimè attolluntur; quippe hic agimus de specie quæ in eadem Planetæ supra horizontem altitudine, etiam meridiana, appareat.

Ac in superioribus quidem Planetis res est facilis observatu manifestaque admodum. Nam quoties Soli opponuntur, idcirco maximi apparent, quod in Perigeis sint Epicyclorum: nè memorem ipsorum speciem tanto adhuc magis increscere, quantò magis Epicyclus ad Excentrici Perigeum accedit. Mars certè speciatim, qui alias vix stellæ secundæ magni-

magnitudinis exæquatur, in oppositione tamen, sive dum Achronychus est, ac utroque potissimum Perigeo concurrente, eâ evadit specie, ut Jovis atque Veneris magnitudinem æmuletur.

Facilis verò etiam est in duobus inferioribus, Venere putata ac Mercurio, sed Venere potissimum; quippe quæ versus Perigeum, etiam interdiu, ac sub ipsum meridiem facile videatur. Quamobrem autem non perinde videatur cum versus Apogeam est, etsi ejus species per noctem non esse minor appareat, intelligendum est ex infrâ dicendis, ubi de ejus cornibus.

In Luna res est paulò difficilior: observavimus ipsi tamen ejus diametrum, dum est tam in Excentrico quam in Epicyclo Perigea, esse minutorum 31. secundorum 6. & cum Apogea, minutorum 26. ac 36 secundorum: utcunque alii ipsam ad tantam exilitatem non deducant.

In Sole difficillima: sed ipsi tamen illius quoque diametrum observavimus, dum Perigeus quidem est, minutorum 31. secund. 6. quantum nempe ipsius Lunæ; & cum Apogeus, minut. 30. secund. 12. planè ut non integrum omnino minutum intersit.

## C A P. X.

*Quare nunc Veloces, nunc Tardi.*

**P**Ari ratione, mirum non est si Planetæ incedere nunc ocyùs nunc segniùs appareant. Videlicet tametsi ipsi suis in Excentricis & Epicyclis æquabili motu incedant, ut & incedere nobis apparerent si, quemadmodum dictum est, in eorum centris exsisteremus ; necesse est tamen observemus ipsos ferri inæquabiliter, quod ipsorum motum ex centro alieno spectemus.

Hinc in Sole, exempli gratiâ, cùm linea Mediarum longitudinum Eclipticam nobis in duas æquales partes dividens sic Excentricum dirimat, ut quæ ejus portio versus Apogeam est, major eâ sit quæ versus Perigeum, idcirco necesse est Sol appareat nobis percurrere alterum signorum dimidium tempore prolixiore quam alterum ; atque ea de causa uno tempore incedere lentiùs quam alio, sive inæquabiliter ferri, & tardissimè quidem in Apogeo, velocissimè in Perigeo.

Et quia Solis Apogaeum subest hisce temporibus, ut jam antè attigimus, initia gradus septimi Cancri, ac Perigeum adeò initio gradus septimi Capricorni, hinc appet causâ cur ea anni portio quæ est ab Æquinoctio verno in Autumnale, transeundo per æstatem, sit novem diebus longior illâ quæ ab Autumnali in vernum, transeundo per hyemem. Nimurum portio Excentrici percurrenda est per illam quam per istam major.

Atque exinde est, cur cùm Sol observetur medio tempore confidere dietim motu apparente minuta 59, in Apogeo tamen conficiat solum 57, & in Perigeo 61 ; ut supra quoque est adnotatum.

In Luna res secùs se habet. Nam quia centrum Epicycli non movetur regulariter super centro Excentrici, sed super centro Mundi, quod versus Perigeum semper est, idcirco necesse est ipsum in Apogeo Excentrici ferri apparere

velocius quām in Perigeo; videlicet illic majores portiones Excentrici competunt arcibus Zodiaci æqualibus quām hic. Quod idem proportione dicendum est de motu Lunæ in Epicyclo, quatenus movetur regulariter non super centro proprio, sed super puncto quod opponitur ipsius Excentrici centro.

Exinde verò causa est cur tametsi Luna tam in Conjunctione quām in Oppositione cum Sole Apogea sit, celeriùs tamen tunc moveri appareat quām dum fuerit in Quadraturis Perigea.

Causa etiam est cur cùm Luna mediocri motu appareat confidere dietim circiter gradus tredecim, interdum tamen confidere non omnino undecim, interdum ultra quindecim, appareat.

De Planetis cæteris alia quām de Luna est ratio. Nam licet moveantur regulariter non circa centra Excentricorum, sed circa centra Æquantium, ista tamen Æquantium centra sunt respectu nostrî, sive centri Mundi, ultra centra Excentricorum; atque idcirco necesse est ut moveri tardius circa Apogea quām circa Perigea appareant.

## C A P. XI.

*Quare nunc Directi, nunc Retrogradi, nunc Stationarii.*

**H**ÆC affectio competit solum quinque Stellis errantibus quatenus in partibus variis Epicyclorum suorum versantur.

Nam quia Planeta in superiore Epicycli parte imitatur motum ipsius Excentrici centrī Epicycli, qui est semper in consequentia, hinc fit ut duplicato motu Planeta velut dirigatur, seu secundūm seriem Signorum suum cursum intendat; & per ipsum quidem Apogeam oxyssimè hinc, indē autem tantò segnius quantò amplius ab ipso abest.

Et quia in inferiore parte adversatur motui Excentrici ac celeriùs fertur per Epicyclum in antecedentia quām devehatur


vehatur ab Excentrico in consequentia, indè fit ut retrogredi, seu contra signorum successionem moveri appareat; ac per ipsum quidem Perigeum citissimè hinc, indè tantò lentiùs quantò longius ab eo versatur.

Quia demum in parte Epicycli descendente seu orientali, ex quâ parte ex Directo Retrogradus fit, ac in ascendentे seu occidentali, quâ ex Retrogrado fit Directus, hæc rere videtur, & eundem sub Fixis quodam tempore locum occupare; hinc est cur utrobique stare, seu Stationarius fieri, dicatur: & in Descendente quidem parte esse dicatur Statio prima, in Ascendente verò Statio secunda; cùm in Venere & Mercurio illa præterea Matutina, ista Vespertina vocetur.

Et movetur tunc quidem Planeta, perinde ac aliàs, æquabiliter per Epicyclum, sed non percipit tamen oculus illius progressum; quòd motus tunc fiat oculi respectu secundùm rectam quasi lineam ab ipso protensam, non secundùm ductum transversum, ut ideo possit animadvertisse.

Non fiunt autem Stationes in maximis ipsis Planetæ à Sole Elongationibus, designatis per duas lineas ab oculo aut centro Mundi ductas, & Epicyclum hinc indè contingentes, sed infra ipsas. Ex quo fit ut arcus Retrogradationis minor semper sit arcu Directionis: cùm & aliunde arcus Retrogradationis tantò brevior sit, quanto motus Excentrici motui Epicycli amplius detrahit; arcus Directionis tanto productior, quanto motus Excentrici motui Epicycli amplius addit.

Quæ omnia intelligi ut possint, attendendum solum est ad Schemata in ipsis errantium Stellarum Theoriis allata; aut etiam duntaxat inspiciendum in hoc, in quo centrum Mundi, seu spectatoris oculus, A, Zodiacus secundùm signorum successionem B C D, Excentricus E F G, Epicyclus E H G I, contingentes seu maximarum Elongationum lineæ A B, A D, Arcus Directionis E H G, Retrogradationis G I E, Statio prima K, Statio secunda L.



Interim ex iis quæ mox dicta sunt, & ex iis quæ de singulorum Planetarum motibus tam in Excentricis quam in Epicyclis antè attigimus, intelligitur fieri ut ex tribus quidem Planetis Superioribus non retrogrediatur Saturnus, nisi 7 gradibus, aut aliquantò plus; Jupiter, nisi 10; Mars, nisi ad summum 20, (interdum enim nisi 12:) Ex duobus autem Inferioribus, Venus retrogrediatur circiter 16, aut 17; Mercurius interdum tantundem, interdum circiter undecim.

Prætero verò, cum in istis duobus Conjunctione cum Sole sit media inter duas Stationes, esse illis tribus Oppositionem

tionem medium ; & dum Stationes celebrantur, distare à Sole Saturnum quidem ultra quadrantem circuli, Jovem triente, Martem ultra trientem.

Prætero &, cùm ex iis duobus plures sint Stationes Mercurii quàm Veneris, quoniam longè citius percurrendo Epicyclum, sæpius hìc indè à Sole fit ; ex tribus superioribus opposito modo, plures sunt Saturni quàm Jovis, & hujus quàm Martis, quoniam cùm Saturnus sit tardior quàm Jupiter, Sol ipsum citius assequitur ; & pari ratione cùm Jupiter sit tardior quàm Mars, Sol assequitur quoque ipsum citius.

Dixi porrò hanc affectionem competere solùm 5 Stellis Errantibus ; quoniam Sol quidem non movetur per Epicyclum, sed per Excentricum duntaxat, in quo proinde potest quidem videri uno tempore moveri tardius quàm alio, at non propterea unquam retrogredi aut stare. Luna verò movetur quidem per Epicyclum, & superiore quidem parte contra successionem Signorum ; at quoniam motus Excentrici (seu centri Epicycli per Excentricum) est longè velocior quàm motus Lunæ per Epicyclum, atque idcirco Luna tunc quoque velocius devehitur ab Excentrico in consequentia quàm revehatur per Epicyclum in antecedentia, hinc fit ut tardius quidem moveri, at non propterea stare regredive, appareat.

## C A P. XII.


*Quid Parallaxis, ob quam Planetæ altiores aut humiliores judicantur.*

Parallaxeos nomine intelligitur hìc non quævis commutatio, sed commutatio Visū, quæ appellatur etiam Visū aberratio, & Adspectūs diversitas ; ac describi solet, Differentia inter verum & visum locum aliquujus Astri.

Verus porrò locus alicujus Astri est punctum in Firmamento,

mento, aut supremo cœlo, ad quod terminatur recta linea ex centro Terræ sive Mundi per ipsum Astri centrum traducta. Visus autem locus est punctum in eodem, ad quod terminatur recta linea quæ ex oculo per idem Astri centrum traducitur. Unde & quia ista duo puncta incident in eundem verticalem circulum, definiri quoque parallaxis solet, Arcus verticalis qui intercipitur inter verum & visum locum.

Esto v.c. A centrum Terræ vel Mundi, C B D Terræ superficies, B oculus, E F G verticalis in Firmamento seu supremo cœlo. Astrum sit imprimis in Horizonte sensibili H: Tunc Verus locus erit I, terminans nempe lineam A I; locus visus K, terminans putà lineam B K; & arcus I K Parallaxis, scilicet discriminem inter utrumque locum.



Quod si deinde Astrum elevatum fuerit ad L, constat Parallaxin ejus fore M N; si ad O, Parallaxin fore P Q; & ita de cæteris locis.

Ubi interim adnota Parallaxin horizontalem esse maximam; ac ipsam, ascendeante Astro, sic decrescere, ut si Astrum ad verticem R pervenerit, nulla demum sit Parallaxis futura; quod lineis veri & visi locorum in unam coeuntibus, idem futurus sit Verus ac Vifus locus.

Adno-

Adnotare verò etiam licet, Quò aliquod Astrum est Terræ propinquius, eò majorem ipsi Parallaxin creari. Nam Astrum v. c. in S, hoc est in eadem horizontali linea cum H, creat Parallaxin T K; in V, hoc est in eadem visi loci linea cum L, creat Parallaxin N X; in Y, hoc est in eadem cum O, creat Parallaxin Q Z.

Quin adnotare etiam oportet Angulum qui sit in centro Planetæ ex lineis Veri ac Visi locorum, & cui semidiameter Terræ opponitur, qualis est v. c. Angulus A H B, aut A L B, &c. ipsum propriè esse qui & dicitur Angulus, & est mensura Parallaxeos. Nimirum prout ipse est aut magnus, aut parvus, aut nullus, arcus quoque ille qui Parallaxis dicitur magnus, parvus, aut nullus est.

Prætereo porrò esse aliam quandam Parallaxeos speciem quæ in Luna attenditur, & tam secundùm longitudinem quam secundùm latitudinem fit. Ea nempe non attenditur in verticali circulo; sed aut in ipsa Ecliptica, quam circuli latitudinem veri ac visi locorum in diversis partibus intersecant, arcumque intercipiunt Longitudinis Parallaxin dictum; aut in circulo ad Eclipticam recto, quem intersecant duo circuli per loca verum & visum ducti, Eclipticæque paralleli, & intercipientes arcum qui Parallaxis Latitudinis appellatur.

### C A P. XIII.

*Quæ sit proinde singulorum, & Fixarum etiam, à Terra distantia; quisque adeò Cælorum ordo.*

CUM, quò major est Parallaxis eò res visa propinquior sit, quò minor eò distantior, idcirco in eo sunt Astronomi, ut Parallaxes Siderum sintne, & quantæ sint, observent, quo de ipsorum propinquitate aut remotione à Terra pronuncient.

Enimvero cùm in ipsa Luna Parallaxis fiat admodum sensibilis, (videlicet horizontalis integrum etiam gradum

excedit) in cæteris nihilominus res est subtilis adeò negotii, ut verisimilitudinem non excedat. Quippe in Mercurio, Venere, Sole, Marte, difficillimè aliqua notatur; in Jove ac Saturno vix ulla est; & ad Fixas quod attinet, ex sunt longè erectiores quàm ut ullam penitus prodant.

Non memoro causam hujus rei esse quam suprà insinuavimus, quòd Terræ nimirum Semidiameter, quæ & pro communi mensura, & quasi pro duarum stationum dimensionarum interstitio accipitur, sensibilem quidem rationem ad Lunæ distantiam obtineat: ad cæterorum autem distantiam adeò exilem habeat, ut ferè aut etiam prorsus evanescat; quasi Terra jam velut punctum sit, nihilque interest Sidus aliquod ex Terræ superficie, aut ex ejus centro, spectetur.

Ut hoc tamen loco Siderum distantiam, quam ex mente Ptolemæi Albategnius præsertim & Alphraganus deduxerunt, aliisque amplexi sunt, proponamus, quoniam illa per repetitas Terræ semidiametros explicatur, ideo attingendum est paucis quantanam Terræ semidiameter sit.

Cùm ergò, licet variæ de ambitu Terræ opiniones sint, nobis tamen propemodum constet esse ipsam milliarium Italicorum 20255, quòd in maximo ad Terræ superficiem circulo respondeant uni gradui millaria proximè 73; ea de causa, tum Diameter Terræ erit milliarium Italicorum 8354, tum Semidiameter milliarium 4177.

Suppone autem, ut rem tritam, Milliare dici quòd mille passus (seu Stadia 8. quæ singula sunt 125 passuum) contineat, & Passum intelligi Geometricum (seu duplum vulgaris) quinque scilicet pedes continentem, Pedem vero etiam Geometricum intelligi, & talem quidem qui minor sit Parisino seu Regio vocato unâ decimâ quàm proximè parte. Scilicet diviso Parisino Pede in mille particulas, deprehendimus Romanum antiquum continere ex illis nongentas & quatuor.

Usurpo vero Italicum milliare potius quàm Leucam Gallicam, quòd mensura constantior sit. Tametsi cùm Leuca Gallica mediocris contineat plus minus tria millaria Italica, nihil

nihil vetet allatas mensuras sic reducere, ut ambitus Terræ censeatur continere Leucarum Gallicarum 8752, Diameter 2785, Semidiameter 1392.

Utcumque sit, ecce distantiam quam Arabes illi ex Ptolemæi principiis, non modò circa Solem & Lunam, verùm etiam circa quinque Errantes stellas, ac Fixarum quoque Sphærām, deduxerunt. Intelligenda verò est in ipsis Planetis distantia mediocris, acceptáve cùm ii versantur circa longitudinis medias; alioquin enim in Apogeo longius, in Perigeo propriùs distant.

Distantia mediocris quâ absunt à Terra	Luna	est terrena- rum semidi- ametrorum	49
	Mercurius		115
	Venus		618
	Sol		1165
	Mars		4584
	Jupiter		10423
	Saturnus		15800
	Fixæ		19000

Interim verò ex ipsa serie quâ istæ distantiae increscunt comprobatus manet qui Cœlorum ordo in hujuscē Institutionis Procœrialibus propositus est, saltem ad usque cœlum Fixarum; nam quod de cæteris dici potest, id attigimus circa Theoriam Firmamenti.

Ac solent quidem aliæ nonnullæ præter Parallaxin rationes afferri comprobando huic ordini: verùm illæ aut sunt fallaces, ut quæ ex umbris petitur, (falsum est enim brevorem umbram à luminoso corpore distantiore projici, si in eadem supra horizontem altitudine, hoc est eodem gradu, accipiatur quo propius;) aut à decoro assumptæ non perinde suadent, (ut dum consentaneum esse perhibent Solem, qui princeps omnium sit, solium in medio obtinere.)

Hæc certè ratio neque Platonem neque Aristotelem movit, qui ut Lunam in infimo, sic Solem in loco succedente collocârunt. Non movit item Anaximandrum aut Metrodorum Chium, qui Solem in supremo, Lunam in sequente, stellas

stellas Errantes in locis succendentibus, Inerrantes in infimo habuerunt. Non item alios, qui alias aliásque Soli cæterisque sedes assignârunt.

Et dicendum quidem hoc loco videretur, quemadmodum probabile sit Mercurium & Venerem ita Soli circumduci, ut aliquando quidem inferiores propiorésque, sed aliquando etiam superiores distantiorésque à Terra sint quàm Sol: verùm res est intelligenda ex ipsis tam Copernici quàm Tychonis Systematibus sequente libro proponendis; cùm hic referamus duntaxat communem Ptolemaicámque sententiam.

---

### C A P. XIV.

*Quæ item eorundem & Fixarum sit (sed habitis simul apparentibus diametris) vera Magnitudo.*

**Q**uia ex supposita distantia, & observata apparente visibilis rei diametro, judicare licet de vera illius tum diametro, tum superficie, tum crassitudine corporeâve mole, ea propter, ubi præter distantiam adnotârunt etiam illi idem Astronomi quanta cujusque Sideris diameter apparet, seu visibilis foret, pronunciârunt etiam quæ foret Sideris cujusque vera Magnitudo.

Cæterùm videtur id quoque negotium longè difficilius quàm reputari soleat, definire quæ sit habenda Sideris cujusque diameter apparet. Nam Sol quidem suo splendore seu spectetur ipse, seu aliâ industriâ ejus diameter exploretur, negotium facit maximum; aliorum verò Astrorum disci nunc majores nunc minores (etiam in eadem à terris distantia, ac in ea supra horizontem altitudine quæ sit refractione immunis) apparent, prout oculos eos spectat ex variis lucis tenebrarūmque gradibus: tanto siquidem majores videntur, quanto sunt tenebræ densiores; & nè lux quidem, quâ apparent exilissimi, illos quantum par est diminuit, ut nobis quidem constitit.

Sane,

Sanè, nè illud repetam quod de observatis à nobis Solis ac Lunæ diametris apparentibus est jam antè dictum, ac nè aliquid etiam hic subjiciam de cæteris, adnoto hūntaxat diametrum Mercurii, quæ alioquin appetet, ha-  
perique solet minutorum duorum aut trium, fuisse à nobis  
observatum triente minuti non majorem; idque cùm hac  
in Urbe anno 1631. & die Novembris 7. manè in ipso So-  
lis disco apparuit, ac suâ se umbellâ citra telescopium in  
papyro pinxit, potuitque ejus diameter cum diametro Solis  
comparari impunè. Prætero autem illum exiisse à mar-  
gine occiduo Solis (fuit enim retrogradus) horâ 10. cùm  
minutis 28, latitudinem Boream assequutum minutorum 6.  
secund. 20.

Enimvero quia, ut jam monuimus, Ptolemæi Sectato-  
rumque sententiam hic referimus, ecce imprimis quantas  
diametros apparentes habuerint, & maximè quidem sub  
mediocrem illorum à Terra distantiam.

Diameter apparens	Lunæ	1	{	33 $\frac{1}{2}$
	Mercurii	1		2
	Veneris	1		3
	Solis	1		3 $\frac{1}{3}$
	Martis	1		1 $\frac{1}{2}$
	Jovis	1		2 $\frac{1}{2}$
	Saturni	1		1 $\frac{1}{2}$

Circa Fixas autem nihil definierunt, nisi quòd Albate-  
nius stellis Magnitudinis primæ unius minuti ac semissis  
(seu quantam & Marti) diametrum attribuit.

Deinde verò ex habita Sideris cujusque distantia ac vi-  
bili diametro, obtinuere diametrum veram; eāmque  
cum diametro Terræ comparantes, cubicéque multiplican-  
tes, Sideris cujusque crassitudinem corpūsve ita deduxerunt,  
ut quantum à corpore Terræ excederetur, aut ipsum  
excederet, designaverint. Designatio autem, quod ad Pla-  
netas spectat, hujusmodi fuit.

Sunt

Luna	{	minores	{	39
Mercurius	{	Terrâ	{	19000
Venus	{	vicibus	{	28
Sunt < Sol				167
Mars	{	majores	{	12
Jupiter	{	Terrâ	{	81
Saturnus	{	vicibus	{	79

Quod ad Fixas verò, arbitrariâ quadam assumptione,  
hujusmodi.

Sunt Fixæ	{	I	{	108
Magnitu-	{	II	{	90
dinis.	{	III	{	72
	{	IV	{	54
	{	V	{	36
	{	VI	{	18

Atque hoc quidem potissimum juxta Alphraganum; alioquin enim Albategnius habens stellas I. magnitudinis vicibus 102 majores quam Terram, & stellas VI. sexdecim, docet ex Mundanis corporibus secundum magnitudinem, spectatis primo loco esse Solem, secundo stellas Fixas I. magnitudinis, tertio Jovem, quarto Saturnum, quinto Fixas cæteras, sexto Martem, septimo Terram, octavo Venerem, nono Lunam, decimo Mercurium.

## C A P. XV.

### Qui Planetarum Adspectus sint.

Planetarum Adspectus, quos Græci Σχηματομετρίαι, Latinī appellant Configurationes, nihil aliud sunt quam mutuæ habitudines quibus Planetæ se invicem quatenus sunt in variis Zodiaci partibus constituti respiciunt.


Et quia numerus duodenarius quo Zodiaci Signa distinguuntur

guuntur sortitur aliquotas partes, Semissem 6, Trientem 4, Quadrantem 3, Sextantem 2, ea de causa, si Planetā uno constituto in certa Zodiaci parte, alius ab eo distet per semissem, sitque proinde ē regio, dicitur esse inter illos adspectus Oppositus sive Diametralis; si per trientem, Trinus; si per quadrantem, Quadratus; si per sextantem, Sextilis.

Et videbatur quidem præterea assignandus adspectus qui Uncialis diceretur, quatenus Unitas 1 est etiam aliqua duodenarii pars; & potest etiam unus Planeta abesse ab alio per unam duodecimam Zodiaci partem: at talis adspectus admitti non solet, & vice illius admittitur alius, qui quasi cyphræ o. attribuatur; cùm nimirum unus Planeta nihil distat ab alio, sed illi quasi conjungitur; unde & dicitur adspectus Conjunctionis.

Res intelligenda est ex hac Figura, in qua, constituto Planetā uno in principio v. c. V, patet, si alius sit constitutus in principio  $\approx$ , Oppositionis adspectum esse: si in principio  $\Omega$  aut  $\tau$ , Trinum; si in principio  $\mathfrak{S}$  aut  $\wp$ , Quadratum; si in principio  $\text{II}$  aut  $\text{III}$ , Sextilem; si denique in principio V, adspectum Conjunctionis; ut & inscriptæ lineæ demonstrant, & characteres quibus solent singuli Adspectus depingi, utputa  $\delta$ ,  $\Delta$ ,  $\square$ ,  $*$ ,  $\sigma$ .

Porro,



Porro, cùm Adspectus solus Conjunctionis Syzygia dici mereatur, solet tamen vox etiam tribui & Oppositioni, & Adspectibus cæteris, abusu quodam ampliationis.

Prætero autem solere adspectum aliquem dici Partilem, cùm Planeta unus distat ab alio exquisitè per aliquotan partem; Platicum verò, cùm aut minuta aut gradus etiam aliqui desunt. Et cùm Partilis speciatim Conjunctione sit quā Planetæ sunt in eadem longitudine, eam conjunctionem dici Centralem & Corpoream, quā iidem existunt quoque in eadem Latitudine, & inferior supponit suum centrum centro superioris, corporęq; suo ejus corpus tegit.

Quod

Quod idem proinde proportione est de quovis Planeta, tanquam inferiore respectu Fixarum quibus applicatur, dicendum.

Prætereo item hosce Adspectus factos esse potissimum celebres apud Astrologos, qui ipsis tribuunt vim maximam tum in ciendis variis aëris mutationibus, tum in moderan- dis hominis fortunis, docentes, præter cætera, Oppositio- nem & Quadratum adspectus esse Maleficos, Trinum & Sextilem Beneficos, Conjunctionem indifferentem.

Prætereo rursus, admissis solùm quinque illis Adspectu- bus, constare Venerem & Mercurium referri ad Solem non posse alio Adspectu quàm Conjunctionis, cùm illa quidem vix unquam plusquam sesqui-signo, hic nè signo quidem integro, ab ipso recedat.

Prætereo insuper Keplerum induxisse nuper Adspectu- um genera longè plura, nempe Semi-sextum seu Duodeci- lem, Decilem, Octilem, Quintilem, &c. quatenus atten- dit non posse ex iis solis quinque admissis rationem reddi mutationum omnium in aëre observatarum.

Prætereo demum quas speciatim Conjunctiones Magnas & Maximas vocant. Nam ut Conjunction quatuor inferio- rum Planetarum simul interdum Magna dicitur ; sic fre- quentiùs Magna vocatur quæ Saturni ac Jovis est, & vi- gesimo quoque anno contingit : cùm & Magna propriè, seu potius Maxima, ea sit quæ trium Superiorum est, & contingit solùm octingentesimo quoque anno, uti conti- git anno hujus seculi quarto.

## C A P. XVI.

*De variis Luna Phasibus, pro varietate Adspectuum Configurationumve ipsius cum Sole.*

**Q**uia Luna corpus sphæricum opacūmque est, & lucem illam primariam argenteāmve mutuatur à Sole, ac ab ipso semper dimidiā sui parte (aut etiam aliquantō ampliūs prout minor est) illustratur, necesse est ut, cùm aliunde situm circa nos, ac ipsi Soli interveniendo, continenter commutet, necesse est, inquam, ut ad nos convertat nunc amplius, nunc minus ex illuminato dimidio; sicque quod ex illo apparet, variis formis figurisque, quas Phases dicunt, exhibeat.

Solent verò Phases censeri ac nominari quatuor, pro quadruplici illo primū recitato genere adspectuum: nam ut aliunde ipsa Conjunctionio minus propriè adspectus est, sic Phasis propriè tunc est nulla, utpote parte illuminatā existente totā à nobis aversā, conversāque in ipsum Solem.

Non memoro autem Lunam, donec est inconspicua, sufficientem silentēmque dici; & cùm totum id tempus Interlunium vocetur, ipsum speciatim diem Conjunctionis appellari *Nepulnias*, *Novilunium*, itēmaque *Ervu x̄ rēas*, quod Luna eo die sit *Vetus ac Nova*.

Prima itaque Phasis dicitur, cùm Luna à Conjunctione recens, vesperēque emergens è Solaribus radiis, obvertit nobis portiunculam, & ipsam quidem quasi excavatam, partis illius illuminatæ, (residuo quod suprà Cœlum respetante) ac tum dicitur, & maximè quidem sub ipsum Sextilem adspectum, Corniculata Falcatāque, & Græcè Μιωεσδης, ob formam videlicet propriam, quam quæ imitantur cætera *Lunulata* appellantur.

Secunda est, cùm Luna sub septimum jam aut octavum diem, quo quadrante à Sole abest, cavitate illâ jam evanidâ, obvertit nobis integrum illuminatæ partis dimidium; ac idcirco Διχέπμυθ seu *Bisecta* dicitur, quod ex semi-globo nobis

nobis obverso dimidium adhuc obscurum sit ; & ut semi-globus nobis ob distantiam quasi discus appetat, sic communis illa Lucis & Umbræ sectio quasi recta linea discum hunc bisecans appareat.


Tertia est, cum exinde Luna ad Oppositionem properante, & maximè sub Trinum adspectum, amplius quam dimidium illuminatae partis ostentat, ac ideo vocatur Ἀμφικυρίθ, utriusque gibbosa, quod non amplius altera parte cava, aut recte secta, verum tumida ex utraque videatur.

Quarta demum est, cum proiecta ad Oppositionem Luna, obvertit nobis inter Solem ipsamque consistentibus, atque adeò ipsis ad eandem regionem cum Sole spectatis, totam partem illuminatam ; ac integro proinde disco (plenōve orbe) fulgens, Plena dicitur, & Græcè Πλεντέλωθ, quasi *Toti-lunis*.


Notum porrò est easdem Phases Lunæ decrescenti (sed ordine retrogrado) quæ sunt increcenti attributæ competere; prout iterum sub Trinum adspectum Ἀμφικυρίθ, sub Quadratum Διχόπυρθ, sub Sextilem Μηλωνιδης appetet.

Notum & eam partem Lunæ quā est umbra esse semper à sole aversam ; ac ipsa speciatim cornua in vetera Luna spectare ad occasum quæ in recente spectant ad ortum

Potest hæc Phaseon varietas sequente figurâ sic repræsentari, quasi Luna à coniunctione orbem suum percurrent, talis succedenter appareat qualis hic per circuli partes, albas relietas, exhibetur.



Moris verò est, ut eadem varietas figurā proximè consequente repræsentetur, ut intelligi quadantenus possit, quemadmodum circumante Terram Lunā, Sol quidem ipsius dimidium continenter illuminet; sed ejusce dimidii nunc amplius, nunc minus, nunc nihil nobis obvertatur. Tametsi semicirculi ad Terram oculūmve conversi concipiendi sunt quasi semiglobi; & curvatura quæ in plano repræsentari non potest, imaginatione supplenda est.



Pauca quædam h̄ic adnoto. Unum, Quando requiritur, Quare, cū Phases Lunæ omnes demonstrent Lunam easdem semper maculas Terræ obvertere, admittant tamen ipsam volvi circa centrum Epicycli, quo casu pars globi illius antica facta in Apogeo, deberet postica fieri in Perigeo; Responsonem esse, idcirco id fieri, quod ipsum Lunæ corpus ita revolvatur circa sui centrum, ut quantum à motu Epicycli avertitur, tantum à proprio convertatur.

Alterum, Lunam à conjunctione primū apparere tenuissimā falce, aliquando uno, aliquando altero, aliquando etiam tertio solum die, (quod idem proportione de ejus ante conjunctionem occultatione dicendum est.) Quoniam prout est velocior aut tardior, & partim propter Zodaici situm, partim propter sui latitudinem, nunc rectius, nunc obliquius occasura post Solem est, aliquando citius, aliquando tardius à crepusculi claritate sic eximitur, ut conspicua effici ante sui occasum possit.

Postremum, Illam Luculam quæ in Luna nova veterēque præter argentea cornua est, reliquumque discum exhibit conspicuum, ac Secundaria dicitur, Lunæque nativa vulgo reputatur, referendam esse ipsi Terræ acceptam, quatenus Terrâ reflectente in Solem regionemque ipsi circumpositam quos ab ipso recipit radios, reperitur Luna intra eam regionem, fitque illius particeps. Argumento enim inter cætera est, quod à quadratura ea lux evanescat; ut Lunâ nimis procul abeunte, aut nimis procul adhuc absente extra reflexionis illius regionem.

Dicendum quidpiam videretur de Phasibus Veneris; sed sequente libro de ipsis commodius.

## C A P. XVII.


### *De Eclipsi Luna.*

**Q**UÆ Græcè "Exæcis, Latinè *Defectus*, seu *Deliquium* dicitur; & in Luna potissimum vocatur præterea Labor, aut Labores.

Est

Est autem Eclipsis Lunæ nihil aliud quām privatio lucis Solaris in Luna propter interpositam Terram. Scilicet cū Terra sit opacum corpus, non potest Luna ipsam habere sibi Solique interceptam, quin Solis luce ob quam fulget spolietur & obtenebrescat.

Suppono verò rem familiarem; Corpus opacum sphæricumque projicere umbram in partem à lucido aversam, & æqualem quidem seu cylindricam, si ipsum opacum fuerit æquale lucido, decrescentem seu conoidalem, si minus, increscentem seu caltahoïdem, si majus (nè interim memorem opaci dimidium in primo casu illustrari, in secundo nonnihil amplius, in tertio aliquanto minus:) ut vel ipsa inspectio schematis sequentis manifestum facit.



Nimirum exinde intelligitur, cū Terra minor Sole sit, & conoidalem seu turbinatam umbram in partem à Sole aversam continuò projiciat, esse quidem Lunam immunem defectus, si dum est Soli opposita extra hunc conum umbrosum sit; sed necessariò deficere, si intra ipsum immergatur.

Constat verò debere Lunam esse Soli oppositam, sive per ipsum Plenilunium; quoniam alias Terra non potest ipsi Solique interjici.

Constat & ipsam non ideo in omni Plenilunio deficere, quod projiciente semper umbram Terrā in Eclipticam, Luna plerumque ob deflexionem orbitæ suæ ab Ecliptica latitudine ejusmodi sit, ut talem umbram nunc versus Boream, nunc versus Austrum præterfugiat.

Præterfugere autem vix potest senis quibusque proximè mensibus, quod Sol percurrens Eclipticam bis in anno transeat per Nodos, seu semel per Caput, & semel per Caudam Draconis; ac tum Sole versante prope unum Nodum, vix fieri possit quin Luna ipsi opponatur nunc amplius nunc minus, prope alterum; sicque in umbram plus aut minus, vel ad Boream vel ad Austrum Eclipticæ, incurat.

Vix autem, dico; quia rara quidem, sed interdum tamen, contingit, ut Luna umbram præterlabatur intemerata penitus, etiam per annum integrum: quemadmodum speciatim anno abhinc quinto eveniet.


Dico præterea, nunc plus, nunc minus; quoniam si extiterint quidem Luminaria in ipsis Nodis, aut proximè illis, tunc & tota Luna immergitur in umbram, creaturque proinde Eclipsis Totalis, totiusve disci; & mora intra tenebras major aut minor est, prout centrum Lunæ per centrum sive axem umbræ aut proprius aut remotius transit: ut taceam huc quoque quidpiam facere velocitatem aut tarditatem motus.

Scilicet, cum diameter umbræ sit habeaturve prope modum triplo major diametro Lunæ, occupetque adeò unum propè gradum cum semisse quâ Luna transit, (idque aliquando altius, aliquando humilius, prout Apogea aut Perigea est) ipsa aliunde Luna non pervadit nisi unum gradus dimidium intra unam circiter horam.

Potest porro Eclipsis Totalis & Centralis quidem ex proxima Figura intelligi; ut in qua sit A B quidem Ecliptica, C D orbita Lunæ, E Luna primùm ingrediens in umbram,

umbram, F Luna ultimū egrediens, G luna in ipso umbræ centro.

Non centralis autem ex consequente, ut in qua Nodus non sit in centro umbræ, sed extra, utputa in H, ac idcirco Luna per centrum non transeat.





Nota verò, Eclipses Totales, quæ maximæ sunt durationis, (tales autem sunt præsertim centrales) vix paucis minutis quatuor horas excedere, ac sæpe consistere infrà, quod motus Lunæ per id tempus non sit semper tardissimus. Nota & dimidium penè hujus temporis consumi in mora intra totales tenebras ; scilicet tempus Incidentiæ (hoc est, ab initio Eclipseos ad usque Immersionis obscuratio[n]isve totalis momentum) nonnisi unius plus minus est horæ, ac tempus Regressūs (hoc eit, à momento primæ Emer[si]onis recuperatio[n]isve lucis ad ipsum usque Eclipseos finem) consimiliter.

Sin fuerint autem Luminaria remotiora à Nodis, tunc potest pars duntaxat Lunæ per ipsam umbram transcurrere, sicque fieri solùm Eclipseis Partialis ; ipsaque seu major, seu minor, prout distantia ab ipsis Nodis minor majorve fuerit, ac proprius adeo remotiusve ab umbræ centro Luna transferit.

Et cùm Lunæ diameter intelligatur dividua in duodecim uncias, seu partes æquales, quas appellant Digitos, solet defectus Quantitas per digitos (ac digitorum etiam minuta) repræsentari ; & major minórque haberi, quatenus plurium pauciorumve digitorum fit obscuratio.

Potest verò etiam Eclipseis Partialis ex sequente uno alteróve schemate intelligi. Repræsentatur autem in utroque duplex Lunæ orbita, ut intelligatur quamobrem Eclipseis nunc in Austrum, nunc in Boream fiat ; cùm prior aliunde insinuet deficere interdum Lunam priusquam ad Nodum pervenerit, posterior postquam jam superarit. Quæ eâdem proportione sunt circa posteriorem Figuram totalium Eclipseon supplenda.



Prætereo

Prætereo hīc Luculam illam quæ in deficiente Luna observatur (quæque per totalem præsertim Eclipsin tanto rubicundior obscuriorque evadit, quanto magis Luna versus umbræ axem centrūmve accedit) esse videri ex refractione radiorum Solarium, qui prætergredientes atmosphærā terrenā, versus umbræ axem ita deflectuntur, ut ipsam umbram veluti dilutiorem efficiant, ac tanto magis quanto minus à margine receditur, tanto minus quanto magis ad axem acceditur, quod radii jam pauci nullive perveniunt, quibus Luna vix ac nè vix quidem interdum visibilis fiat.

Prætereo & Penumbram illam, seu obscurationem, quæ initio penè inconspicua, addensatur sensim ad marginem Lunæ, (& porrò priusquam disci temeratio quasi falcata apparet) ex eo creari, quod Terrâ sensim subeunte Solem, lux in Luna sensim minuatur; & is ejus margo evadat sensim, seu magis magisque obscurus, cui plures plurēsque Solis partes præripiuntur. Quod idem proportione dicendum de Penumbra illa quæ sub finem Eclipseos, restituto jam limbo, superstes, idcirco sensim evanescit, quod plures plurēsque Soles partes, subductâ paulatim Terrâ, revelentur.

## C A P. XVIII.


### *De Eclipsi Solis.*

**Q**UÆ Eclipsis dicitur Solis, appositiè magis diceretur Terræ; quippe Terra est quæ tunc luce Solis, Lunæ interjectu, privatur, ut Luna deficiens privatur interjectu Terræ, cùm alioquin Sol lucem illibatam retineat. Sed dicitur tamen Sol Eclipsin pati, quatenus respectu nostri deficit.

Deficere porrò nobis Solem ob Lunam interpositam vel ex eo manifestum est, quod nonnisi per Novilunia, seu cùm Luna ipsi est conjuncta, deficiat.

Quod autem non in omni Novilunio deficiat, causa est latitudo Lunæ, quippe ob quam Luna aut suprà ad Boream, aut infrà ad Austrum prætereat, neque directè inter nos ipsumque Solem transeat; transeat autem solum cùm est

est in eodem (proximéve) Nodo in quo Sol : sicque Eclipseis Solis tum solùm creetur, cùm ambo luminaria sunt aut simul in Capite, aut simul in Cauda Draconis (vel certè quàm proximè, ut ex hac figura intelligi potest.



Illud fortassis mirum videatur, quamobrem longè plures Lunæ quàm Solis Eclipses appareant : Sed causa est, quia globus Lunæ quo nobis Sol eripitur est longè minor globo Terræ quò Sol præripitur ipsi Lunæ ; ut proinde longè facilius Luna incurrat in umbram Terræ, quàm visus noster in umbram Lunæ.

Quanquam id accipiendum est de loco Terræ determinato, ut hoc in quo nos degimus : Nam spectato alioquin toto Terræ disco, (dimidióye superficiei quasi plano habito) nihilo sunt Solis Eclipses Lunaribus infrequentiores, siquidem per senos ut plurimùm menses aliquæ aut hic aut illic terrarum contingunt.

Id autem ideo evenit, quòd Luna, cùm sit, ut mox dictum est, longè minor quàm Terra, non possit toti Terræ disco ad Solem converso eripere Solem; sed umbram solùm in aliquam ipsius partem transmittere, nunc quidem in hanc,


hanc, nunc verò in illam; unde & solet fieri ut alicubi Terrarum Eclipsis Totalis tum sit cùm alibi partialis solum, alibi etiam nulla est.

Res intellectu facilis erit ex vulgari hoc schemate; in quo

ubi Sol fuerit A, Luna B, Terra C, constat Solem eripi totum à Luna interposita habitanti in puncto Terræ D, dimidium habitanti in E, nihil habitanti in F, veluti etiam plus aut minus habitantibus in cæteris locis.

Obiter vero adnotare licet ex hoc schema te, eam diversitatem aspectuum ob Lunæ viciniam creari, ut merito Astronomi de ejus Parallaxi solliciti sint; ac non ea solum quæ Altitudinis, verum etiam ea quæ tam Longitudinis quam Latitudinis dicitur, ut ubi & quantamnam sit Solis Eclipsin factura definiant.

Cùm Partialis Eclipsis est, repræsentari solet hâc formâ, & designari etiam per duodenas diametri partes sive Digitos, eorumque minuta.



Nihil interim mirum est, posse totum Solem propter Lunam deficere: quoniam tametsi Luna sit minor, est tamen etiam nobis propior; ut propterea possit apparens ejus discus apparenti Solis disco exæquari, sive eum totum obtegere.

Id tamen discriminis est inter Eclipsin Solis Totalem & Totalem Lunæ, quod ista plerumque cum insigni sit mora, tanquam non valente se Lunâ ab umbra terrena brevi expedire; illa verò nequeat esse cum mora, saltem valde sensibili, (neque adeò possint esse valde diuturnæ quæ interdum densissimæ etiam sub meridiem creantur tenebræ, adeò ut stellæ conspiciantur, aves condantur, aut procidant, &c.) quod Luna motu suo in ortum Soli subtercurrentis, statim ac limbo suo orientali orientalem limbum Solis attigit, Solēmque adeò totum operuit, incipiat ipso occidentali occidentalem deserere, Solēmque adeò revelare.

Quinetiam contingit interdum, ut quia apparens discus Lunæ Apogeæ minor est quam Perigeæ, atque ideo minor quam ipse discus Solis, contingit, inquam, ut dum Apogea subtercurrit Soli, & centrum centro conjunctum habet, supersit ex Sole totus circum limbus, quasi armilla aurea, aureusve quidam circulus; totum scilicet non tegente Lunâ.

Quod si requiras quæ maxima Eclipseos Solis duratio sit, perspicuum esse videtur illam duarum plus minus esse horarum. Quippe cum Luna singulis horis conficiat plus minus unius gradus dimidium, quanta transcurrenda Solis diameter est, ideo necesse est, ex quo Luna limbo suo orientali occidentalem Solis attigit, Eclipseique principium fecit, horam insumat, quo usque idem limbus ad orientalem Solis perveniat, mediumque Eclipseos efficiat. Et quia tunc solùm limbis Lunæ occiduus ad occiduum Solis pervenit, quem & mox relinquit, adeo ut cessante Incidentiâ incipiat Emersio, necesse est horam iterum insumat, quoad usque idem limbus ad orientalem Solis perveniat, & ab eo excedens Eclipsei finem faciat.

---

INSTITUTIONIS  
ASTRONOMICÆ  
*LIBER TERTIUS,*  
SIVE  
SPECIALIA COPERNICI  
ET TYCHONIS SYSTEMATA.

---

CAPUT I.

*Quos imitatus Copernicus in Systemate confin-  
gendo fuerit.*

**C**UM sit jam dicendum, Appendicis loco, de Mundano Systemate juxta mentem Copernici, & subinde quidpiam de eo quod non multum ab simile Braheus ipsi substituit ; præfandum est, Quicquid à nobis de priore præsertim dicetur, eo spectare solummodo, ut quoniam celebre evasit, cuiusmodi sit explicetur, & quemadmodum propugnetur à suis assertoribus : Neque enim nos alioquin sponsores vadésque ipsius præstamus.

Principio vero, cùm Systema Hypotheseive Copernici moveri Tellurem supponat, ideo sciendum est, opinionem quæ terræ motum tribuit esse antiquam admodum, nempe cùm etiam Pythagoræ Pythagoreorumque fuisse ostendatur ; tametsi non omnes ipsam uno modo exposuerint defendenterintque.

Aliqui

Aliqui enim voluerent Terram in centro Mundi existentem revolvi in orbem circa proprium axem spatio horarum 24. & exinde fieri ut Sol cæteraque Sidera videantur eodem spatio temporis revolvi in occasum.

Ita Ecphantus Pythagoreus & Heraclides Ponticus, ac Plato juvenis dum esset, & nonnulli præterea alii.

Notandum est autem istos non idcirco ademisse omnem Sideribus motum, sed ademisse solum diurnum, tanquam afflictum ex motu Terræ; & reliquise quibusque proprios, veluti Lunæ menstruum, Soli annum, Marti bimensem, &c. Videlicet aliâ ratione explicare non poterant Conjunctiones, Oppositiones, Adspectus alios Planetarum.

Ex quo fit ut mirari liceat censuisse Nicetam, apud Ciceronem, Cœlum, Solem, Lunam, Stellas, supera denique omnia, stare, neque præter Terram aliquid moveri.

Alii voluerunt imprimis duo quædam constare immota, nimis hinc Sphæram Fixarum, quam ut mœnia Mundi habuerunt, hinc Solem, quem in centro degentem appellârunt Jovis custodiam, & universi Lares, seu Focum. Deinde inter Fixas & Solem fecere mobiles Planetas, ac inter ipsos Terram, quam & defenderunt moveri non modo diurno motu circa proprium axem, verum etiam anno circa ipsum Solem.

Ita Philolaus, Aristarchus Samius, Plato jam maturior, itemque Seleucus Mathematicus, & Hicetas, sive Oicetas, (utroque enim nomine videtur idem intelligi, immo etiam forte nomine Nicetæ, ut proinde ejus opinio potuerit fuisse non undique ipsi Ciceroni prospecta) insuperque alii nonnulli.

Jam Nicolaus Copernicus, qui fuit Canonicus Torunensis, & ante annos paulò plus centum floruit, imitatus est hosce posteriores; sed ita nihilominus, ut suppleverit aliqua quæ fuisse à veteribus animadversa Authores non tradunt.

Ex quo autem opinio instaurata ab illo fuit, neque enim perinde restitui à Cardinali Cufano motus Terræ propugnatore

natore, seculo antè uno, potuerat) amplexi eam sunt Rheticus, Rothmannus, Mæstlinus, Landsbergius, Schickardus, Keplerus, Galileus, aliique penè innumeri.

Atque id quidem nè Organum, Longomontanum, & aliquos alios ex recentioribus memorem, qui adhærentes prioribus, detinentesque Terram in centro, tribuere ipsi motum diurnum; & tum reliquere Planetis motus proprios explicatiùs quam veteres, tum concessere Firmando seu sphæræ Fixarum motum illum lentum, hoc est, revolutionem unam intra annorum viginti quinque millia, de qua superiore libro dictum est.

Hic adnotandum, nomine Terræ Tellurisve intelligi globum hunc compactum ex terra speciatim vocata & aqua ipsi interfusa, & corporibus ex inde prognatis. Hujusmodi autem corpora habenda sunt Animalia, Planetæ, Lapidès, Mineralia, Meteora, Ignis ipse (prout ex pingui, quæ terrena est, materia creatur) Aér autem seu Atmosphæra (quatenus aliud nihil est quam textura quædam vaporum corpusculorumve ex terra & aqua mistisque rebus exhataltorum) ipsaque non altum admodum evecta, ac solidiorē interim terræ & aquæ orbem eo penè modo quo lanugo malum cotoneum circumvestiens.


## C A P. II.

*Quo proinde situ atque ordine Terram Sideraque habuerit.*

**I**Ntelligentum porrò est ex subjecto hic schemate quænam sit Terræ ac Siderum, partim juxta antiquos illos, partim juxta Copernicum recentioresque, dispositio.

Videlicet Regio Fixarum habetur pro Mundi extremo, ipsoque penitus immoto, & quantum quidem ad sensum patet, orbiculari seu sphærico; tametsi illius figura designari certò à nobis non potest, qui neque superficiem illius extimam videmus, deprehendimusve in quid, ubi, quomodo

modo desinat; neque intimam etiam ullâ ratione discerimus, qui quicquid est sursum, à regione usque superioris éris, quasi in eadem distantia superficie constitutum habemus, cùm & possint Fixæ propriùs remotiùsque dispositæ esse; & quæ inter ipsas apparet inæqualitas tam esse valeat propter minorem majorémque distantiam, quam propter majorem minorémque corporum molem.



Sol verò habet pro centro adspectabilis hujus concretionis, seu potius illius centrum occupat, ipse pariter existens immotus. Quanquam licet immotus sit quatenus loco suo non excedit, arguitur tamen in ipso loco, seu circa

suum axem revolvi intra dies viginti septem, ex ipso motu Macularum quæ in illo sunt observatæ postquam Telescopium adinventum est.

Hisce autem duobus quasi terminis immobilibus constitutis, disponuntur in interstitio ipsi Planetæ mobiles, ut pote qui varios motus circa Solem & sub regione Fixarum obeant.

Ac primò quidem proximè Solem collocatur Mercurius, ut qui circuitum circa ipsum omnium brevissimum describat, eundémque citissimè absolvat, nempe intra menses quam-proximè tres.

Secundo loco statuitur Venus, quæ ut ambitu superat Mercurium, sic velocitate superat sequentes; videlicet circuitum intra menses septem cum semisse absolvens.

Tertiò ipsa Tellus, quæ ut suo circuitu complectitur Venerem, ita ipsum tardius absolvit; utputa solum intra menses duodecim, sive annum unum.

Quarto Mars, qui & Telluri circumducitur, & non absolvit circuitum nisi annis proximè duobus.

Quinto Jupiter, qui & Martem pari ratione circumvit, & circuitum nisi annis proximè duodecim non absolvit.

Sexto Saturnus, cuius circuitus cæteros omnes complectitur, & absolvitur solummodo intra annos proximè triginta.

Adjicit Copernicus, Terram inter Venerem Martémque locatam tantâ intermeare ab utroque distantiâ, ut in ipso eorum interstitio circumductam sibi habeat tanquam assemblam Lunam, quæ unâ cum ipsa ita transvehatur circa Solem motu annuo, ut interim tamen motu menstruo ipsi Terræ circumferatur.

Adjicere deinceps licuit incedentem pari modo Jovem inter Martem ac Saturnum, eâ ab illis ferri distantia, ut in ipsorum interstitio circumductas sibi habeat tanquam assemblas quatuor quasi Lunas, sive mavis stellulas, solo telescopio conspicuas, & Medicea Sidera à Galileo indigitatas, quæ unâ cum ipso Jove circa Solem vehantur motu duodecenni, ut interim tamen motus peculiares circa ipsum obeant;

obeant; intima die uno cum dodrante, succedens diebus tribus cum semisse, tertia diebus septem cum sextante, extima diebus sexdecim cum besse.

Adjiceremus Saturno quoque circumferri duos asseclas, si qui duo orbiculi ad latera ejus interdum apparent eadem formâ constanter forent, & non interdum acuminarentur, exorrectisque quasi brachiis, relictâque medio intervallo, quasi ansulæ Saturno hærerent; interdum quasi unum idemque cum ipso corpus evaderent, proiectis contractisque hinc inde versus extremas cuspides intervallulis, tantâ insuper varietate Saturni corpus transformarent, ut exspectandum omnino sit quousque tota & facierum & periodorum diversitas observata sedulò fuerit, priusquam aliquid pronuncietur.

Adjiciendum quinetiam erit, circumferri duos Veneri, si verum sit, quod scribitur, observatos duos ante paucos menses à Fontana Neapolitano, qui eximio illo suo telescopio perhibetur etiam in Marte detexisse quasi globulum ad centrum, & proximè oram circulum quasi nigricantem; uti & in Jove duas tresve transversas nigricantes fasciolas, cuiusmodi nihil nos adhuc potuimus telescopio nostro, Galileano licet, ipsoque præclaro, deprehendere.

Utcunque sit, constare potest esse Planetas quosdam primarios ac veluti Principes, utputa Mercurium, Venerem, Tellurem, Martem, Jovem, & Saturnum; quosdam secundarios ac veluti pedissequos, lunas nimirum, tam Terrenam, quam Joviales, quam cæteras, quæ reliquis globis possunt circumduci.

Postremò, censuit Copernicus spatiū à Saturno ad usque Fixas interceptum esse ingens ac pene immensum. Quippe & distantiam Fixarum à Terra tantam fecit, ut non modò ipse Terræ globus ad regionem Fixarum collatus puncti instar sit, quod à nemine non admittitur, sed puncti etiam instar sit quem ipse alioquin Magnum orbem dicit; ipsum scilicet quasi cœlum Terræ, sive in quo Terra circuitum circa Solem peragit, cujusque adē semidiameter est ipsa inter Terram Solēmque distantia.

## C A P. III.

*Cujusmodi triplicem motum Telluri attribuerit.*

**S**upposito Telluris loco, triplex motus est quem illi Copernicus tribuit, Diurnus, Annuus, Inclinationis.

Diurnus est ipsa Telluris revolutio circa proprium axem, idque tendendo versus ortum, & peragendo circuitum intra horas 24. Adeò ut eadem Terræ pars (v. c hæc in quibus versamur) nunc in Solem conversa die fruatur, nunc aversa patiatur noctem: ac ipsæ interim cœli partes quæ ex ordine quasi occurrunt retegunturque, oriri appareant; quæ ex opposito retro abeunt occultanturque, occidere.

Annuus est ipsa ejusdem Telluris progressio per Zodiacum, hoc est sub Signis Zodiaci; dum inter Venerem Martemque incedens, & in orientem etiam contendens, circumducitur ipsis Soli, ac circuitum peragit, ut jam dictum est, intra annum. Nempe dum ejus superficies diurno motu circa centrum axemve proprium convolvitur, ipsum interim ejus centrum provehitur sensim juxta successionem Signorum; eo modo quo voluto supra planum globo, ipsius centrum secundum longitudinem plani provehitur, donec interim superficies circa centrum axemve globi revolverit.

Fieri autem vult ex hoc motu ut, quia Terrâ existente inter Solem & unum Signum, Sol tum tegit oppositum, ac dicitur in illo esse, idcirco Terrâ constitutâ v. c. in Libra, Sol esse appareat in Ariete, & transiente Terrâ ex Libra in Scorpionem, appareat Sol transire ex Ariete in Taurum, ac ita deinceps. Adeò proinde ut Terra sit quæ Zodiacum reipsâ percurrat describatque Eclipticam, Sol verò ipse sit qui percurrat describatque apparenter.

Motus demum Inclinationis est ipsa deflexio axis Telluris à parallelismo cum axe Eclipticæ, & continentia in perpetuo sui secum in quovis situ parallelismo; ob quem aliunde & semper maneat axi Mundano paralle-

lus,


us, & æquatorem Terræ contineat ipsi æquatori Mundi parallelum: sicque dici hic valeat non tam reverâ novus motus, quam quædam quasi motuum superiorum modifica-  
tio. Potest autem eodem proportione modo intelligi fieri,  
quo dum puerorum turbo supra planum convolvitur, cir-  
cellosque varios cuspide describit, ipse illius axis tum con-  
tinet se sibi parallelum, seu in situ semper perpendiculari,  
tum continet quoque basin turbinis ipsi horizonti semper  
parallelum.

Nimirum si in Magno orbe, de quo est paulò antè dictum, concipias tum Eclipticam, tum intersecantem ipsam  
Æquatorem, cujus planum intelligatur esse in Fixas usque  
productum, ac simul Axis per Solem transiens intelligatur  
in eandem regionem, quoisque in polos desinat, traductus;  
finge deinceps Terram esse in principio Arietis, & ipsius  
æquatorem cum Mundi æquatore illiusve plano coïcidere:  
erit tunc sanè axis Terræ axi Mundano parallelus. Conci-  
piendum autem præterea solùm est, dum Terra exinde ver-  
sus Taurum porróque progreditur, illius axem non divari-  
cari, sed contineri semper sibi ipsi & axi Mundano paral-  
lelum, ex eoque fieri ut ejus æquator Mundi æquatori pa-  
rallelus maneat.

Rem non malè capies, si acceptā præ manibus vulgari  
Sphærâ, ipsam habeas pro magno orbe, globulūmque adeò  
intimum pro Sole, axem pro portione axis Mundi, & Æ-  
quatorem pro circulo in plano Æquatoris Mundi consi-  
stente; ac tum ad manum quoque assumas globulum quem-  
piam suo axe trajectum, quem pro Terra ducas, & ipsum  
ita applies Sphæræ ad initium Arietis, ut in ipso plano  
Æquatoris sit, & axiculum suum ipsi axi Sphæræ paralle-  
lum habeat: deinceps autem globulum sic sensim & ex or-  
dine traducas per Eclipticam, ut & axis axi, & æquator  
æquatori parallelus indefessè teneatur.

Quinetiam quantum licet in plano rem utcunque repræ-  
sentare, esto in schemate sequente A B C D sphæra fixa-  
rum, A C axis Mundi, E F G H magnus orbis, ac in  
ipsius superficie F H Æquator, ejusque axis transiens per

Solem (in centro subesse intellectum) E G. Esto Ecliptica I K, & Terra per ipsam incedens multiplex ille orbiculus suo ubique axe suoque Äquatore notatus. Cernere licet, si Terra quidem in Äquatore magni orbis fuerit, habere ipsam suum Äquatorem cum Äquatore mundi coincidentem, & suum axem non coincidentem quidem cum axe Mundi, sed parallelum tamen ipsi(nimirum concipiendum est axem A C, vel ejus portionem E G, per centrum magni orbis



transire, axiculum vero LM esse in ejusdem orbis superficie.) Sin Terra extra Äquatorem magni orbis fuerit, tueri ipsam semper suum Äquatorem ipsi Äquatori Mundi parallelum, & axem axi similiter; neque pati unquam ut divertatur versus axem Eclipticæ, qui hic esse intelligitur NO.

Notan-

Notandum verò obiter, cùm dici hìc audis Äquatorem Mundi, Axem Mundi, Polos Mundi, id fieri retentâ denominatione ex vulgari Hypothesi, quatenus Terrâ revolutâ in ortum, totus Mundus apparet revolvi in occasum secundùm hunc Äquatorem, circa hunc Axem, super his Polis; qui reipsâ nihil aliud sint quàm Äquator, Axis & Poli ipsiusmet Terræ diurno motu circumvolutæ.

Quamobrem porrò Tertius hic motus excogitatus inventusque à Copernico fuerit, aliquantò pòst commodius dicetur.

## C A P. IV.

*Quamobrem de motu quieteve Telluris aut Siderum fidendum Sensui non duxerit.*

**Q**uoniam verò istine motus Telluri competant annon in controversiam vertitur, & res videtur debere sensu aut ratione dijudicari; ideo statuit Copernicus dirimi hanc litem ex eo quod sensui apparet non posse.

Siquidem, ipso etiam Aristotele attestante, ad hoc ut res visa moveri appareat, nihil prorsus refert ipsâne an oculus videns moveatur, utrovis enim modo motus imputatur rei visæ ab oculo; ac ipse quoque Philosophus, ad rem monstrandam, utitur exemplo navigantium, quibus à portu solventibus apparet terra recedere,

*Provehimur portu, terraque urbèisque recedunt.*

Quocirca, ait Copernicus, ad hoc ut Astra tendere in occasum appareant, nihil interest ipsâne eò reipsâ tendant, an spectatoris oculus unâ cùm Terra tendat in ortum, cùm utrovis modo ea sint apparitura tendere in occasum. Et ut Sol appareat ex Cancro in Leonem discedere, nihil refert an reverâ discedat, an spectator sit qui unâ cum Terra discedat ex Capricorno in Aquarium, cùm Sol utrovis modo apparitus sit ex Cancro in Leonem transire.

Videtur proinde res sic concipienda, ut si quis Mediterra-

neus marisque inexpertus transferatur dormiens nesciensque in navim. Nam ut iste ex parte factus juratus sit accedere littus aut recedere, navim vero stare immotam, quatenus omnes navis partes eodem semper situ inter se manere conspiciet, & nautas per ipsam, ut per domum terrae harentem, quiescere, discurrere, scandere malum, &c. ac ipsum littus interim evadere aut accedenti proprius, aut recedenti distans, sic nos in ipsa Terra nati, educati, assuefacti, (quod est adhuc amplius quam esse translatos) facile juraturi sumus Sidera esse quae nobis orientur aut occident, Terram vero immotam esse, quod omnes ipsius circumpositas nobis partes eodem semper situ inter se observemus, & in ipsa, ut in domicilio fixo, quiescamus, varieque moveamur; ac aliunde Sidera extra ipsam positam in situm interim altiore depresso remque nobis evadant.

Discrimen solummodo est, quod ille exire est navi, & in portu se sistere, unde hallucinationem deprehendere colligerique liceat, possit; nobis vero exire est Terra in fixum locum non liceat, unde moveri Terram experiamur, fallaciisque nostri visus emendemus.

Hinc, quia donec in terra sumus oculus est semper eodem modo affectus, atque idcirco incapax quo dijudicari controversia possit, Terrane moveatur annon, ideo sola superest Ratio, quae faciem quasi preferat, & utra pars problematis sit potissimum probabilis doceat.

Opinatur porro & Copernicus, & qui ab ejus partibus stant, suffragio Rationis se esse potiores. Id autem cognoscendum est tum ex iis rationibus quibus sententiam suam propugnant, tum ex iis exceptionibus quas rationibus impugnantium opponunt.

## C A P. V.

*Quæ vise magis congruae rationes ad adstruendum  
motum Telluris Diurnum.*

**N**AM quod ad Diurnum quidem motum spectat, tollitur primò, inquiunt, vastissima illa Primi mobilis sphæra Firmamento super-exstructa, & ad hoc solum excoxitata ut inferiora omnia abripi ab ipsa diurno motu intelligantur. Nimirum Terra simplici corpusculi sui versus ortum revolutione Primi mobilis vice fungitur, ac tantum præstans quantum ea Sphæra, cœlos interim sideraque omnia eo labore sublevat, ut incessantem illam abreptionem haudquaque patientur.

Atque id quidem pro genio Naturæ, quæ nunquam præstat per ambages quod potest per compendium, neque per plura quoties quid potest æquè commodè per pauciora.

Secundò, tollitur proinde insana illa rapiditas quâ necessè est Sphæram illam ferri. Quòd enim etiam rapiditas in motu Terræ objicitur, quatenus assumptum in ejus Äquatore punctum celeritatem bombardici globi dum è fistula exit emulatur, quam immaniore quofo perniciitate necesse est ferri acceptum punctum in ipso æquatore Primi mobilis, cum etiam acceptum in Äquatore Firmamenti, juxta communem sententiam, abripiatur necesse sit quinquagies milles rapidius quam ejusmodi punctum Terræ?

Ut prætereatur interim, Naturam, harmonicè omnia præstantem, non pusillas res ad quietem, ingentes ad motum, verùm illas potius ad motum, has ad quietem, comparare. Atque hic quidem id tantò magis, quantò aliunde Terra ex natura figuræ suæ volubilis est, extremum vero Mundi corpus cuius figuræ exterius fit, ut paulò antè dictum, nescitur; cum & ejus esse probabile sit quæ sit ad quiescendum consistendūmve maximè idonea. Nam & quod alioquin tanta machina, quatenus est totus Mundus, inces-

incessanter circumrotetur, & pernitate quidem inexcogitabili, sola hæc Terræ pilula, habita pro puncto, immota consistat, invariataque maneat, quâ haberi congruum aut concinnum possit?

Tertiò, tollitur perpetua violentia inferioribus cœlis facta ; dum præter propriam inclinationem quâ in ortum tendunt, principium extrinsecum est quod vim in regionem oppositam imprimens ipsos in occasum abducit. Ac si foret quidem violentia naturæ inclinatione minor, res videri posset tolerabilis ; at illam ita excedere, ut sit in Saturno plus quam decies millies ac septingenties major, & tantus hic excessus multiplicetur in Firmamento plusquam octingenties nonages, quâ videatur res posse tolerari ?

Ex quo fit proinde, ut mirari liceat, Authores communis sententiæ alienum esse existimare à natura perfectione que divinorum corporum, ferri inæquabiliter ; & reputare tamen dignum ut ipsa eadem corpora distrahantur tanto perire : & cum revereri Naturam videantur, non vereri eos tamen in ipsam inferre infandam violentiam, ac professo præsertim Nihil quod violentum sit diuturnæ esse durationis.

Quartò, tollitur ea absurditas, nisi impossibilitas potius, quam non satîs cavent qui volunt sphæram inferiorem intra superiorem revolvi, & simul ab ea abripi. Nempe, cum oporteat ambas superficies, convexam scilicet illius & concavam hujus, esse ut contiguas, ita æquabilissimas, constat profecto impressionem fieri hoc casu nullam posse, propter invariatum utriusque in suo loco situm, atque adeò propter defectum pressionis, quæ sine excessu è loco aut commissura partium intelligi fieri aliqua non potest.

Nè addatur, cœlestia spacia convinci esse fluida, non verò sphæris solidis quæ abripiantur occupata, tum ex Phasibus Veneris, de quibus aliquanto post, tum ex Cometarum per ea trajectione, tum ex defectu refractionum, tum argumentis id genus.

Quintò, tollitur contrarietas, seu distractio motûs ejusdem Planetæ in partes contrarias, ac unus duntaxat, inque unam

unam partem, & ipse quidem admodum moderatus, relinquitur motus. Nam Saturnus, exempli gratiâ, non singulis diebus circumibit Terram; sed Terra hoc motu ipsum sublevante, totis solùm triginta annis perlustrabit Zodiacum semel: & Luna non tricies circumibit Terram in mense; sed Terrâ hunc motum recipiente in se, circumibit semel duntaxat: & sic de cæteris Planetis.

Pari autem ratione Cometæ, si qui sursum appareant, non ferentur simul & suis trajectionibus & abruptu mobilis primi; sed suis trajectionibus solùm agentur per æthera, ac motus interim diurnus ipsis affingetur ex ipsa Terræ revolutione. Ac pari rursus modo, si Novæ quæpiam Stellæ in cœlo nascantur quæ specialibus careant motibus (ut celebris illa anni 1572. in constellatione Cassiopeiæ visa, & alia rursus anni 1604. in pede Serpentarii, tum cum ibidem magna conjunctio trium superiorum Planetarum fuit) pari, inquam, modo hæ stellæ perinde constabunt ac perpetuæ Fixæ; Terra verò perinde illis motum diurnum, sui revolutione, ac Fixis perpetuis affinget.

Postremo aiunt, ut congruum est magis circumlustrari à navi maritimam oram quam ab ora ipsam navim; converti ex ordine Oratoris faciem ad varias auditorii partes, quam totum circum auditorium ad faciem oratoris immotam; & alia id genus similia: ita videtur magis congruum convertere Terram seipsum ad partes cœli varias, quam totam regionem cœlestem ipsi immotæ circumferri, ac potissimum cum, ut dictum est, idem utrovis modo appareat.

Tantò autem est, addunt, magis consentaneum convertere Terræ partes sui varias in Solem, quam Solem ipsum varias Terræ partes circumlustrare, quanto ipsa est Terra quæ Sole, non Sol qui Terrâ indigeret; cum sit magis secundum naturam, ut quod alio eget versus illud tendat, quam ipsum nihil egens versus id quod eget.

## C A P. VI.

*Quæ visæ magis congruæ ad afferendum Annuum.*

**Q**uod attinet verò ad Annuum, Primò quidem inquit, cùm Sol sit veluti cor, & lucis, caloris vigorisque fons, quo tota regio Planetaria perfunditur ac animatur, locus ipsi maximè congruus in omnium medio tribuitur ; nempe ut opportunè consideat is Moderator, & quasi Princeps,

*Ad cuius numeros & Dii moveantur, & orbis  
Accipiat leges, prescriptaque fædera servet.*

Certè illa Solis circumvolutio propemodum menstrua circa proprium axem, de qua paulò antè, occasione est ut concipient Solem emissis à se radiis compellere omnes Planetas ad imitandum eundem motum ; ac fieri exinde, ut quò unusquisque Planeta Soli propior est, eò citius circumtum absolvat, tanquam potentius propter radios confertiores circumabductus. Neque verò ad hoc obstare aut debilem radiorum vim, aut Planetarum corpoream molem. Nam Planetas quidem ex se neque graves neque leves esse, ac ideo posse minimo impulsu momentive mutare locum ; Radios verò quos experimur impingi, reflecti, subingredi, discutere, exurere ac dissolvere corpora; posse è vi pellendi esse præditos, quâ Planetas nullatenus resistentes moveant atque circumducant.

Secundò, si dispositionem tam quoad Magnitudinem quam quoad motum Planetatum species, erit Mercurius minor simul & celerior Venere, hæc Terrâ, hæc Marte, hic Jove, hic Saturno ; quæ series & concinna est & instituto naturæ digna. Ac series quidem motuum citra omnem controvèrsiam est, quod ad magnitudinem verò seriem spectat, non desunt quidem qui existiment Terram esse non modò Marte, verùm etiam Jove majorem : sed nempe cùm res pendeat ex limitatione parallaxeos & apparentis diametri, quod negotium esse ales plenum superius insinuatum est,

st, mirum nihil est aliquibus secùs quām cæteris videri.

Utcumque autem sit, saltem constat in vulgari Systemate nihil esse posse perturbatius, tam quod ad magnitudinem quām quod ad motuum seriem spectat. Nam in eo Luna est Mercurio major, hic minor Venere, hæc minor Sole, hic major Marte, hic minor Jove, hic major Saturno. Et rursus, movetur Luna motu menstruo, Mercurius annuo, Venus etiam, Sol pariter, Mars annis 2. Jupiter 12. Saturnus 30. Firmamentum 25000. Nona sphæra 1700. Decima 3400. Primum mobile horis 24.

Tertio, præclare exinde explicatur, quam ob rem Mercurius & Venus non multūm digrediantur à Sole, neque unquam Terram se inter ac Solem constitutam habeant; Mars vero, Jupiter ac Saturnus digrediantur summopere, ac Terram interdum se inter ac Solem intercipiant. Nempe vel sola Systematis inspectio rem clarè demonstrat: cum uixta communem sententiam fingere lineam inter Terram & Solemque tensam oporteat, in qua centra Epicyclorum tam Mercurii quām Veneris quasi illigata cohæreant; & ab hac tamen illigatione centra Epicyclorum Martis, Jovis ac Saturni libera sint; neque afferri alia disparitatis ratio quām Systematis inconcinnitas possit.


Nè memoretur interim, quām immanem fieri oportuerit cœli Veneris crassitudinem, ut intra ipsam tantæ capacitatis excaveretur Epicyclus, qui digressiones maximas hinc indè à Sole complexurus, ostentaret diametrum quarcta & amplius parti ambitus cœlestis subtensam.

Quarto, præclarus adhuc est, quòd ex hoc Systemate & motu Telluris per Zodiacum supposito tum farrago illa Epicyclorum aboletur, tum omnes Planetarum Stationes Repetationesque tolluntur, tum unusquisque Planeta suo uno motu unóque tenore ac in eandem partem constantissimè agitur, ut sanè decet corpora tanta; ac interim quicquid Stationis, Retrogradationis, & in ipsa quoque directione alterationis motus est, affingitur ipsis Planetis à visu, ob Terram inter eos translatam.

Quippe quod ad Mercurium quidem Veneremque attinet, non in alternis in consequentia tendunt, in antecedentia regrediuntur; sed qui spectarentur ex Sole, ut centro suorum motuum, ire semper in consequentia, ac uno tenore Zodiacum percurrere, necesse est nobis, qui extra hoc centrum extraque ipsorum circumductus versamur, appareant ire redireque; & dum nos interim circa idem centrum, sed lentiū, circumducimur, appareant itus redditusque nunc in his, nunc in illis locis Zodiaci perficere.

Cum Stationes verò perinde in hae atque in communi Hypothesi intelligantur, non apparere ipsas tamen in excessu aut ascensu per Epicyclum inter Solem Terramque contentum, sed potius per circulum cuius centrum sit ipse Sol, (adeò ut hi duo Planetæ nunc infra seu citra Solem veniant, nunc tantundem supra ultrâve eum abeant; quod & Ægyptii veteres, & postea Martianus Capella, aliquique nonnulli opinati sunt) tum alia quedam arguunt, tum ipsæ Phases Veneris telescopio observatæ convincunt.

Venus scilicet apparere plena (proximè) non potest cum vesperi à Sole emergit; & ad Stationem primam tendit; nisi quia ultra Solem facta, hemisphærium sui (aut quamproximè) illustratum nobis obvertit. Neque dimidiatum cum circiter medias versatur longitudines; nisi quia obvertit dimidium duntaxat ejusdem. Neque corniculata cum infra descendens redit ad Solem vesperi; nisi quia dimidio minus. Neque rufus corniculata cum manè à Sole emergens properat ad Stationem secundam; nisi quia tunc quoque obvertit minus dimidio. Neque rufus bisecta sub medias longitudines; nisi quia iterum dimidium. Neque demum iterum plena cum manè Solem repetit; nisi quia rufus hemisphærium totum (proximè) illustratum obvertit.



Quæ omnia quidem intelligi vel ex sola schematis appositi inspectione possunt, quatenus Phases quæ ad levam Veneris discum referunt qualis oculo exhibetur, & quæ ad dextram sunt, insinuant exhiberi alium non posse ob diuidum globi illustratum, quod semper quidem Solem respectat, sed nunc plus nunc minus convertitur ad oculum,

aver-

avertitur ab oculo. Prætero autem notum esse, si Venus ferretur in Epicyclo qui esset infra Solem totus, ipsam nunquam non modò plenam, sed nè exquisitè quidem dimidiatam, apparituram.

Quinetiam nunquam appareret telescopio exilissima, dum evadit plena, neque amplissima, dum corniculata, nisi plena foret in celsissimo, & corniculata in humillimo situ. Dico autem telescopio; quoniam alioquin nudo visu tanta penè apparet dum non longè est à conjunctione ultra, quād dum non longè est à conjunctione citra Solem; quod spuriâ luce circumradians, (ut & luminosa omnia procul ac è tenebris visa) tametsi illic sit orbe exilis, circum tamen tota refulgeat, hic nonnisi falce sit tenui, ea tamen, quod aliunde sit majoris orbis portio, præstet ut tunc Venus interdiu videatur, quæ perinde interdiu donec plena est videri non potest.

Quod ad Martem verò ac Jovem Saturnumque attinet, non ii alternis directâ eunt, cursumque reverâ reflectunt; sed si spectarentur ex Sole (& ex Terra quoque, si qui-esceret) tendere semper in consequentia, necesse est nobis, qui intra ipsorum circuitus & celerius quidem quād ipsi in orbem movemur, necesse est, inquam, Regredi apparent, quoties versus eandem regionem, ac prope ipsos facti prætervadimus, Solēmque ex parte altera habemus; quasi eos nempe sic assequendo, & mox à tergo sic relinquendo, ut visus noster ad stellas Fixas, non jam consequentes, sed antecedentes, illos referat.

Ex opposito verò necesse est Dirigi, seu in consequentia moveri apparent, quoties in oppositas partes imus, ac Terra sic progreditur ut Solem ipsosque ad eandem partem habeat, & visus illos referat ad stellas Fixas consequentes.

Necesse est demum ut Stare apparent, quoties à regione opposita in eandem aut ab eadem in diversam transimus; quod Terra tunc ita moveatur ut visus per aliquod tempus referat ipsos ad easdem stellas. Quæ omnia vel ex ipsa inspectione depicti antè Systematis, & fictione motuum

motuum per circulos proprios, intelligi possunt.

Quintò, cùm proinde mirabile sit, fieri semper hosce Planetas in oppositione cum Sole Retrogrados, in conjunctione Directos, nunquam aliis locis aut temporibus, nec possit communis opinio causam dicere cur id fiat; dicit tamen ista præclarè ex dispositione Systematis, juxta quam prorsus necesse est ut res fieri hoc modo, non alio, appareat.

Quinetiam præclarè simul causam dicit cur hi tres Planetæ adeò magni sint in oppositione, seu quo tempore Acronychi sunt, præ reliquis temporibus: nempe quia tunc Terra proximè eos transit.

Cur item Retrogradationes sint in Saturno frequentiores quàm in Jove, in hoc quàm in Marte: nempe quia Terra sæpiùs Saturnum lentissimum, quàm Jovem paulò velociorem, assequitur; ac Martem citissimum omnium ut tardius, ita infrequentius.

Cur ex opposito Retrogradationis arcus in Marte major quàm in Jove, in hoc quàm in Saturno sit: nempe quia Martis Retrogradatio ob propinquitatem propriùs incipit, & desinit longius, quàm in Jove; & ob eandem rationem in hoc quàm in Saturno; atque ita de cæteris.

Denique, cùm cæteri Planetæ Retrogradi & Stationarii appareant, quorsum id non competere Lunæ ac Soli existimemus, nisi quia Luna quidem nobis, ubicumque simus, tanquam circa centrum circumducitur; Sol vero ipse est circa quem ipsi semper circumducimur; neque ille potest non videri semper procedere in consequentia, ad oppositam nobis partem?

*Quæ visæ demū magis congruæ ad motum Tertium inducendum.*

**Q**uod tandem spectat ad Tertium motum, seu mavis expositam illam in parallelismo axis continentiam, fuit imprimis excogitatio illius necessaria, ut dierum & noctium, æstatisque & hyemis vicissitudo observetur.

Nimirum, si Terrâ translatâ per Zodiacum, conceptus in ipsa Æquator in idem cum Ecliptica planum coincideret, ejusque axis fieret axi Eclipticæ parallelus, ac polus adeò mundi cum polo Eclipticæ idem foret; perpetuum ubique foret Æquinoctium; & habitantibus sub Eclipticâ Sol perpetuò transitet supra verticem; habitantibus hinc inde versus utrumque polum, eveheretur perpetuò ad eandem altitudinem Meridianam; habitantibus sub Polis, appareret semper Horizontem circum præter-radere aut sui dimidio aut ob refractionem se toto (prorsus ut jam fieri pro varietate habitantium Æquinoctii tempore observatur) unde & nec dierum nec tempestatum efficeretur ulla variatio.


At Æquatore Terræ secante Eclipticæ planum, & axe illius constante in sui secum parallelismo, fit ut horizon cuiusque loci situm cum ipso Sole commutet; & non modò interdum diem, interdum noctem, propter Solem nunc exhibitum, nunc subductum, faciat, sed etiam nobis v. c. ad Boream existentibus tumor Terræ obsit, nè Terrâ versante in signis Borealibus Solem habeamus adeò altum apertumque ac donec versatur in Australibus, atq; adeò nè dies habeamus tam longos, nec calorem adeò vehementem sentiamus. Quod vel ex sola applicatione circumductioneq; memorati globuli supra vulgaris sphæræ Zodiacum (servato semper parallelismo, ac designato in globulo puncto Lutetiæ situm repræsentante) intelligi facillimè potest.

Secundò, ut declaretur quomodo Poli altitudo in unoquoque Terræ loco eadem seu invariata maneat.

V delicit Terrâ versante in Cancro, primum videtur existimare, debere nobis Polum Boreum apparere longè altiorum

rem quam versante in Capricorno. Enimvero ex hoc parallelismo efficitur ut æquè altus, ubicumque Terra versetur, appareat. Res autem hoc modo concipienda est.

Repetatur hoc loco schema capite tertio propositum, ac intelligatur E G axis per Solem transiens produci hinc inde in Regionem usque Fixarum, desineréque in puncta A C, quæ appellantur Poli Mundi.



Intelligamus & axem Terræ continuatum hinc inde ad Fixas esse successivè P Q, R S, &c. ac describere annuo circumductu circa axem Mundi superficiem cylindricam sive columnarem, cujus bases sint duo circuli circa Polos descripti, habentésque pro diametris lineas P T, Q V, æquales diametro magni orbis F H.

Intelligamus rursus tantam esse distantiam ex orbe ma-

gno usque ad Fixas, ut spectata hinc ea columna, & decre-scere continenter visa, (eo modo quo solent parallela omnia in longum producta) desinere tandem ad utramque partem in acumen appareat, & duæ illæ bases gemini-vé circuli circa polos descripti habeantur ut puncta.

Ex his simul intelligemus, ubicumque Terra in Zodiaco Magnóve orbe exstiterit, existantem supra Horizon-tum Polum constare eundem, seu apparere altitudinis in-variatae. Quoniam tametsi axis Terræ alias aliásque cœli partes circa Polum Mundi respiciat, intercapedo tamen harum omnium partium quasi punctum ad visum sit, & totus complexus circuli circa Polum descripti pro eodem reputetur.

Tertiò, ut explicetur quî fiat ut eadem stellæ verticales semper sint, magnitudinisque ejusdem appareant.

Quippe cùm, si Terrâ existente in Cancro, Stellæ ali-quaे nobis transeunt ad verticem, eæ transituræ non vide-antur pari modo ad verticem, neque apparituræ tantæ, u-bi fuerit in Capricorno.

Enimvero quemadmodum altitudo Poli, ut dictum mox est, perseverat eadem ob memoratum Parallelismum: sic necesse est ut, ob ipsummet, stellæ verticales eadem per-severent; utpote retinentes semper eandem ab ipso Polo distantiam.

Ac verum est quidem, Terrâ existente in Capricorno, verticem nostrum tendere ad punctum regionis Fixarum, tantundem distans ab eo in quod tendit, dum terra in Can-cro versatur, quanta distantia inter ipsos magni orbis Tropicos est. At si hic totus orbis instar puncti est ad totam Fixarum regionem collatus, à fortiore, erit parva ejus portio, distantia nimirum inter Tropicos.

Quam ob rem hinc fit, ut non eadem quidem partes regionis Fixarum vertici hic illic reverà respondeant, sed respondeant tamen eadem ad sensum: neque mirum sit si eadem stellæ, quæ sensibiles cœli partes sunt, verticales constanter maneant.

Fit vero quoque ut ipsa stellarum magnitudo invariata

appareat, quod ubicumque Terra sit, ex eodem quasi puncto respiciatur.

Quarto, ut ostendatur quæ descripta superius est Æquinoctiorum Processio, seu motus ille latus in ortum, qui Octavæ sphæræ seu Firmamento tribuitur.

Siquidem stellæ Arietis non videntur aliâ ratione recessisse jam ab Æquinoctiali punto intra duo annorum millia triginta penè gradibus, quam quia sunt reipsâ progressæ versus consequentia.

Attamen, quia idem est apparitum, seu stellæ reipsâ ab Æquinoctiali punto versus consequentia recedant, seu ipsum Æquinoctiale punctum recedat à stellis versus præcedentia; ideo assumpsit Copernicus, istum motum Inclinationis axisve continentiam sic fieri, ut non assequatur præcisè motum centri; ac faciat proinde ut Æquator fecet quotannis Eclipticam aliquantò citerius, efficiatque adeò æquinoctiale punctum in parte Eclipticæ aliquantò antecedente.

Unde & eveniat ut, dum Æquinoctiale punctum transit in præcedentia, (ex quo fuit hic motus ab eo Præcessio seu Anticipatio æquinoctiorum appellatus) relictæ partes Eclipticæ, atque adeò stellæ Arietis, & aliæ, tantundem transire sive progredi in consequentia appareant.

Quæ ille subinde adjecit, ad salvandam partim inæqualitatem hujusmodi motûs Processionis æquinoctiorum, partim variationem obliquitatis, maximâve declinationis Eclipticæ, (dum ideo sufficere voluit, ut axis terrenus describeret speciem intortæ corollæ, hâc formâ (8) quod eundo in ortum & redeundo in occasum acceleratio retardatioque illius motûs fieret; & eundo in Boream ac redeundo in Austrum incrementum decrementumque Declinationis illius crearetur) quæ, inquam, hac de re adjecit, ideo memoratu necessaria non sunt, quod utriusque Phænomeni observationes sint incertiores quam ut de iis debitè constet, aut immorandum in iis videatur.

Satis esto, visum fuisse magis congruum hæc quæ sunt hoc usque relata in ipsum Terræ globulum, quam aut in Solem aut in Sphæram Fixarum immensam, referre.

Addamne autem Quintò, Partim ex hoc motu, partim ex superioribus, visum Galileo fuisse magis congruum explicare Aëstum seu Fluxum & Refluxum Maris, quam illum referre ad influxum Lunæ, aut ad aliam quamlibet excogitatam hactenus causam?

Nam ut aqua vase contenta, ipsoque translato refugiens, non hæret quasi accumulata, sed refluit prorsum, si translatio fiat inæquabiliter; ita voluit mare contentum in Terræ cavitatibus, & versus occasum refugiens dum ipsa versus ortum transfertur, non hærere, verum refluere, ac iterum reciprocari, si contingat ipsum ejus quasi vas inæquabiliter transferri.

Transferri porro inæquabiliter ex eo probavit, quod licet quilibet trium motuum æquabilis secundum se sit; facit tamen eorum commissio, ut assumpta certa superficie Terræ pars inæquabiliter moveatur.

Nam ea v. g. in qua est mare mediterraneum ita constanter versus ortum motu annuo abripitur, ut interim motu diurno revoluta habeat dimidium revolutionis hujuscemodi consentiens cum anno, dimidium dissentiens; sive dum ambo motus conspirant, feratur velocius in ortum, dum alter duntaxat eò tendit, feratur tardius: ac bis quovis die feratur æquabiliter; semel scilicet dum à velocitate in tarditatem, semel dum à tarditate in velocitatem transit.

Itaque ex hac inæquabilitate oriri ille voluit reciprocationem Aëstus geminam singulis diebus contingentem.

Sic vero, quia diurnus motus nunquam oblique, sed semper directè versus ortum fit, ob memoratum parallelismum, & interim ab anno oblique facto adjuvatur, seu promovetur minus circa Aequinoctia, ob obliquitatem, quam circa Solstitia; ideo propter supervenientem hujuscemodi inæquabilitatem, intendi Aëstum censuit per utraque ea tempora; & per Aequinoctia quidem maximè, quod tum motus annuus diurno magis aduersetur.

Sic etiam, quia si verum sit transferri Terram per Zodiacum Solaribus radiis, & ipsam aliunde transferre secum Lunam,

Lunam, ut sui appendicem, necesse est translationem Terræ intendi ac remitti prout Luna nova aut plena existet, illic nempe citra, hic ultra ipsam Terram existens; eo modo quo vibrationes globi penduli chordâve appensi, & huc illuc reciprocantis, intenduntur aut remittuntur prout globulus aut suprà aut infrà coappenditur: ideo ex hac nova inæqualitate putavit ille fieri, ut Æstus evadant per Novilunia ac Plenilunia quâm temporibus aliis intensiores.

Sic rursus, quia ex Luna Terrâque unâ translatis unum quasi mobile fit, & ob motum specialem Lunæ totale hoc mobile non assequitur meridianum diebus singulis, nisi unâ propè horâ, seu quatuor horæ quintis, tardius; ideo fieri potest ut Æstus diebus singulis unâ propè horâ, sive quatuor quintis, fiat retardatio.

Prætereundum autem, varietates alias quæ in Maris æstu contingunt posse non incommodè ad littorum situs conditionesque revocari.

## C A P. VIII.

*Quid Copernicani ad ea quæ objici solent ex Astronomia respondeant.*

**N**unc, cùm triplex sit Argumentorum genus quæ solent adversus Telluris motum objici, aliqua enim ex Astronomia, aliqua ex Physica, aliqua ex Sacra Scriptura petuntur; non est quare multùm in iis immoremur quæ Astronomica potissimum sunt, quod quâ ratione Copernicani ad illa respondeant maxima ex parte constet ex iam dictis.

Nam quod v. c. solet objici, fore ut neque eodem in loco altitudo Poli sit constans, neque eadem stellæ verticales sint, magnitudinisque ejusdem habeantur, neque, si motus secundùm Eclipticam fiat, variatio ulla dierum noctiumque & tempestatum eveniat, neque ullus motus Fi-

xarum in consequentia observetur, & si qua sunt hujusmodi; id fuit mox antè declaratum.

Quod præterea verò imprimis urgetur, fore ut integrum hemisphærium dimidiūmve cœli appariturnum non sit, neque adeò sex Zodiaci Signa possint perpetuo consipi, nisi Terra in centro degat;

Respondent, Ubicumque Terra intra ambitum cœli fuerit, id quod ex cœlo supra horizontem ipsiusve planum extabit, appariturnum oculo quasi integrum hemisphærium, nisi à cœli fornice tam paucis orgyiis absimus, ut verticale & circumstantia puncta internoscantur distare à nobis minus quam ipse Horizon, extremūmve illud quod erit ex terra conspicuum. Nempe oculus habens cœlum tanquam ipsi Terræ extremo circumquaque contiguum, non aliâ semidiametro altitudinem fornicis quam ipsam latitudinem distantiamve horizontis metitur.

Terram porrò, sive concipiatur evecta ex centro in Magni orbis superficiem, sive ex Tropico Capricorni ejusdem orbis translata in Tropicum Cancri, non ideo ita accedere ad ipsum cœli fornicem, ut minus ab eo quam ab ipso Terræ horizonte distemus: quinimo, juxta antedicta, ne evadere quidem promotiorem versus ipsum ullo punto sensibili, ut propterea aliquid minus hemisphærio ex cernamus, aut ex ipsius Zodiaco minus quam sex Signa, hoc est, quam centum octoginta gradus, supra horizontem appareant.

Quod secundò instatur, Fore ut non possit Sol Apogeius, Perigeius, & alia dici,

Respondent, Posse semper dici; quod hæc Astronomia receptas voces non expungat, modò juxta ea quæ apparent usurpari intelligantur, ac nullum propterea existentiæ rei quæ reverâ sit præjudicium fiat. Nam ipsos quoque Copernicanos passim dicere, Solem oriri, occidere, esse in Signo aliquo, cæteraque similia; loquutos nimirum prout res apparent.

Dicere itaque licebit Solem esse Apogeum quando terra erit Aphelia, maximè distans à Sole; Perigeum, cum Perihel.

Perihelia, proximéve circumstans Solem : Nam illud appartenet Soli, hoc reipsâ Terræ conveniet, quatenus ejus orbita Excentrica erit, seu non tam circulus perfectus quam Ellipsis quædam, in cuius focorum seu centrorum altero sit Sol, ac Terra proinde ad ipsum nunc magis nunc minùs accedat.

Scilicet viæ Planetarum (quas nempe corporibus suis per ætherea spacia describunt, etiam dum vehi revéhique per Excentricos & Epicyclos supponuntur) observatæ Ellipticæ sunt, eo ferè modo quo circa Lunam superiore libro insinuatum fuit: tametsi ita exigente facilitate calculi, intelligantur etiam Ellipses in Excentricos Epicyclósque reduci.

Quod additur tertio, futurum ut neque iidem Planetarum Adspectus sint, neque eorundem Latitudines, neque speciatim Lunæ Phases, ipsiusque ac Solis Eclipses perinde appareant, &c.

Respondent, Ista & cætera perinde prorsus apparitura, quando, licet ipsa sit Terra quæ reverâ describat Eclipticam, & Sol tamen est apparitus eam describere, & Planetæ cæteri, dum percurrunt Zodiacum, videndi sunt variè cum ipso ac inter se configurari, discederéque ab Ecliptica, seu latitudinem fortiri.

Et quia Luna semper circa Terram feretur in orbita propria, quæ perinde Eclipticam in oppositis Nodis fecet, perinde prorsus Phases subibit: & Soli conjuncta aut opposita perinde apparens, perinde Eclipsin patietur, aut non patietur, opposita cùm erit; ac perinde creabit aut non creabit in Sole, cùm erit conjuncta, absque ullo discrimine.

Quod subjicitur quartò deridiculum esse Terram, Elementorum fæcem, cœleste corpus existimari, ac Planetarum unum censeri;

Respondent, Terram non esse magis reputandum Mundi fæcem quam Martem aut alium Planetam : Nam & quamvis luce careat, carere tamen cæteros quoque; & si cæteri luce Solis splendeant, eadem pariter & ipsam splendere.

Non esse eam minùs globosam quàm illos, ut proinde per ætherea spatia circumduci perinde valeat. Non esse molis incongruæ; cùm, ut minor aliquibus, ita major cæteris sit.

Et quamvis superficiem inæquabilem asperatamque habeat, habere tamen & ipsam Lunam, ut telescopio convincitur: & habere cæteros quoque non esse improbabile vel ex eo, quod plusquam ex uno sui puncto lucem Solis ad nos reflectant, ac aliunde obtusè luceant, neque Fixarum instar scintillent, tanquam majore radiorum parte ob anfractus varios aliò quàm versum nos deflexâ.

Imò & quamvis generationes corruptionesque in Terra fiant, non posse probari quin fiant similiter in cæteris; tametsi ipsas non magis videamus, quàm videri possent ex Luna & cæteris eæ quæ in terra fiunt.

Si fiant, non posse propterea ipsas reputari imperfectas; quoniam imperfectio est quidem posse unam rem quamquam corrupti, sive esse desinere, non autem manendo incolumem posse ex corruptione quorundam alia aliisque progenerare. Esse sanè longè majorem in ipsa terra perfectiōnem parturire hanc tantam florū aliarūmque rerum elegantiam, cùm id citra ullum molis suæ detrimentum faciat, quàm si corruptione immunis, absque ulla prorsus suæ superficiei immutatione perseveraret.

Ad hæc, non modò Terram & Lunam commutare vices, dum sese vicissim obscurant & illuminant, sed etiam quicquid Venus aut Mercurius apparent Terræ, apparere Terram Marti, Jovi & Saturno; & quicquid Mars, Jupiter, aut Saturnus Terræ apparent, Veneri & Mercurio Terram apparere; hoc est, quod attinet ad motum formamque ipsius, quod ad magnitudinis variationem, quod ad Phases, & cætera.

Quod reputatur quintò inconcinnum, immensam adeò habere illam Fixarum à Terra distantiam, ut totus iste magnus orbis puncti instar habendus sit;

Respondent, Cùm nulla sit ratio, nec sensu facta observatio, quæ eam minorem esse convincat, & ex ipsa aliunde suppo-

supposita Phænomena omnia concinnius salventur, quam  
dum minor, juxta vulgarem opinionem, supponitur; ideo  
non videri eam jure inconcinnam existimari.

Nam quòd vastitas quidem tanta reputetur superflua,  
videri illos qui ita sentiunt esse summi Opificis magnifi-  
centiæ injurios, dum non capientes quorsum Deus tam  
amplum Mundum fecerit, ejus potentiam sapientiamque  
ad sui captus &, ut sic dicam, ad suæ parsimonie angustias  
deducunt.

Quòd demum, fore ergo Solem quavis stellâ Fixâ con-  
spicuâ minorem, quando si totus magnus orbis conspici à  
Fixis ob sui exilitatem non possit, longè fuerit minùs con-  
spiciundus Sol, habitus duntaxat quasi ejus centrum;

Respondent, posse tamen Solem minorem non esse: &  
minorem licet, posse tamen adhuc ex ipfa Fixarum regione  
videri: quòd ut lucernæ flammula procul à tenebris con-  
specta in amplissimam speciem dilatatur, ita per tenebras  
nocturnas dilatentur disculi stellarum, qui absque tali di-  
latione essent punctula merè inconspicua.

Quare & futurum ut Sol perinde amplificaretur spe-  
ctatus è tenebris, efficereturque stellæ instar conspicuus;  
utcumque absque amplificatione hujuscemodi evasurus es-  
set punctulum planè inconspicuum.

## C A P. IX.

### *Quid ad ea quæ ex Physica.*

JAM ex Physicis illud primum est, Quòd infimus locus,  
quale Mundi centrum sive medium est, corpori omni-  
um gravissimo, qualis est globus Terræ, debeatur.

Sed respondent primùm, ex mente Platonis, dari qui-  
dem in Mundo extreum & medium; verùm non idcir-  
co extreum Supremum, neque medium Infimum censi. Quippe supremum & infimum dici duntaxat comparatè,  
sive

sive respectu habito ad situm partium animalis, hominis  
verò maximè; cui, ubicumque in Mundo sit, illud est su-  
perius sursumve quod est ultra caput, & illud inferius de-  
orsumve quod est ultra pedes.

Deinde, Terræ quidem partes esse dicive posse graves  
quatenus ad Terram, ut ad totum cuius incolitas ex uni-  
one partium dependet, feruntur: at totam Terram secun-  
dum se neque gravem esse neque levem magis quam Lu-  
nam, Venerem, aut quemlibet alium cœlestium globorum,  
quorum partes similiter, si quapiam vi distractæ fuerint,  
suum quæque globum pari jure repetent, & poterunt  
graves perinde censeri.

Ad hæc, dari quidem in Terra centrum sive medium,  
versus quod ex accidenti gravia ferantur, (ex accidenti, in-  
quam; nam per se feruntur duntaxat versus Terræ cor-  
pus, cui uniri appetunt, faciūntque interim id per brevis-  
simam lineam, quam simul contingit respectare centrum)  
at non idcirco Terræ centrum idem esse cum centro Mun-  
di: possèque adeò gravia, ubivis in mundo Terra fuerit,  
rendere versus ejus centrum.

Secundò illud, quòd simplici corpori, cujusmodi est Ter-  
ra, unicus simplex motus conveniat: quare cùm Terræ  
competat rectus, ipsèque deorsum, (ut motus partium in-  
dicat) non competere circularem.

Sed respondent, Falsum imprimis id esse ut Terra sim-  
plex corpus sit, quod experientia docet potius esse ex re-  
bus adeò heterogeneis variè commixtum.

Deinde, Nè corpori quidem simplici repugnare varieta-  
tem motuum, modò ii non sint in partes simul oppositas,  
verùm sint ex iis qui in eandem partem regionémve con-  
spicerent; quemadmodum dictum jam est de globo supra  
planum voluto.

Ad hæc, Non idcirco competere toti quod ejus parti  
competit, si ut pars est competit ipsi; alioquin enim totus  
homo deberet esse orbicularis, quòd ejus caput tale sit:  
quare & non ex eo quòd partes Terræ rectâ feruntur, opor-  
tere rectâ ferri totam terram; quando motus rectus parti-  
bus

bus ejus competit ut cum ea uniantur, Terra autem tota unionem cum alia re non appetit.

Postremò, Tametsi partium Terræ motus rectus sit proprius, ipsis tamen simul competere motum totius, hoc est circularem, quatenus dum cadunt unà interim transferuntur; eo modo quo manui, præter modus proprios, sursum, deorsum, prorsum, retrorsum, in gyrum, &c. competit simul motus corporis totius, cum quo incedente interim transfertur.

Tertiò illud, quòd Terra motu adeò rapido dissiparetur, nōsque ipsi adeò rapidè translati aërem à nobis proscissum, effectūmque quasi ventum intolerabilem, non ferremus.

Sed respondent, primùm, pollere Terram magneticā vi, quâ terrena omnia revincta contineat, (eo scilicet modo quo Magnes magnetica omnia, ut frusta magnetis ac ferri) & terrena eo modo attracta dici gravia, non tam insitâ qualitate, quâm impressâ à Terra virtute; levia autem censerî ea quæ minùs sunt gravia, minùsve trahuntur, ac cedunt locum gravioribus; non ut omnino distrahantur, sed solùm ut sint remotiora sive exteriora, & cum propinquioribus interioribüsve per intermedia cohæreant.

Deinde, non ideo dissipari Terram, quòd quemadmodum partes sui omnes ab intimis ad extimas usque magneticā vi continet, ita moveat sese & convehat ipsas velociter quidem, sed uniformi tamen & æquabili placidoque, motu; non autem ita ut vel subsultet, vel impingatur in aliquid, à quo succussa partes exturbet peilitatve à se, aliisque & citius quâm quod ipsa tendit præjiciat.

Ad hæc quod Aér quoque sit, ex antedictis, terrenæ materiæ, & solidiorem ipsum globum lanuginis instar circumvestiat, ideo ipsum unà cum Terra ita circumferri, ut nos intra ipsum degentes, unâque translati, eum non profindamus, neque quasi ventum factum præsentiamus.

Et denique tamen, quoniam Aér fluxibilioris est substantiæ, neque tam velociter ab ripitur ac solidus interior globus, hinc esse videri, cur sub Äquatore & circiter ipsum, quâ motus Terræ in ortum velocissimus est, aer sic resistat, inque occasum

occasum veluti eat, ut Nautæ illum quasi ventum & indesin-  
tentem & æquabilem experiantur.

Nè quidpiam dicatur de Mari, quod ob sui quoque flu-  
xibilitatem nonnihil retardatum fluat, & ex sui cumulatio-  
ne objectûve littorum refluat, ut paulò antè attigimus.

Quartò illud, quòd nullum corpus aut sursum emissum,  
aut supernè demissum, ad perpendiculum caderet, si dum  
esset per aërem, locus Terræ cui immineret perinde sub-  
duceretur ac emissæ sursum sagittæ, dum navis transfertur,  
subducitur puppis è qua emissa fuerit.

Sed respondent primùm, Falsum esse sagittam sursum  
directè è puppi emissam in puppim non recidere; utcum-  
que id haec tenus fuerit, sed ab inexpertis scilicet, objectum.  
Nempe causam esse, quòd navis motum suum imprimat re-  
bus omnibus quæ ipsâ vehuntur, ac ipsarum interventu  
mobilibus omnibus quæ mittunt aut dimittunt ipsa. Et ex  
hoc fieri, ut dum arcus motum sagittæ imprimat sursum,  
imprimat simul motum prorsum, quem ipse interim à navi,  
aut ab homine ab eadem navi transvecto, habet; sicque  
sagitta dum est per aërem immineat semper puppi, & in  
eam tandem recidat, propter hujuscemodi motum.

Simile porrò esse, non modò dum quis è pterna, seu pede  
mali, lapidem projicit in carchesium, verum etiam dum la-  
pidem è carchesio demittit in pternam. Is enim lapis neque  
demissus ex parte puppis à malo deseritur, neque demissus ex  
parte proræ à malo attingitur; sed perinde in pternam ac si  
navis quiesceret cadit. Nimirum quia licet demittens nul-  
lum motum sibi proprium adhibeat, imprimat tamen gene-  
ralem quem habet à navi malo intercedente impressum:  
ex eoque fit, ut demittens ex parte puppis lapidem, tan-  
tundem ipsum versus malum interim aufugientem retrahat  
quantus est motus ipsius mali; & demittens ex parte  
proræ, tantundem ante malum interim prosequentem  
conjiciat quantus est motus ejusdem mali.

Itaque exemplum objectum ita posse retorqueri, ut pa-  
ri modo Terra motum suum imprimat rebus omnibus à se  
vectis; ac lapidem emissum sursum idcirco in eundem Ter-  
ræ

ræ locum recidere, quòd projiciens ipsi non tantùm propriam imprimat vim quâ adigit sursum, verùm etiam vim quam habet à Terra, & propter quam lapis tantundem quantum ipsa Terra transferatur prorsum; sicque, dum est in aëre, eundem semper locum respectet, & in eundem cadat.

Quo eodem modo è Turri demissus in locum cui imminet cedit; quòd licet demittens motum sui proprium non adhibeat, motum tamen imprimit qui sibi sit à Terra, turri intercedente, impressus.

Deinde, ut motus sagittæ, lapidisve è navi emissi aut demissi, non est reipsâ rectus, sed inflexus, & secundùm lineam quam dicunt Parabolicam; ac appareret tamen iis omnibus qui in navi sunt rectus seu perpendicularis, quoniam oculus non percipit motum quo vehitur ipse, quiq[ue] est communis sagittæ ac lapidi, sed illum duntaxat qui præterea imprimitur: sic motum lapidis è Terrâ sursum missi, aut è turri demissi, non esse quidem reverâ rectum, sed esse per spatia Mundana admodum inflexum, & Parabolas aperi-  
tissimæ; ac apparere tamen rectum sive perpendiculararem omnibus à Terra convectis, quoniam pari modo oculus non percipiat motum quo ipse interim à Terra transfertur, quiq[ue] communis lapidi etiam est, sed aliud solum qui præterea lapidi aut à projectore, aut à gravitate attracti-  
onéve, fuerit impressus.

Id solum discriminis esse, quòd aliqui possint extra navim consistere, qui motum nautis perpendiculararem visum observent inflexum; at nemo extra Terram figere pedem valeat, ut inflexum deprehendat illum qui videtur ipsis Terricolis perpendicularis.

Quintò illud, quòd globus bombardicus in occasum explosus longius tenderet, tanquam machinâ in ortum simul recedente, explosus verò in ortum minus spatii conficeret, tanquam machinâ in ortum simul consequente; ac rursus explosus in Austrum vel Boream, tantundem semper aberraret à scopo quantum scopus, dum globus esset per aërem, ferretur in ortum.

Sed

Sed respondent primū, Ut duo Pilâ colludentes supra navis transtra parem quidem vim, quantum est ex se, pilæ imprimunt, unde & habito respectu partium navis, tantum spatii peragit pila versus proram quantum versus puppim ; verùm qui est ex parte puppis adjicit proprio motum navis, & qui est ex parte proræ subducit ; ac sit exinde, ut missa pila in proram tantum præterea spatii aërei conficiat, quantum collusor à prora interim abducitur dum pila est per aërem, & missa in puppim tanto minus conficiat, quanto, dum pila est per aërem, collusor à puppi versus eam accedit : Pari prorsus modo, si sint duæ machinæ, altera ad ortum, altera ad occasum, ad se invicem paribus viribus collineantes, tantundem spatii ab exploso ex utraque globo supra superficiem Terræ confici ; quoniam licet globus explosus in ortum habeat superadditam à Terra vim, explosus in occasum subductam, interim tamen quæ machina explosit in ortum, tantundem globum consequitur quantum ipsi motûs à Terra accepti impressit, & quæ explosit in occasum, tantundem à globo abducitur quantum ipfi motûs à Terra accepti subduxit ; sicque compensatione additionis & subductionis factâ, globus perinde supra Terram motam ac supra quietam promovetur.

Deinde, globum sive in Boream sive in Austrum directum, perinde attingere scopum ac si Terra acquiesceret ; quod dum & machina & scopus versus ortum feruntur, ferratur simul & globus per aërem trajectus, ob superadditam à Terra vim : ex qua efficitur ut hæc tria, machina, scopus, globus, intra eandem rectam semper contineantur.

Postremò illud, quod nubes, aves, aliaque in aëre suspenfa, apparerent semper rapidissimè ferri in occasum.

Sed respondent, primū, Ut qui per transtra navis salit, non modò motum sibi proprium, donec per aërem est, habet, verùm etiam motum impressum à navi, quo una cum navi transfertur, quamcumque in partem motu proprio saliat : Ita volucrem v.c. dum supra Terræ superficiem ac per aërem volitat, habere præter motum proprium etiam generalem à Terra impressum, quo una cum ipsa trans-

transfertur, quamcumque in partem ipsa interim volitet, aut quomodocumque in aëre hæreat suspensâve videatur. Quod idem proportione de nube cæterisque dicendum est.

Deinde, sicuti salienti per transtra navis tunc motus navis imprimitur cùm ejus pedes attolluntur; ita motum Terræ tunc imprimi avibus cùm primùm è Terra, arbore, aliâve re Terræ hærente, simulque translata, assurgunt; repeti autem ac veluti inculcari, quoties volucres, nè ad perpendicularum seu in locum Terræ cui imminent cadant, alis aërem verberant. Nempe aër etiam cum Terra translatus fulcimenti loco est, cui illæ innixæ motus suos instaurent; ut esse possunt scamna transtris imposita, per quæ ille dissultet.

Denique, ut res melius concipiatur, considerandos esse pisces intra aquam cuppâ contentam quam transferat navis. Quippe ut pisces unâ cum aqua motu generali navis transferuntur, & interim tamen perinde aut hærent, aut huc illuc variè moventur intra cuppam, ac si aqua quiesceret, neque cum navi transvehetur; sic aves, & quæcumque alia in aëre sunt, ita motu Terræ generali transferuntur, ut perinde aut hærent, aut quolibet versum per aërem moveantur, ac si aër quiesceret, neque cum Terra transferretur.

## C A P. X.

*Quid ad ea quæ ex S. Scriptura.*

**Q**UÆ demum loca Scripturæ sacræ objiciuntur, ejusmodi sunt ut videantur quietem Terræ partim expressè asserere, ut illa, *Terra in æternum stat;* &, *Fundasti Terram super stabilitatem suam,* &c. vel tacite, quatenus motus non Terræ sed Soli tribuitur, ut illa, *Oritur Sol & occidit;* & *Regressus est Sol decem lineis;* & *Sol, contra Gabaon nè movearis,* &c.

Verùm respondent illi imprimis, Scripturæ sacræ scopum non esse ut homines aut Physicos aut Mathematicos efficiat, sed ut pios, & ad salutem seu gratiam gloriā-

que supernaturalem comparatos reddat. Quare & loqui eam de rebus quatenus apparent omnibus vulgo hominibus; ut quoniam sua salus omnium interest, intelligi ab omnibus possit.

Parùm curare ipsam proinde quales res in se & reverâ sint, cùm erudiendis alioquin ad salutem hominibus vulgares de rebus notiones sufficient. Nempe, nisi pleraque loca hoc modo exposuerimus, hoc est, dixerimus Scripturam ad vulgi captum se demississe, Scriptoresve sacros sese temperâsse accommodâsséque rudi populo, futuros nos procul à germano sensu quo Spiritus sanctus intelligi voluit.

Ac nè longè ab argumento quod sit præ manibus abeat, Reputare Scripturam sacram parùm interesse Terrâne cum Cœlo collata punctum sit annon: ac ideo de Cœlo Terrâque, ut de duabus Mundi partibus insignibus, loqui; quoniam tales esse videantur, dum Cœlum ut fornix, Terra ut tabulatum Mundani ædificii appetet. Ac rursus, parùm interesse minimæne stellæ in Firmamento lucentes majora sint luminaria quàm Luna annon: atque idcirco loqui de Luna ut de luminari secundùm Solem magno; quoniam Luna, utcumque minor minúsque in se lucida quàm stellæ, ob viciniam tamen & major & ampliore luce illustrans appetet.

Eodem ergò modo Scripturam reputare parùm referre Terrâne moveatur, Sol verò quiescat, annon; ac propterea loqui de Terra ut quiescente, quoniam quiescere, & de Sole ut moto, quoniam moveri nulli non appetet.

Quare & posteriora quidem illa loca paucis expediri. Sapientem scilicet, cùm dixit, *oriri Solem & occidere*, contendisse solùm significare vicissitudinem in ortu occasu-que Solis apparentem, seu foret deinde Terrâ, seu Sol, cuius motu contingaret. Et Prophetam, cùm dixit, *Solem regressum decem lineis*, aliud nihil voluisse quàm quòd apparuisset intelligi, seu Solis, seu Terra fecit regressio. Et Patriarcham, *Solem non moveri cùm jussit*, id solùm curâsse, ut Sol appareret supra Terram consistere, seu Sol demum

demum foret, seu Terra, cuius statu id præstaretur.

Posse addi circa priora, intelligenda illa videre non de eo statu qui motui, sed de eo qui exsolutioni corruptioniæ opponatur.

Et cum verba præsertim illa, *Terra in æternum stat, in ore sint omnium, adnotandum esse locum integrum his existare verbis, Generatio præterit, & generatio advenit; Terra autem in æternum stat.*

Nimirum, ut dum cereæ massæ sigilla varia applicantur, figurentes variæ fiunt, & dum aliæ prætereunt, aliæ adveniunt, seu figurarum aliæ abolentur, aliæ in vicem earum succedunt, massa tamen ceræ non corrumpitur, seu nec minuitur nec augetur, sed perseverat eadem: ita videri intelligendum; licet ab usque Mundi initio factæ sint in Terra, ac etiamnum fiant, & faciendæ deinceps sint, generationes variæ, non idcirco tamen, dum generationes prætereunt & adveniunt, seu aliæ formæ terrenorum corporum dispereunt, aliæ in ipsarum locum inducuntur, ipsam Terræ massam corrumphi, augerive, aut minui: sed etiam constanter perstare, ac tantam adhuc esse, futuramque in posterum, quanta ab usque initio fuit.

Itaque cum ista videatur loci præsertim celebris interpretatio esse germana, videri ex ipso Terræ assertio non tam in loco consistentiam, quam in integritate constantiam.

Urgeri hic solet Sententia Congregationis Cardinalium Inquisitioni præfectorum, qui in Galileo opinionem hanc de motu Terræ damnaverint.

Respondent verò Orthodoxi (nam Heterodoxi rem breviūs conficiunt) sententiam illam fuisse specialem, seu Galileum sic attinentem, ut habere adversus ipsum speciales causas potuerit, adversus alios non valituras. Addunt sententiam quidem illam permagni esse ponderis; sed non ideo tamen necessariò habendam ut articulum fidei, cuiusmodi habentur qui sunt à Conciliis generalibus constituti. Subjiciunt, non videri eam, saltem quoisque promulgata, hoc est, præscripta legitime, ut dogma quod-

dam Fidei, fuerit, Fideles omnes obligare. Tandem profitentur, si semel præscripta legitimè fuerit, se ad recantandum esse comparatos.

Et sic illi quidem tueri se solent.

## C A P. XI.

*Quid de Siderum à Terris distantia & magnitudine definiunt.*

CUM partim ex rationibus, partim ex exceptionibus responsionib[us]ve Copernicanorum, perviderimus ut illi conentur omnia salvare Phænomena; vix quicquam aliud hic superest, quam ut paucis commemoremus quam Sideribus à Terra distantiam, quam magnitudinem singulis attribuant.

Et Copernicus quidem ipse dicere contentus Sphæram regionemve Fixarum adeò à Terris esse distantem, ut comparatus ad ipsam Magnus orbis tanquam punctum habendus sit, mensuram præterea non adhibuit quâ specialius quid de hac distantia pronunciaret. Contentus etiam de Solis ac Lunæ magnitudine dicere (Solem nempe esse maiorem Terræ vicibus 162. ferè, & Lunam 43. proximè) nihil de Siderum aliorum, sive Errantium sive Inerrantium, magnitudine consimile dixit.

Verùm succurrit ante annos quindecim Philippus Lansbergius, qui, ut Planetarum distantiam magnitudinemque comparatè ad Terram definiit, ita Fixarum tum distantiam tum magnitudinem designavit comparatè ad Magnum orbem, quem & Sphæram Terræ appellavit.

Quod itaque primùm ad Distantiam spectat, de Planetis quidem hunc in modum statuit.

Distantia mediocris quā absunt à Terra	Luna	est terrena- rum semidi- ametrorum	59
	Mercurius		1500
	Venus		1560
	Sol		1500
	Mars		2275
	Jupiter		8091
	Saturnus		14880

De Fixis vero, suppositâ semidiametro Magni orbis terrenarum semidiametrorum 1500, supposuit quoque Fixarum stellarum ad Magnum Orbem Parallaxin vix unam octavam aut nonam minuti partem excedere; ac proinde edixit Fixas, Fixarumve sphæram, abesse à Terra semidiametris Magni orbis 28000, seu mavis semidiametris Terrenis 42000000.

Quod deinde ad ipsam Magnitudinem attinet; Supposuit primū circa Planetas esse apparentes diametros, Lunæ quidem minutorum ferè 33, Solis fere 35, cæterorum non aliam quam quæ superius ex Albategnio Alphraganoque recensita est.

Circa Fixas autem, propter telescopium, quo spuria ab ipsis rescinditur lux, minores earum diametros quam vulgo putarentur habuit; nimirum stellarum I. magnitudinis minuti I, II. secundorum 40, III. 30, IV. 20, V. 10, VI. 4.

Unde & de magnitudine Planetarum sic censuit:

Sunt	Luna	minores	45 $\frac{1}{2}$	vicibus quam Terra.
	Mercurius		12	
	Venus		3 $\frac{1}{2}$	
	Sol	major	434	
	Mars	minor	8	
	Jupiter	majores	25 $\frac{5}{6}$	
	Saturnus		46 $\frac{1}{2}$	

## De Fixarum verò magnitudine sic:

Sunt	I	majores	67	vicibus quām Magnus orbis.
Fixæ	II		20	
Magni-	III		8	
tudinis	IV		2 $\frac{1}{2}$	
	V	minores	3	
	VI		25	

Ita scilicet correctione numeris ejus adhibitâ; cùm priùs edidisset stellas Magnitudinis I. excedere orbem Magnum vicibus 20053, II. 5935, III. 2506, IV. 744, V. 92, VI. 11.

Porrò, quia non modò stellæ Inerrantes, sed Errantes etiam, intercedente telescopio, deprehenduntur diametro minore quam vulgò habeantur; idcirco Martinus Hortensius, Discipulus Adjutörque Lansbergii, admonitus factâ à nobis observatione Mercurii commemoratâ superiùs, & quibusdam præterea aliis, supposuit imprimis stellarum Errantium apparentes diametros esse, Mercurii quidem secundorum 19, Veneris 59, Martis 36, Jovis 50, Saturni 37; ac tum de illarum magnitudine ita pronunciavit:

Sunt	Mercurius	minores	6510	vicibus quām Terra.
	Venus		1109	
	Mars		1534	
	Jupiter	majores	1 $\frac{1}{2}$	
	Saturnus		2 $\frac{1}{2}$	

Supposuit verò diametros stellarum inerrantium esse, Sírii quidem, seu Canis majoris, præter ordinem positi, secundorum 10. & cæterarum magnitudinis I. secundorum 8. II. 6, III. 5, IV. 4, V. 3, VI. 2; ac tum Sírium habuit Magno orbe minorem vicibus 3 $\frac{1}{2}$ , & cæteras fixas itidem minores, ut consequitur.

Sunt Fixæ Magnitu- dinis	I	minores	$\frac{6}{3}$
	II	magnō orbe	15
	III	vicibus	$1\frac{5}{2}$
	IV		50
	V		122
	VI		412

Quinetiam, quia supposuit quoque assumi posse (utì as-  
sumptum à Lansbergio jam fuerat) Fixarum parallaxin ad  
Magnum orbem secundorum 30. atque adeò assumi ipsa-  
rum distantiam semidiametrorum Magni orbis 6875. id-  
circo deduxit posse speciatim Sirium haberi Magno orbe  
minorem ducenties decies septies, & cæteras Fixas consi-  
milter, hâc ratione.


Sunt Fixæ magnitu- dinis	I	minores	422
	II	magnō orbe	1012
	III	vicibus	1725
	IV		3385
	V		8245
	VI		27826

Verūm hac de re nimis multa.

## C A P. XII.

*Quale Mundi Systema sit quod Tycho Braheus  
induxit.*

**E**X iis quæ de Copernici Systemate dicta jam sunt, in  
promptu est illud intelligere quod Tycho Brahe, nobis  
Danus, novusque Hipparchus, inclinante jam seculo  
superiore invexit. En cuiusmodi ipsum proposuerit.



Cernere nimirum in eo primū licet, esse firmamentum seu Sphærām Fixarum partem Mundi extimam, intimam verò occupantēmve ipsius centrum esse Terram; ac in interstitio collocari Planetas, qui motus illic suos obeant per libertima, hoc est fluidissima, spatia.

Nimirum Tycho maximè fuit qui solidas sphærās confregit deturbavitq; ex æthere, postquam Cometas tracicere per ætherea spatia ut observavit, sic demonstravit primus, ac Mercurium & Venerem ultra ac citra Solem ferri comprehendit; aliāq; hujusmodi: interim autem censuit fusam esse per illa spatia tenuissimam quandam & purissimam fluxibili-

lissimamque substantiam, quam & dixit Auram ætheream.

Deinde, Tria quædam mobilia ferri circa Terram tanquam circa centrum : Lunam quidem proximam motu menstruo ; Solem remotiorem, & quasi medium motu annuo ; Firmamentum, seu Sphærarum Fixarum, remotissimam, motu illo lentissimo viginti quinque millium annorum.

Ad hæc, quinque Stellas Errantes motus speciales circa Solem tanquam circa centrum obire ; Mercurium scilicet trimestrem, Venerem octimestrem, Martem biennem, &c. & eā quidem lege ut Sol annuo motu Zodiacum percurrentes illos omnes circumvehat ; ac ipsi interim Mercurius & Venus suis circa illum revolutionibus non complectantur Terram, complectantur autem suis Mars, Jupiter atque Saturnus, & Mars speciatim fiat interdum Terræ propior quam ipse Sol.

Postremò, cùm nullam hīc fieri motūs diurni mentionem videas, intelligendum esse videtur, tria illa eadem Mobilia, Lunam, Solem, Sphærarum Fixarum, dum suis illis motibus secundūm Zodiacum feruntur, volvi interim dietim in occasum, veluti per se ; quinque autem stellas Errantes, præter motus proprios circa Solem & secundūm Zodiacū, ferri etiam dietim in occasum, non per se, sed traductas à Sole, qui sit ipsis vice primi Mobilis. Necesse est nempe, ut cùm Sol eas omnes sibi quasi auriga revinctas contineat, easdem dietim circa Terram cui ipse circumducitur circumgestet.

Dixi porrò Systema hoc posse ex deductis de Copernicano perfacile intelligi ; quoniam si loco circuli per Solem transeuntis ducatur alius per Terram transiens, (qualem punctatum adjecimus) eādem distantiā inter Solem & Terram pro semidiametro retentā, & aut Planetaria compages aut Fixarum Sphæra tantisper emoveri sic intelligatur, ut Saturni circulus ex æquo à Fixis undiquaque distet, habebis omnino quale antè est ex Copernico Systema descriptum.

Quippe erit tum Sol in medio sive centro Systematis ; circumducentur ipsis proxime Mercurius & Venus, remotius

tiùs Mars, Jupiter & Saturnus ; in medio verò intervallō reperietur Terra cum circumducta sibi Luna. Adeò proinde ut Copernicus censeri non injuriā præivisse Tychoni possit, & Tycho nihil aliud quām Copernici invertisse Systema videatur.

## C A P. XIII.

*Quibus rationibus adductus illud excogitaverit.*

**A**C receperat quidem Tycho se pluribus Systema hoc declaraturum probaturumque in Opere quod destinārat de Instauratione Astronomiæ elucubrare : verumtamen morte præventus rem præstare non potuit ; ac scriptum duntaxat reliquit, se fuisse permotum ut illud tale adinveniret, tum quòd tolerari neque Ptolemaïcum neque Copernicanum posset, tum quòd juxta ipsum Phænomena omnia quām aptissimè salvarentur.

Objecit autem Ptolemaïco tum cœlestium orbium distributionem inconcinnam ; tum assumptionem supervacaneam tot tantorumque Epicyclorum, salvandis Retrogradationum Stationumque Phænomenis ; tum peccatum illud contra artis principia, quòd in ipso circularis motū æqualitas non circa proprium, sed circa alterius Excentrici (Æquantis nimirum) centrum admittatur. Nè quidpiam de soliditate Sphærarum cœlestium adjiciam, quam cum nuperis observatis stare non posse idem perdocuit.

Copernicano verò objecit potissimum tria. Unum, quòd tametsi in eo scitè admodum præcaveantur quæ superflua dissentaneaque in Ptolemaïco habentur, ac nihil reipsâ adversus principia Mathematica delinquatur ; admittatur tamen absurditas illa contra principia Physices, quòd Terram cùm sit grossum, inquit, pigrum, inhabileque ad movendum corpus, haud dissolutiore tenore motū (illiisque etiam triplicis) quām ætherea illa Lumina agitari statuit. Alterum, quòd proinde Sacris aduersetur Literis aliquoties ipsius

ipsius Terræ stabilitatem confirmantibus. Tertium, quod illam capacitatem inter orbem Saturni & octavam Sphæram esse propemodum immensam, & Sideribus tamen prorsus vacuam, supponat.

Postremò autem in sui gratiam illud præsertim commoravit, quod, devitatis omnibus hujusmodi incommodis, dum Sol annuo motu Zodiacum perlustrat, ac interim quinque Planetæ ipsum comitantes suos circa illum motus peragunt, salventur exinde absque ullis Epicyclis Phænomena illa Stationum Retrogradationumque præcipua, ac declaretur cur Mercurius & Venus tam parùm à Sole digredi appareant, cur Mars, Jupiter & Saturnus ipsi interdum opponantur, (Terrâ scilicet interceptâ) cur tunc proximè Terram transeant, & specie maximè grandescant, cur in supputandis singulorum motibus motus Solis simplex committus semper reperiatur; & quæ sunt alia hujusmodi.

Quod spectat verò ad reliquas inæqualitatis apparentis differentias, quas veteres per Excentricos & Aequantes, Copernicus per Epicyclum in circumferentia Excentrici, salvârunt, dixit eas quoque facile posse in sua salvari Hypothesi, sive per Circellum in orbe circa Solem Excentrico, sive per duplicem Circellum in quopiam orbe Concentrico; ut se pleniùs explicaturum in affecto illo Opere promisit.

## C A P. XIV.

*Quâ ratione id à Tychoonis Sectatoribus propugnetur.*

CUM porrò his jam temporibus eam esse Planetarum dispositionem constet, ut necesse planè videatur aut Copernicanum aut Tychonicum Systema esse verum, idcirco sunt plures (imo penè omnes aliunde aversati Copernicum) qui, improbatis Veterum Hypothesibus, Tycho nem sequantur, partim inducti nominis observationumque cœlestium ab ipso peractarum famâ, partim persuasi constare

stare semper quicquid Copernicani respondeant, quæ objecta superiùs sunt tum ex Astronomia, tum ex Physica, tum potissimum ex sacra Scriptura.

Et quia tamen illis quoque difficultates variæ opponuntur, idcirca ita illis occurunt, ut vices eorum suppleant quæ Tycho fortassis fuisset responsurus.

Nam primùm quidem objicitur, absurdum esse uni corpori duos per se motus tribuere, quales scilicet attribuuntur Lunæ, Soli ac Firmamento, dum afferuntur speciales circuitus secundum Zodiacum, seu versus ortum peragere, & interim tamen diurnâ revolutione ferri in occasum.

Verùm respondent aliqui, non ideo his tribus, cui libet ve ipsorum, competere duplē motū; sed competere unicum, ipsumque spiralem, ac versus occasum. Res intelligitur ex iis quæ dicta superiore libro circa Hypotheseon varietatem sunt. Adnotandum solum, debere proinde ferri ipsam Fixarum Sphærām velocissimè omnium in occasum, ac spiras describere confertissimas attiguásque; Solem moveri segniùs, & laxiores spiras describere; Lunam moveri segnissimè, & describere laxissimas spiras. Hinc autem fieri, tum ut Sol diebus singulis uno gradu, & Luna tredecim, retardatior quam Fixæ moveri in ortum videantur; tum ut Sol anno uno, & Luna uno mense, excursus in Boream & in Austrum sic peragant, ut sub Fixis circuitio nem compleant.

Cum dicere verò hi nequeant, cuius respectu ipsum Firmamentum censeatur pariter in Boream & in Austrum excurrere: ideo respondent alii, admittendam esse supra Firmamentum primum Mobile, quod dietim revolvat Firmamentum versus occasum; ac ipsum interim Firmamentum proprio sibi motu moveri in ortum secundum Zodiacum, ac pro illius obliquitate tendere in Boream & Austrum. Nempe necessariam aliunde supra Firmamentum esse aliam Sphærām, cui inesse intelligantur Dodecatemoria, immobiliæ Zodiaci Signa, donec mobilia seu Asterismi secundum illius ambitum discurrunt.

Secundò, perquam incongruum esse, Firmamento, aut

ctiam

etiam ulteriori Primo mobili, existenti tanto tamque procul abducto, diurnum motum tribuere, qui & celeritatis incredibilis sit, & utilis esse non possit ad circumducendum Planetarum Sphæras, ut quæ Solidæ nullæ sint, neque ideo abripi possint.

Verum respondent, neque Firmamentum, ulteriùsve etiam mobile, tantæ esse vastitatis quantam fingit Copernicus; neque ejus motum, celerrimum licet, reputandum esse incongruum, quod ipsi moli corporis congruat: ac, ut motus ille quod Equus spatium conficit, non est habendus respectu ipsius incredibiliter celer, qui incredibiliter celer foret respectu Formicæ & Testudinis, si tempore eodem idem spatium perageret; ita reputari non debeat supra omnem fidem celer motus in Firmamento ulteriore sphæra, qui possit tamen in parvo globo hujuscemodi reputari.

Quod subjicitur vero de impressione, quæ non possit mobilibus Firmamento inferioribus ob interceptorum spatiorum fluiditatem fieri, aut talem nullam impressionem esse omnino necessariam, si motus quidem inferiorum mobilium secundum spiras fieri censeantur; aut etiam tam posse impressionem ipsis Planetarum globis fieri, etiam seclusis solidis sphæris, & per spatia liberrima, quam fieri ab ipsis Copernicanis admittitur, dum radiis à Sole emissis circumagi posse Planetas in liquidissimo æthere pariter versantes admittunt.

Tertio, inconcinnum est admodum, compaginem illam Planetarum totam dietim veluti luxari, tum circa ipsam Terram, tanquam circa centrum non suum, tum sub ipsa Fixarum sphæra, à qua inæqualiter absit, seu cui concentrica non sit.

Verum respondent, nihil esse posse in eo opere inconcinnum quod sapientissimus Opifex depositit. Quippe neque fieri ullam luxationem, cum Planetæ à Sole circumducuntur circa centrum non suum, ut reputari posset si quapiam gravitate distraherentur, & pars major compaginis ex una Terræ parte, ac pars minor ex alia non possent

velut

velut æquilibrari : neque à nemine non admitti esse Planetarym circuitus respectu sphæræ Fixarum Excentricos, cùm & aliunde ipsa Planetarym compages ita circa Terram dietim revolvatur, ut quælibet ipsius pars concentricum illi circulum describat.

Non esse verò (quod præterea urgeri potest) insolens, Planetas, donec circa Solem speciales motus abeunt, adeo interim detorqueri, ut abducti motu rapidissimo adigantur ad peragendum diurnas illas circuitiones ; quippe & secundum Ptolemaicos, Planetas proprios obeuentes motus à mobili interim alio diverti atque abripi, & secundum Copernicanos, ipsam speciatim Terram, dum motu sibi proprio circumducitur, deduci interim abripique alio à Sole per radios emissos impresso. Quo modo quoque & ipsam Lunam, dum Terræ circumducitur, simul cum ipsa interim per Zodiacum à Sole transferri ; & Planetas etiam Lunulásque Joviales, dum ipsi Jovi circumferuntur.

Postremò, esse prorsus improbabile, inane esse illud tantum inter Venerem Martémque interstitium ; & spatio tanto habito, non posse adhuc Martem eatenus abduci, ut ipsius circuitus non interficeret circuitum Solis.

Verùm respondent, Ut Conditor Mundi fecit interstitia Fixarum adeo inter se inæqualia, sic fecisse illum nt spatia inter Planetas inæqualia forent. Nempe varietate res gaudent, & Mundi perfectio in ea sic consistit, ut deberet potius videri improbabile, nisi talis varietas in rebus naturæ observitaretur.

Sectionem porrò illam circuitū Solis à circuitu Martis nulli esse obstaculo, tum quia hujusmodi circuitus per liberrima spatia sunt, ac mente duntaxat cernuntur ; tum quia non possunt unquam Sol & Mars sibi ad ea loca invicem occurrere, quoniam Mars in ipsis non est nisi dum est Acronychus, seu circiter ipsam sui cum Sole oppositionem.

Et sic illi quidem sententiam defendunt.

## C A P. XV.

*Quæ sit juxta ipsum Distantia & magnitudo Siderum.*

**S**uperest coronidis vice, (cùm Tycho non modò improbârit vastitatem illam ingentem Copernicani Systematis, sed Systema quoque Ptolemaïco longè angustius invexerit, supereft, inquam) pervideamus quid opinatus fuerit non modò de distantia & magnitudine Planetarum, sed etiam de distantia & magnitudine Siderum Affixorum.

Quod ad Planetas itaque spectat, postquam ipsorum parallaxes quantum licuit venatus est, talem pronunciavit cujusque (dum versantur circiter medias longitudines) à Terra distantiam.

Distantia mediocris quâ absunt à Terra	Luna	est terrena- rum semidi- ametrorum	5 $\frac{1}{2}$
	Mercurius		1150
	Venus		1150
	Sol		1150
	Mars		1745
	Jupiter		3990
	Saturnus		10550

Et postquam studiosè observavit, quantûmque (telescopio nondum adinvento) exquisitè potuit, apparentes singulorum diametros ita definivit;

Diameter apparens in distantia mediocri,	Lunæ	est minuto- rum	3 $\frac{1}{2}$
	Mercurii		2 $\frac{1}{6}$
	Veneris		3 $\frac{1}{4}$
	Solis		3 $\frac{1}{1}$
	Martis		1 $\frac{1}{4}$
	Jovis		2 $\frac{3}{4}$
	Saturni		1 $\frac{1}{6}$

Tum magnitudinem cujusque, ut consequitur, pronunciavit.

	Luna	{ minores	} 42	19	6	vici bus quam Terra.
	Mercurius					
	Venus					
Sunt <	Sol	{ major	} 139			
	Mars	{ minor		13		
	Jupiter	{ majores		14		
	Saturnus			22		

Ad Fixas verò quod attinet, postquam attendit debere eas esse evectiores Saturno, non modò cùm est in distantia mediocri, qualis recitata jam est, sed etiam cùm in maxima, quam statuit semidiametrorum terrenarum 12300. ac evectiores etiam secundi cujusdam quasi Epicycli Apogeo, cui distantiam largitur semidiametrorum 12900. idcirco ait Fixarum Sphæram vix posse à Terra propius abesse quam semidiametris terrenis 13000.

Et cùm sit incertum utrū omnes Stellæ æqualiter terris distent, ac verisimilius videatur earum quasdam altius, quasdam humilius intra ejusdem Octavæ sphæræ capacitem collocari, consultius fecerimus, inquit, si adhuc millesimas semidiametros priori summæ aggregaverimus.

Quare & Distantiam Fixarum à Terra statuit præter propter (neque enim hæc, inquit, exactâ & subtili mensurâ sunt pervestigabilia) esse Terrenarum semidiametrorum 14000.

Subinde autem ex hac distantia, & ex definitis quantum licuit (citra telescopii subsidium) diametris Fixarum apparentibns, in hunc modum :

Diameter apparens Fi- xarum mag- nitudinis	I II III IV V VI	{ est minu- torum	{	2 I $\frac{1}{2}$ I $\frac{1}{2}$ O $\frac{1}{4}$ O $\frac{1}{2}$ O $\frac{1}{2}$
---	---------------------------------	----------------------	---	--

Deduxit cujusque, pro suo ordine, magnitudinem seu molem ita se habere;

Sunt Fixæ Magni- tudinis	I II III IV V VI	{ majores { minores	{ 68 28 $\frac{1}{2}$ 11 3 $\frac{1}{2}$ 1 $\frac{1}{8}$ 3	{ vicibus quām Terra.
-----------------------------------	---------------------------------	------------------------	---	-----------------------------

Adjecit verò, cùm non omnes primi ordinis primæve Magnitudinis stellæ æquales inter se appareant, & proposita magnitudo conveniat propriè mediocribus, adjecit, inquam, fieri posse ut quæ in I. ordine maximæ sunt, uti Canis major & Lyra, excedant Terram centies; quæ minimæ, quadragies quinquies. Et sic quidem Tycho.

Verū de hisce Systematis, deque tota Institutione Astronomica, hactenus.

F I N I S.

ASTRONOMIQUE

I		I	Diametral
I.		II	Apparatus
I.	et minima	III	VI
II.		VI	V
II.	totalum	V	Minutissimus
III.		IV	
III.	xalutum mag-		
IV.			
V.			
VI.			

De quatuor cardinalibus, pro quo ratione, divisionem et  
notem ita esse possit;

8		I	Sunt
8		II	Fixe
11		III	Motus
11	durans	VI	Terminis
3		V	Excedentes
3	et minores	VI	

Ad ecce aeris, cum non contineat primum ordinis planetas  
neque tunc quinque, sed quinque inter alios planetas, & proposito  
conveniret, ut quinque motio eiusdem planetarum, sicut est, in  
sum, veluti posse in casu in I. ratione maximis, tunc in  
annis majoribus planetarum, excedere terminos certiores, id est in  
tempore, quod dicitur diuinitus. Et recordandum est, quod

Actum est in fine syntaxis, deinde tota perspectiva

